

تفسير سورة يونس

لسيدنا يوسف بن المسيح

عليه الصلاة والسلام



درس القرآن و تفسير الوجه الأول من سورة يونس.

أسماء إبراهيم :

شرح لنا سيدي و حبيبي يوسف بن المسيح ﷺ أثناء جلسة التلاوة المباركة من أحكام التلاوة ؛ من أحكام المد , ثم قام بقراءة الوجه الأول من أوجه سورة يونس و أجاب على أسئلتنا بهذا الوجه ، و أنهى الجلسة بأن طلب نبي الله الحبيب منا إستخراج الأحكام من الوجه .

بدأ سيدنا يوسف بن المسيح ﷺ الجلسة بأحكام التلاوة ، إذ طلب من أحمد الصغير أن يقولها بدايةً ثم الأحباب الكبار :

أحكام المد و نوعيه :

مد أصلي طبيعي و مد فرعي , المد الأصلي يُمد بمقدار حركتين و حروفه (الألف , الواو , الياء) , و المد الفرعي يكون بسبب الهمزة أو السكون .

أما الذي بسبب الهمزة فهو مد متصل واجب و مقداره ٤ إلى ٥ حركات , و مد منفصل جائز مقداره ٤ إلى ٥ حركات , و مد صلة كبرى مقداره ٤ إلى ٥ حركات جوازاً , و مد صلة صغرى مقداره حركتان وجوباً .

○ و ثم طلب سيدي يوسف بن المسيح ﷺ من أحمد قراءة سورة الزلزلة ، و صحح له قراءته .

و ثم تابع نبي الله يوسف الثاني ﷺ الجلسة بشرح الوجه لنا فقال :

هذا الوجه هو الوجه الأول من سورة يونس -عليه السلام- ، و يونس هو نبي من أنبياء العراق ، خرج في مدينة نينوى في العراق ، يقول سبحانه و تعالى :

{بسم الله الرحمن الرحيم} و هي آية من آيات السورة .

{الر تِلْكَ آيَاتُ الْكِتَابِ الْحَكِيمِ} :

(الر) : ألف لام راء : ألف أي تأليف ، تجميع و الفرق بين التأليف و التجميع بأنك عندما تؤلف تجمع و تجعل ألفة فيما جمعت و هو عكس التجميع ، إذاً ألف أي جمعت و جعلت ألفة فيما جمعت ، لام : علة ، راء : رؤية ، ألر : أي أن الله سبحانه و تعالى أَلَّفَ حروف القرآن و جعل بينها ألفة لعل أن ترى آيات الله و أن ترى حكمة الله و أن ترى عظمة الله سبحانه و تعالى ، فهذا من معاني (الر) ، و كذلك من معاني (الر) (الر تلك آيات الكتاب الحكيم) : ألم ترى تلك آيات الكتاب الحكيم ، ألم ترها؟؟ ، كذلك من معانيها : أنا الله أرى ، ألر : أنا الله أرى تلك آيات الكتاب الحكيم ، شفت بقي؟ إذاً (ألر) لها معاني كثيرة و هي من الحروف المقطعات ، و الحروف المقطعات مليئة بالأسرار و البواطن ، طبعاً لما قلنا أَلَّفَ لعل الرؤية ، المقصود الرؤية الروحية و المادية ، ترى روحياً و ترى مادياً .

(آيات الكتاب) يعني الرسالة ، أي وحي من الله عز و جل و أي رؤيا و أي مكاشفة و أي مكالمة و أي إلهام من الله عز و جل و أي نبوءة تحدث فهي كتاب ، فهي رسالة من الله سبحانه و تعالى .

{أَكَاٰنَ لِلنَّاسِ عَجَبًا اَنۡ اُوۡحِيۡنَا۟ اِلَى رَجُلٍ مِّنۡهُمۡ اَنۡ اُنۡذِرِ النَّاسَ وَبَشِّرِ الَّذِيۡنَ اٰمَنُوۡۤا اَنۡ لَهُمۡ قَدَمٌ صٰدِقٌ عِنۡدَ رَبِّهِمۡ قَالَ الْكَافِرُوۡنَ اِنَّ هٰذَا لَسَاحِرٌ مُّبِيۡنٌ} :

و في الآية التالية ربنا سبحانه و تعالى يسأل سؤال استنكاري: (أكان للناس عجباً أن اوحينا إلى رجل منهم) يعني الناس متعجبة من أننا اخترنا واحد منهم ليكون رسول مني إليهم ، لأن الكفار كانوا يقولوا عن سيدنا محمد ﷺ بأن ربنا أعظم من أن يبعث واحد زي محمد ، شايف! شايف قلة الأدب بتاعت الكفار ، بيقولك ربنا أعظم من أن يرسل رجل كمحمد مثلاً من آحاد الناس حتى ولو كان صادق و طيب و راجل محترم ، لكن هم يقصدوا إيه؟؟ يقصدوا ربنا المفروض يرسل ملك ، يرسل حاجة كده مش من جنسنا ، بس دي تضاد حكمة الله عز و جل ، ليه بقى؟ لأن النبي يأتي قدوة فلازم يكون من جنس الناس و من لغة الناس و من ثقافة الناس المبعوث فيهم ، و هنا ربنا سبحانه و تعالى بيشرح نفسية الكفار في كل عصر بأنهم ما بيعجبهمش العجب و لا الصيام في رجب زي ما بنقول في مصر ، (أن انذر الناس و بشر الذين آمنوا) يبقى أي نبي بيبدأ بإيه؟؟ بالإنذار ، الذي يستجيب يأخذ البشرى و الذي لا يستجيب يفضل الإنذار شغال عليه لغاية ما يحيك و يحقق به المكر السيء جزاء مكر أولئك الكفار .

(و بشر الذين آمنوا أن لهم قدم صدق عند ربهم) قدم صدق في الرؤيا كده ، في غالب المكاشفات و المشاهد بأن القدم في الرؤيا تبقى معناها الصدق ، هي معنى الكلمة دي (قدم صدق) و القدم اليمنى للأمور الروحية و القدم اليسرى للأمور المادية ، ده في غالب التأويلات ، و لو شفتوا واحد في الرؤيا بتأخذ إيده و بعد كده خايف و نازعها منك و خايف على إيده يبقى ده منافق (يقبضون أيديهم) و ده من صفات المنافقين ، فهو القرآن خلي بالك كلماته إعجازية و كلماته هي أسرار الوحي و أسرار الرؤى و مفاتيح الوحي ، كلمات القرآن و بالإضافة طبعاً لأصوات الكلمات في القرآن ، جميل ، (قدم صدق) يعني إيه؟؟ قدووم صادق إلى الله في الجنة ، و من معانيها أيضاً (قدم صدق) أي صدق قديم منذ الأزل ينتظر هؤلاء المؤمنين في الجنة ، إذاً (قدم صدق) قدوم صادق إلى الله و كذلك صدق قديم عند الله منذ الأزل أي صدق ثابت .

(قال الكافرون إن هذا لساحر مبين) بيتكلموا على النبي و كل نبي و يقولوا ده كذاب و كذبه عظيم ، ساحر مبين لأن السحر هو الخداع العظيم ، كذلك (ساحر مبين) يعني (ساحر) أي المخداع العظيم ، و

(مبين) أي أنه يتكلم بإظهار و يُبين للناس لكن مع ذلك يتهموه بالكذب العظيم عياداً بالله .

{إِنَّ رَبَّكُمُ اللَّهُ الَّذِي خَلَقَ السَّمَاوَاتِ وَالْأَرْضَ فِي سِتَّةِ أَيَّامٍ ثُمَّ اسْتَوَى عَلَى الْعَرْشِ يُدِيرُ الْأَمْرَ مَا مِنْ شَفِيعٍ إِلَّا مِنْ بَعْدِ إِذْنِهِ ذَلِكَ اللَّهُ رَبُّكُمْ فَاعْبُدُوهُ أَفَلَا تَذَكَّرُونَ} :

(إن ربكم الله الذي خلق السماوات و الأرض) ربنا سبحانه و تعالى هنا يصف نفسه و يقول بأنه رب الناس أي مربيهم و منميههم و رازقهم ، (رب) و دي صفة أصلية و صفة فيضانية من الصفات الأربعة في سورة الفاتحة و طبعاً عارفينها و اللي هي : (الرحمن ، الرحيم ، الرب ، المالك) و تكلم عنها الإمام المهدي عليه السلام في كتاب كرامات الصادقين و كتاب إعجاز المسيح و هي في تفسير سورة الفاتحة ، (خلق السماوات و الأرض) أول صفة من صفات ربنا سبحانه و تعالى هي الخلق ، صفة الخلق ، خلي بالك صفة الخلق دي فيها إعجاز عظيم جداً ، خلق : خاء فخر ، لق أي لاقى ، أي لاقى الفخر ، الله سبحانه و تعالى يُلاقي فخره بخلقه ، يخلق فيفتخر و يفتخر به عباده ، كذلك خلق : خل أي خلى أي مضى ، القاف قوة ، أي مضى بقوة و هو ذا الآثار القوية في الأرض و السماوات ، و من معاني أيضاً خلق إيه؟ خلى بقوة أي مضى بقوة ، و خلى أي مضى و أيضاً تفيد المستقبل ، خلى أي في الماضي و أيضاً مضى إلى المستقبل ، (السماوات و الأرض) هي عالم الروح و عالم المادة ، السماوات هي عالم الروح ، و الأرض هي عالم المادة ، (في ستة أيام) أي في ستة مراحل و ممكن المرحلة تبقى ملايين السنين مش شرط يوم من أيام الأرض بتاعتنا دي ٢٤ ساعة ، (ستة أيام) يعني ستة مراحل ، يوم من أيام الله و أيام الله مختلفة على حسب مُراد الله ، و أيام الله زمانها نسبي على حسب مُراد الله .

(ثم استوى على العرش) خلي بالك ، كلمة (استوى) يعني إيه؟ هنشوفها من القرآن برضو ربنا يقول عن النبي إيه (ثم سويته و نفخت فيه من روعي) سويته يعني جعلته يكتمل و ينضج ، (ثم استوى على العرش) يعني كملت صفاته و أصبحت فيضانية يعني تفويضي روحياً و مادياً في الكون في السماوات و الأرض ، (ثم استوى على العرش) أي

فاضت و كَمُلَّت صفاته فكونت العرش لأن العرش هو مجموع صفات الله عز و جل ، و الكرسي و هو اللي تحت العرش و الملك بيحط أقدامه عليه فده هو العلم ، (يُدبر الأمر) يُدبر الأمر ، يُصرف الأمور و الأقدار و يرسم القضاء ، (يُدبر الأمر) الأمر هنا إيه بقى؟ مش إحنا قلنا أولي الأمر إيه؟ أصحاب العرفان الإلهي ، إذا يُدبر الأمر يعني يُصرف الوحي و الفيوض الإلهية ، (ما من شفيع إلا من بعد إذنه) محدش يشفع عند ربنا لحد إلا بإذن الله عز و جل ، (ذلكم الله ربكم فعبدوه) هنا دعوة من الله عز و جل لعبادته لأنه أهل للعبادة و الوحيد المستحق للعبادة ، (أفلا تذكرون) هنا بقى سر خفي (أفلا تذكرون) يعني إنتو مش فاكرين الميثاق اللي أخذته منكم قبل ما أخلقكم في الدنيا دي لأنني أنا خلقتكم قبل كده في عالم المِثال و عالم الكشف و أخذتُ منكم العهد (أفلا تذكرون) دائماً كده ربنا بيذكر في حاجة حصلت في الأزل و يذكرهم من خلال الأنبياء و البعث المستمر ، مش إحنا قلنا الكلام ده قبل كده؟ ، و عرفنا بأن الخلق هو أول صفات الله و ثم كَمُلَّت صفات الله عز و جل و بدأت بالفيزان فاستوى أي كَمُلَّ على عرشه و كَمُلَّت صفاته ، خلي بالك من الحجة الجاية دي : و لكل كون خلقه الله عرشه الخاص ، لكل كون خلقه الله عرشه الخاص و صفات الله الخاصة بذلك الكون ، لماذا؟؟ لأنه يبدأ و يُعيد الخلق فعرشه في كل كون يختلف عن عرشه في كون آخر أو في كون خلى أو في كون آتٍ لأن الأكوان متعاقبة ، تمام كده؟ عظيم جداً ، حاجة تانية : العرش ده من صفاته أنه ياقوتة حمراء يعني مصدر للفيوض و الوحي لأن صفات ربنا كده هي مصدر للفيوض و الوحي . و اللون الأحمر في الكشف يعبر عن الوحي ، خلقه الله من نوره و هكذا صفاته سبحانه و تعالى فاضت من نوره و استوت و كَمُلَّت و عملت بدفع نوره و ذاته العلية لأن العرش أعظم المخلوقات و سقفها ، و الله خلق فيوض صفاته و جعلها عاملاً مؤثراً ، ليه؟ لأن الله نور منبثق من ذاته و هو نقطة البدء الذي يُبدد الظلام ، لا قبله شيء و لا بعده شيء و هو الظاهر و هو الباطن و هو الأول و هو الآخر و هو على كل شيء قدير ، خلي بالك .

{إِلَيْهِ مَرْجِعُكُمْ جَمِيعًا وَعَدَ اللَّهُ حَقًّا إِنَّهُ يَبْدَأُ الْخَلْقَ ثُمَّ يُعِيدُهُ لِيَجْزِيَ الَّذِينَ آمَنُوا وَعَمِلُوا الصَّالِحَاتِ بِالْقِسْطِ وَالَّذِينَ كَفَرُوا لَهُمْ شَرَابٌ مِّنْ حَمِيمٍ وَعَذَابٌ أَلِيمٌ بِمَا كَانُوا يَكْفُرُونَ} :

صفة أزلية أبدية لله ، اللي هي إيه؟ بدء الخلق و إعادته و هكذا بإستمرار و كذلك البعث و النشور و كذلك القضاء و كذلك الفناء و هكذا ، صفاته سبحانه و تعالى لا تتعطل أبداً ، خلي بالك كلمة (القسط) دي فيها سر عظيم ، نأخذ الكلمة دي بالأول و بعد كده نأخذ مشتقاتها ، قسط : قس أو من القياس أي من الدقة ، و الطاء القطع الغليظ ، مش إحنا عارفين أن ربنا من صفاته العد بأنه يعد ، مش بيقول كده (إنما نعد لهم عدداً) و كذلك من كلام الله (هم درجات عند الله) ربنا عارف درجاتهم و قياساتهم ، (و عملوا الصالحات بالقسط) يعني بالميزان الذي يقيس بدقة و ثم يقطع القياس بقوة فلا يقل و لا يزيد لأنه حرف الطاء يُفيد القطع الغليظ ، إذاً القسط هو الميزان الذي يقيس بقوة و دقة و يقطع عند نقطة القياس المستلزمة فلا يزيد و لا ينقص ، إذاً قسط هي آلة قياس تتمثل في عالم الروح و السماوات ، جميل أوي أوي .

- كلمة قسطاس ، سمعنا الكلمة دي في القرآن (القسطاس المستقيم) قسطاس : قس طاس : قس أي قياس ، طاس لها معنيان : الطاس هو وجه القمر ، قسطاس أي يقيسهم وفقاً لوجه القمر أي للأنبياء يُعابرونهم على حسب قدوتهم و اللي هو النبي ، كذلك من معاني كلمة طاس في اللغة العربية : الطبق الدائري أو كفة الميزان نسميها الطاس ، قسطاس مستقيم ليس فيه عوج لأن الكافر و المنافق يبغونها عوجاً ، عاوزين الدنيا دائماً تبقى عوجة عياداً بالله ، إذاً قلنا الطاس أي الوجه القمر و كذلك الطبق أو كفتي الميزان .

- كلمة مقسط و هي من صفات المؤمنين بأنهم مقسطين ، مقسط : الميم مفاعلة ، قسط يعني يتفاعل مع ميزان الحق الذي يُقيمه الله عز و جل في عالم الروح و هو آلة قياس .

- و في كلمة أخرى مشتقة زي قاسط و هي صفة من صفات الكافرين ، قاسط : قاس أي قاس ، الطاء قطع غليظ ، قاسط أي أنه قاس و عنده قطع غليظ لعالم الروح ، إذاً قاس أي قاسي ، و الطاء أي فيه صفة إنقطاع الغليظ عن الله العادل فيصبح الكافر ده القاسط ده في جهنم حطباً توقد به جهنم .

(و الذين كفروا لهم شراب من حميم و عذاب أليم بما كانوا يكفرون) شراب الذين كفروا من جنهم يشربونه من حاجة إسمها طينة الخبال و العياذ بالله ، و طينة الخبال هي عصارة أهل النار و عصارة المذنبين و

الزُناة و العياذ بالله ، (لهم شراب من حميم) من حميم أي شراب ناري
يسلخهم و يكويهم و عذاب أليم بما كانوا يكفرون .

{هُوَ الَّذِي جَعَلَ الشَّمْسُ ضِيَاءً وَالْقَمَرَ نُورًا وَقَدَرَهُ مَنَازِلَ لِتَعْلَمُوا عَدَدَ
السِّنِينَ وَالْحِسَابَ مَا خَلَقَ اللَّهُ ذَلِكَ إِلَّا بِالْحَقِّ يُفَصِّلُ الْآيَاتِ لِقَوْمٍ يَعْلَمُونَ}

(هو الذي جعل الشمس ضياءً و القمر نوراً) الشمس ضياء و القمر نور
، اللفظان ضياء و نور فيهما معاني باطنية ، الشمس دائماً عارفين في
العصر الحديث بأنها منيرة بذاتها إذ يحدث فيها إنشطارات نووية
فتظهر النور الذي يُبدد الظلمة ، و القمر هو يادوبك عاكس لنور
الشمس ، يأخذ النور و يعكسه لنا ، إذاً الفرق بين نور الشمس و نور
القمر أن نور الشمس هو يخرج بذاته أو من ذاته أو من كتلته منير و
لله المثل الأعلى ربنا سبحانه و تعالى ، الله يخرج منه النور من ذاته
منبثق فيبدد الظلمة ، لكن القمر أي الأنبياء القمر ينعكس عليه النور
الإلهي و نحن نراه .

(و قدره منازل) قدر القمر منازل نشوفها كده في السماء ، (يفصل
الآيات لقوم يعلمون) يعلمون أي عندهم ملكة المعرفة الإلهية ، ملكة
العرفان الإلهي أي يتصلون بالله عز و جل و يأخذون منه علماً .

{إِنَّ فِي اخْتِلَافِ اللَّيْلِ وَالنَّهَارِ وَمَا خَلَقَ اللَّهُ فِي السَّمَاوَاتِ وَالْأَرْضِ
لآيَاتٍ لِّقَوْمٍ يَتَّقُونَ} :

إختلاف الليل و النهار هو تصارع الخير و الشر ، تصارع النور و
الظلمة ، و هو من مفردات قانون التدافع و هو قانون مقدس يُعمر الله
سبحانه و تعالى الأرض ، (و ما خلق الله في السماوات و الأرض) و
هي الكائنات السماوية و أرزاقها ، و الأرض هي الكائنات الشيطانية و
أسقامها فتكمل هنا أدوات التدافع و يكْمُل الاختبار ، خلي بالك ربنا
سبحانه و تعالى في بداية الوجه يقول إيه (و بشر الذين آمنوا أن لهم

قدم صدق عند ربهم) مش إحنا قلنا بأن القدم بتاعة الملك بتوضع على الكرسي ، و الكرسي ده تحت العرش و الملك بيحط رجله عليه و كل دي أوصاف مجازية ، و الكرسي إحنا قلنا إنه العلم و إحنا عرفنا بأن العلم هو الوحي الإلهي ، (قدم صدق عند ربهم) أي فيووض من مرتكز الأقدام الإلهية أو من مرتكز القدم الإلهي من الكرسي يعني فيوض مباشرة من الله و هو من معاني (قدم صدق) أي قدم الله ، (لهم قدم صدق عند ربهم) أي اتصال مباشر بالكرسي أي بالعلم أي بالوحي الإلهي .



و أنهى الجلسة بأن طلب قمر الأنبياء يوسف الثاني ﷺ الجلسة إذ طلب من مروان و أرسلان بإستخراج أمثلة على أحكام طلبها منهما من هذا الوجه :

طلب من مروان مثال على مد متصل واجب ، فقال :
{ضِيَاء} و يمد بمقدار ٤ إلى ٥ حركات وجوباً .

و طلب من أرسلان مثال على مد صلة صغرى ، فقال :
{إِنَّهُ يَبْدَأُ} و يمد بمقدار حركتين .

هذا و صلّ اللهم و سلم على نبينا محمد و على آله و صحبه و سلم تسليماً كثيراً ، سبحانك اللهم و بحمدك ، أشهد أن لا إله إلا أنت ، أستغفرك و أتوب إليك .

و الحمد لله رب العالمين . و صلّ يا ربي و سلم على أنبياءك الكرام محمد و أحمد و يوسف بن المسيح صلوات تلو صلوات طيبات

مباركات ، و على أنبياء عهد محمد الآتين في مستقبل قرون السنين
أجمعين . آمين .  

درس القرآن و تفسير الوجه الثاني من سورة يونس.

أسماء إبراهيم :

شرح لنا سيدي و حبيبي يوسف بن المسيح ﷺ أثناء جلسة التلاوة المباركة من أحكام التلاوة ؛ من أحكام المد , ثم قام بقراءة الوجه الثاني من أوجه سورة يونس و أجاب على أسئلتنا بهذا الوجه ثم صحح لنا تلاوتنا و أنهى الجلسة بأن طلب نبي الله الحبيب منا إستخراج الأحكام من الوجه .

بدأ نبي الله

جلسة التلاوة المباركة بقوله :

الحمد لله ، الحمد لله وحده و الصلاة و السلام على محمد و من اتبعه من أنبياء عهده و بعد ، لدينا اليوم الوجه الثاني من أوجه سورة يونس ، و نبدأ بأحكام التلاوة و أحمد :

مد فرعي بسبب السكون :

مد عارض للسكون و يكون غالباً في نهايات الآيات و يمد بمقدار ٤ إلى ٥ حركات .

و مد لازم حرفي أو كلمي : الحرفي هو في أوائل السور , و الكلمي مثقل و يُمد بمقدار ٧ حركات مثل (و لا الضالين) .

و المد الحرفي له ثلاثة أنواع : حرف واحد يمد حركة واحدة و هو الألف في حروف المقطعات في بداية السور ، مجموعة من الحروف تمد بمقدار حركتين و هي مجموعة في جملة (حي طهر) , و حرف تمد بمقدار ٦ حركات و هي مجموعة في جملة (نقص عسلكم) .

و ثم قال الأحكام مروان و رفيده و أرسلان .

○ و ثم طلب سيدي يوسف بن المسيح ﷺ من أحمد قراءة سورة قريش ،
و صحح له قراءته .

و ثم تابع نبي الله يوسف الثاني ﷺ الجلسة بشرح الوجه لنا فقال :

{إِنَّ الَّذِينَ لَا يَرْجُونَ لِقَاءَنَا وَ رَضُوا بِالْحَيَاةِ الدُّنْيَا وَ اطْمَأَنُّوا بِهَا وَ الَّذِينَ
هُمْ عَنْ آيَاتِنَا غَافِلُونَ} :

ربنا سبحانه و تعالى في بداية هذا الوجه يصف أهل الدنيا أو أكثر أهل
الدنيا الذين غلبتهم دنياهم و تشبثوا بشهواتهم المحرمة ، (إن الذين لا
يرجون لقائنا) يعني يعيشون في الدنيا كأنّ ليس وراءهم إله سيُقابلهم ،
كأنّ ليس أمامهم إله سيُقابلهم أو سيُقابله ، (إن الذين لا يرجون لقائنا)
يعني اللي ناسيين ، (و رضوا بالحياة الدنيا و اطمأنوا بها و الذين هم
عن آياتنا غافلون) غافلين عن آيات الله عز و جل الروحية و المادية ،
و عارفين طبعاً كلمة غافلون كانت إيه و معناها إيه .

{أُولَئِكَ مَاوَاهُمُ النَّارُ بِمَا كَانُوا يَكْسِبُونَ} :

(أُولَئِكَ مَاوَاهُمُ النَّارُ بِمَا كَانُوا يَكْسِبُونَ) اللي هو أكبر همه الدنيا و نسي
الآخرة و نسي الله عز و جل و نسي لقاء الله عز و جل و نسي البعث و
النشور فمأواه النار (بما كانوا يكسبون) بما كسبت أيديهم ، بما كسبوا
في قلوبهم و في جوارحهم و في ألسنتهم .

{إِنَّ الَّذِينَ آمَنُوا وَعَمِلُوا الصَّالِحَاتِ يَهْدِيهِمْ رَبُّهُمْ بِإِيمَانِهِمْ تَجْرِي مِنْ تَحْتِهِمُ الْأَنْهَارُ فِي جَنَّاتِ النَّعِيمِ} :

(إن الذين آمنوا وعملوا الصالحات يهديهم ربهم بإيمانهم) على الضفة الثانية المؤمنين ، و مش آمنوا بس وعملوا الصالحات ، و كلمة (يهديهم ربهم بإيمانهم) دليل على أن الإنسان مُخَيَّر و بإختياره يكون فيما يليه مُسَيَّر ، (تجري من تحتهم الأنهار في جنات النعيم) أنهار أعمالهم و رحمت الله عز و جل تسقي أشجار أعمالهم في الجنة .

{دَعَاؤُهُمْ فِيهَا سُبْحَانَكَ اللَّهُمَّ وَتَحِيَّتُهُمْ فِيهَا سَلَامٌ وَآخِرُ دَعْوَاهُمْ أَنْ الْحَمْدُ لِلَّهِ رَبِّ الْعَالَمِينَ} :

(دعواهم فيها سبحانك اللهم) يعني أعمالهم فيها التسبيح التلقائي الذي يشعرون فيه باللذة التلقائية العفوية ، سبحانك اللهم سبحانك اللهم ، يشعر كده باللذة ، الذي يشعر بلذة التسبيح و الذكر في الدنيا فسيشعر بها في الآخرة ، (و تحيتهم فيها سلام) كل اللي ما بينهم و بين بعض سلام ، ليه؟ لأن ربنا نزع ما في قلوبهم من غل ، نزع الغل اللي في قلوب الناس في الجنة ، فكل اللي في الجنة بتمنوا الخير للناس الثانية ، كلهم بيتمنوا الخير لبعض و راضيين و يحبوا بعض و دي في حد ذاتها من أعالي و من أقاصي درجات النعيم ، صح كده؟؟ اللي هي عكس الدنيا و العياذ بالله ، أكثر حاجة تتعبك في الدنيا إيه؟؟ الناس ، سييك من شياطين الجن فهؤلاء و لا حاجة و لا يُسَووا فبذكر الله عز و جل على طول بيتحرقوا ، صح كده؟ مش انتو عارفين كده؟ و سورة البقرة بتدمر أي سحر و أي عمل و أي عين ، و لكن المشكلة في شياطين الإنس هم هؤلاء أساس البلاء في الدنيا ، أساس البلاء في الدنيا ، حقد و الكره و العين و السحر و الأعمال و الضغائن و المكائد كلها الناس في بعضها نتيجة عدم الرضا ، نتيجة الحسد و الكبر .

خلي بالك من المقطع الأخير من الآية دي : (و آخر دعواهم أن الحمد لله رب العالمين) يعني آخر حاجة يعملوها في الجنة : الحمد الكثير ، الحمد لله على النعم التي أنعم الله بها عليهم و ثم يُفَنُوا ، تفنى الجنة ، أهو ربنا اللي بيقول (و آخر دعواهم أن الحمد لله رب العالمين) ثم

يستخلص الله سبحانه و تعالى الخُص منهم بس و هؤلاء سيعبرون الكون التالي كرؤساء ملائكة كما أخبرتكم في المدونة في غير موضع ، و دي قرينة ثانية أهو (و آخر دعواهم أن الحمد لله رب العالمين) آخر عهدهم في الجنة إيه؟ الحمد ، لأنه كان أول شيء في القرآن الحمد ، سورة الحمد ، الحمد لله رب العالمين ، تمام كده؟؟

{وَلَوْ يُعَجِّلُ اللَّهُ لِلنَّاسِ الشَّرَّ اسْتِعْجَالَهُمْ بِالْخَيْرِ لَقُضِيَ إِلَيْهِمْ أَجْلُهُمْ فَنَذَرُ الَّذِينَ لَا يَرْجُونَ لِقَاءَنَا فِي طُغْيَانِهِمْ يَعْمَهُونَ} :

(و لو يعجل الله للناس الشر استعجالهم بالخير) الناس دائماً مستعجلين على الأرزاق المادية ، الخير هنا معناه إيه؟ الأرزاق المادية في الدنيا ، (لقضي إليهم أجلهم) يعني لو ربنا سيُعجل لهم الشر أو جزاء الشر اللي في نفوسهم في الدنيا قبل الآخرة لخلصت آجالهم و لانتهدت قبل ميعادها أصلاً ، يعني لو ربنا مثلاً كاتب و مقدر لواحد هيعيش مثلاً سبعين سنة و لو هو ربنا استعجل زي ما الإنسان ده استعجل و جازاه بالشر بتاعه لقصف عمره لعند الثلاثين مثلاً من الشر اللي جوا الإنسان ده ، لكن ربنا حلیم صبور ، يعني بيقوله : يا إنسان إنت مستعجل أوي على الأرزاق المادية و مش راضي ، طب أنا بقى لو عملت زيك ، ربنا بيقوله كده : أنا بقى لو عملت زيك و استعجلت إنه أنا أجازيك على الشر اللي جواك هقصف عمرك و العياذ بالله ، شفت بقى؟؟ فهنا ربنا يُقابلهم بنفس أسلوبهم من باب الأمر بالمعروف و النهي عن المنكر ، صح كده؟؟ مين أول حد بيأمر بالمعروف و بينهى عن المنكر؟؟ الله و بعد كده الأنبياء و بعد كده المؤمنين .

(فنذر الذين لا يرجون لقاءنا في طغيانهم يعمهون) خلي بالك ، خلي بالك لو ربنا سايبهم في غفلتهم و في طغيانهم عشان يزود عليهم الحساب و يثقل عليهم الحساب حتى إذا أخذهم لم يفلتهم ، حتى إذا أخذهم أخذهم أخذ عزيز مقتدر ، فهو سايبهم في طغيانهم ، و الطغيان اللي هو الذنب و المجاهرة بالذنب و الإفساد في الأرض فهو ده الطغيان ، عشان هيلاقوا إيه بقى؟؟ العمه العمه (فنذر الذين لا يرجون لقاءنا في طغيانهم يعمهون) اللي هم نسوا لقاء الآخرة و نسوا عظة الموت لأنه كفى بالموت و عظة ، نسوا عظة الموت ، ربنا إيه؟ نذرهم

. (يعمّهون) أي يصابون بالعمى و الهوان في الدنيا قبل الآخرة ، و العمه ده هيثمئل لهم في جهنم كشجرة من نار و يلقون مصيرهم فيها .

{وَإِذَا مَسَّ الْإِنْسَانَ الضُّرُّ دَعَانَا لِجَنْبِهِ أَوْ قَاعِدًا أَوْ قَائِمًا فَلَمَّا كَشَفْنَا عَنْهُ ضُرَّهُ مَرَّ كَأَن لَّمْ يَدْعُنَا إِلَى ضُرِّ مَسَّهُ كَذَلِكَ زِينٌ لِلْمُسْرِفِينَ مَا كَانُوا يَعْمَلُونَ} :

يعني الإنسان لما يكون مصاب بالآلام أو أضرار مادية أو نفسية أو معنوية يضطر بأن يلجأ إلى الله فيدعوه في كل حال سواء أكان على جنبه و هو نائم أو قاعد أو واقف يعني قائم ، هنا ربنا بيصف دعاء الإنسان و اضطراره إليه وقت مصيبة بأنه يدعوه في كل الأحوال سواء أكان وقت النوم أو وقت الجلوس أو وقت الوقوف ، اللي هو المفروض بأن الإنسان بشكل طبيعي في الأوقات العادية يدعو الله عز و جل و يذكره على جنبه و قاعداً و قائماً ، (فلما كشفنا عنه ضره) لما ربنا يرفع البلاء (مَرَّ كَأَن لَّمْ يَدْعُنَا إِلَى ضُرِّ مَسَّهُ) الإنسان بيمشي كده ناسي ناسي كل اللي حصل له و لا يتعظ ، هو كده الإنسان الغافل ، مش ربنا بدأ هذا الوجه بوصف الغافلين؟؟ هو كده ربنا بيصف هنا الغافل بأنه لما الضر يُرفع عنه و البلاء يُرفع عنه كأنه لم يحصل له شيء! لا يأخذ العبرة ، و من صفات المؤمنين : لا يُلدغ المؤمن من جحر مرتين ، صح كده؟ المفروض الإنسان اللي يأتية البلاء يتعظ منه و يُكثر من الاستغفار كي يرفع الله عنه البلاء و لا يُصيبه به مرة أخرى و لكي يوسع الله له في أرزاقه ، (كذلك زين للمسرفين ما كانوا يعملون) زين هنا فعل مبني للمجهول ممكن يبقى النفس ، الشيطان ، صديق السوء ، الهوى ، الأعمال السيئة ، كل ده تُزين الأعمال دي اللي هو النسيان و الغفلة و الطغيان ، و عرفنا كلمة مسرف معناها إيه ، في الكلمات اللي جمعتها أسماء امبارح .

{وَلَقَدْ أَهْلَكْنَا الْقُرُونََ مِنْ قَبْلِكُمْ لَمَّا ظَلَمُوا وَجَاءَهُمْ رَسُولُهُمْ بِالْبَيِّنَاتِ وَمَا كَانُوا لِيُؤْمِنُوا كَذَلِكَ نَجْزِي الْقَوْمَ الْمُجْرِمِينَ} :

خلي بالك ربنا بيحكي هنا عن البعث القديم عشان يفهم الناس يتعاملوا إزاي مع البعث الجديد لأننا نأخذ العبرة من الماضي ، و يبقى آفة العذاب إيه؟؟ الظلم ، و عذر المظلوم بأنه ظلم ، إلا من ظلم . و أي نبي بييجي بالبينات ، دائماً يبقى مبين ، النبي مبين ، فصيح ، يُبين ، فاهم و يفهم ، خالص و بيخلص يعني هو خالص و أتى ليخلص ، ليه؟ لأنه يبقى عاش التجربة أي نبي يبقى عاش التجربة ، تجربة الخلاص الروحي فأتى يخلص الناس و يفهمهم و يعرفهم على ربهم و إلههم ، هو كده دائماً النبي مبين ، (و ما كانوا ليؤمنوا) برضو مش عاوزين يؤمنوا ، ليه؟ لأن عندهم طغيان و غفلة و نسيان ، كل ده يؤدي إلى الظلم المبين اللي هم بيعملوه ، (كذلك نجزي القوم المجرمين) باللي إحنا قلناه في سابق الآيات ، و هو الإهلاك في الدنيا قبل الآخرة .

خلي بالك بقى من الآية الجاية دي :

{ثُمَّ جَعَلْنَاكُمْ خَلَائِفَ فِي الْأَرْضِ مِنْ بَعْدِهِمْ لِنَنْظُرَ كَيْفَ تَعْمَلُونَ} :

كلمة خلائف (ثم جعلناكم خلائف في الأرض) للإستمرارية ، يعني بعث مستمر ، إستخلاف مستمر ، أنبياء مستمرين إلى قيام قيامة هذا الكون ، إلى قيام الساعة ، إذاً من أدلة إستمرار البعث ، و العلة و السبب (لننظر كيف تعملون) يبقى ربنا هنا مش عنده سابق حكم علينا ، لا ده هو بينظر هنعمل إيه عشان يجازينا بيه لأننا مُخَيَّرِينَ و بإختيارنا نكون فيما يليه مُسَيَّرِينَ ، أهو ربنا اللي بيقول و المشايخ بيحرفوا كلام ربنا و إحنا جايين ننظف الدين من آفات المشايخ و العياذ بالله ، (ثم جعلناكم خلائف في الأرض) بعث مستمر .

○ تحليل أصوات كلمات : ضر ، ظل :

- ضر : الضاد تشنت فظ أليم ، الراء رؤية يعني رؤية التشنت الفظ الأليم و هو الضر .

- ظل : الظاء غالباً تأتي في موطن و بواطن النعيم ، اللام علة ، يعني علة النعيم ، ظلاً ظليلاً .



و أنهى الجلسة بأن طلب قمر الأنبياء يوسف الثاني ﷺ من مروان و رفيدة و أرسلان بإستخراج أمثلة على أحكام طلبها منهم من هذا الوجه :

طلب من مروان مثال على مد لازم كلمي مثقل ، فقال :
لا يوجد .

و طلب من رفيدة مثال على مد عارض للسكون ، فقالت :
{رَبِّ الْعَالَمِينَ} .

و طلب من أرسلان مثال على مد حرفي يُمد بمقدار ٦ حركات لازم ((و هي فقط في المقطعات في بدايات السور)) ، فقال :
و لا يوجد .

هذا و صلّ اللهم و سلم على نبينا محمد و على آله و صحبه و سلم
تسليماً كثيراً ، سبحانك اللهم و بحمدك ، أشهد أن لا إله إلا أنت ،
أستغفرك و أتوب إليك .

و الحمد لله رب العالمين . و صلّ يا ربي و سلم على أنبياءك الكرام
محمد و أحمد و يوسف بن المسيح صلوات تلو صلوات طيبات
مباركات ، و على أنبياء عهد محمد الآتين في مستقبل قرون السنين
أجمعين . آمين .  

درس القرآن و تفسير الوجه الثالث من سورة يونس.

أسماء إبراهيم :

شرح لنا سيدي و حبيبي يوسف بن المسيح ﷺ أثناء جلسة التلاوة المباركة من أحكام التلاوة ؛ المدود الخاصة ، ثم قام بقراءة الوجه الثالث من أوجه سورة يونس و أجاب على أسئلتنا بهذا الوجه ثم صحح لنا تلاوتنا و أنهى الجلسة بأن طلب نبي الله الحبيب منا إستخراج الأحكام من الوجه .

بدأ نبي الله جلسة التلاوة المباركة بقوله :

الحمد لله ، الحمد لله وحده و الصلاة و السلام على محمد و من اتبعه من أنبياء عهده و بعد ، لدينا اليوم الوجه الثالث من أوجه سورة يونس ، و نبدأ بأحكام التلاوة و أحمد :

المدود الخاصة و تمد بمقدار حركتين ، و هي :

- مد لين مثل بيت ، خوف .
- مد عوض مثل أبدا ، أحدا
- مد بدل مثل آدم ، أزر .
- مد الفرق مثل الله ، الذكرين .

و بعد أحمد قال الأحكام مروان ثم رفيدة ثم أرسلان .

○ و ثم طلب سيدي يوسف بن المسيح ﷺ من أحمد قراءة آية الكرسي ، و صحح له قراءته .

و ثم تابع نبي الله يوسف الثاني ﷺ الجلسة بشرح الوجه لنا فقال :

الله سبحانه و تعالى يصف وصف عظيم لسريرة خفية من سرائر المنافقين ، يقول تعالى :

{وَإِذَا تُلِّيَ عَلَيْهِمْ آيَاتُنَا بَيِّنَاتٍ قَالَ الَّذِينَ لَا يَرْجُونَ لِقَاءَنَا إِنَّتِ بِقُرْآنٍ غَيْرِ هَذَا أَوْ بَدَّلَهُ قُلْ مَا يَكُونُ لِي أَنْ أُبَدِّلَهُ مِنْ تَلَقُّاءِ نَفْسِي إِنْ أَتَّبِعُ إِلَّا مَا يُوحَى إِلَيَّ إِنِّي أَخَافُ إِنْ عَصَيْتُ رَبِّي عَذَابٌ يَوْمٍ عَظِيمٍ} :

يعني المنافق لما تيجي تقول له آيات الله عز و جل و وحي الله عز و جل و مُراد الله عز و جل ، يقولك لا مش عاجبنا! هاتلنا حاجة تانية . كأن النبي ده بقال أو كأن النبي تاجر كلام أو كأنه شاعر أو كاتب مسرحي أو مؤلف سيناريو مثلاً في أفلام معينة و كده ، فالسيناريو اللي كتبته مش عاجب الجمهور ، و الجمهور عاوز سيناريو جديد أو سيناريو كده ممتع عشان يتفاعل معاه ، عشان الجمهور يرضا ، يرضا عن النبي ، و الحقيقة بأن وظيفة النبي بأنه يقول و يُبلغ بس ، إنه مترجم و مُوصل ، ساعي بريد ، مُترجم من العالم السامي إلى الأرض ، و مش وظيفته أبداً بأن يُرضي الجماهير خالص ، ماشي! فالنبي لما يقول كلام مايجيش على هوى المنافقين فالمنافق يقولك : لا لا شوفلنا كلام غير ده ، شوفلنا آيات غير دي . كأن النبي إيه؟ بقال أو بيتاجر بالكلام و ده مش صحيح .

(و إذا تتلى عليهم آياتنا بينات قال الذين لا يرجون لقاءنا انت بقران غير هذا أو بدله) ليه بقى؟ لأن المنافقين بيغونها عوجاً ، حياتهم كده ماشية على هواهم ، بيحب يمشي على هواه ، لأنه ما ابتغى الطريق المستقيم ، ما ابتغى طريق التزكية و طريق الحلال بل رضي بالحرام فابتغاه عوجاً .

(قل ما يكون لي أن أبدله من تلقاء نفسي) النبي بيقول كده و كل نبي : هو بمزاجي!! هو من عندي؟؟!!!! لا ده أنا بقول اللي بشوفه أو اللي بسمعه أو اللي ربنا يُلهمه إليّ و يُوحى به ، (إن اتبع إلا ما يوحى إليّ)

ماشي على الصراط المستقيم خطوة خطوة ، سنة بسنة ، ليه بقى؟؟ ربنا سبحانه و تعالى قال عن القرآن إيه؟ ربنا سبحانه و تعالى نزل القرآن على سيدنا محمد لتقرأه للناس على مكث ، حنة بحتة ، هو كده ، دي فلسفة المكث و فلسفة التعليم القرآني المستمر و على مدى الزمان لأنه تربية و تركية مستمرة على طوول الزمان ، مش حنة كده شوية شعللة إيمان كده سريعة و تخبو مع الوقت! لا . لازم يكون في تعاهد للنفس البشرية للإيمان من خلال التركية اللي بتكون بإيه؟؟ بالقرآن و اللي هو أم الوحي ، اللي هو أبو الوحي ، اللي هو أصل الوحي ، اللي هو أعظم الوحي ، اللي هو أعلى مراتب الوحي ، هو ده القرآن ، فإذا كان القرآن ربنا قال عنه كده (لتقرأه للناس على مكث) يعني إيه؟ زي ما إحنا بنعمل كده ، زي ما إحنا بنعمل كده ، بنعمل درس للتلاوة كل إثنين و خميس ، ليه؟ لأنها أيام مباركة ، الإثنين و الخميس تُرفع فيها الأعمال إلى الله و هو من إختيار الله عز و جل ، صح كده؟ و كنا في الأول بنعملها فديو و دلوقتي بنعملها صوت/أديو ، لأن ذلك هو إختيار الله عز و جل المناسب للمرحلة ، تمام كده؟ فكلام ربنا سبحانه و تعالى ، إذا ظهرت قلوبنا لا نشبع من كلام الله ، خلي بالك هكذا قال السلف الصالح : "إذا طُهرت قلوبكم ما شبعتم من كلام ربها" ، صح كده؟؟ يبقى ده مقياس و معيار ، فذلك تلاقي المنافقين يقولون : إنت ماجبتش جديد ، إنت بترص آيات و بتتكلم عن الآيات أو بتفصل الآيات ، بترص الآيات بس كده ، إيه الجديد بقى اللي عملته؟؟؟ ، هذه نبرة نفاق و دليل نفاق ، إنك لم تجد في آيات الله المروسة تدبر و لا تجد فيها لذة لأن قلبك غير طاهر و يحتاج لتركية مستمرة و هذا نتيجة الذنوب السرية ، خلي بالك الذنوب السرية تحتاج إلى طاعات سرية و قبل الطاعات السرية الإقلاع عن الذنب السري ، عن الذنب الخفي اللي هو يورث الشرك الخفي و بالتالي يعقبهم نفاقاً في قلوبهم ، فالنبي لا يأتي كاتب سيناريو و لا هو كاتب مقالات عاوز يرضي الجماهير ، لا . النبي موصل للكهرباء ، صح؟ يوصل ، معدن يوصل للكهرباء أو ماء لأن الماء أيضاً موصل للكهرباء ، النبي مش خشب و لا النبي حجر ، النبي معدن نفيس و ماء ، بيوصل الإرسال و يوصل الوحي . بس . هي دي وظيفته ، (إني أخاف إن عصيت ربي عذاب يوم عظيم) يبقى علة التركية هي الخوف من العصيان ، لأن الإنسان إن عصى فقد طغت نفسه على روحه فأذنتها إيذاءً عظيماً ، فالنبي مؤمن على الكلمة زي ما بيشوفها و يفهمها بيقولها .

{قُلْ لَوْ شَاءَ اللَّهُ مَا تَلَوْتُهُ عَلَيْكُمْ وَلَا أَدْرَاكُمْ بِهِ فَقَدْ لَبِثْتُ فِيكُمْ عُمُرًا مِّن قَبْلِهِ أَفَلَا تَعْقِلُونَ} :

لو ربنا شاء ما كان ليُوحى إليّ و ما كان لبيعثني و ما كان ليُرسلني لأُجدد و أصلح ، لأن كل نبي هو مجدد و مصلح ، (فقد لبثت فيكم عمراً من قبله أفلا تعقلون) يعني إنتو خابريني و عارفيني و عارفين صفاتي و عارفين صدقي ، النبي يقول كده عن نفسه و كل نبي ، عارفين صدقه و عارفين بأنه صافي النية و أنه حسن النية و يُريد الطهر و الزكاة له و لمن حوله ، فكونكم تردوا آيات الله عز و جل و تقولوا لا مش على مزاجنا ، فهذا دليل نفاق في قلوبكم .

{فَمَن أَظْلَمُ مِمَّنِ افْتَرَى عَلَى اللَّهِ كَذِبًا أَوْ كَذَّبَ بِآيَاتِهِ إِنَّهُ لَا يُفْلِحُ الْمُجْرِمُونَ} :

ربنا سبحانه و تعالى وصف هنا الذي يكذب على الله عز و جل في الوحي و الذي يُكذب النبي أيضاً أنهما مجرمان ، ساوا بين الكاذب في دعوى النبوة و بين المكذب لدعوى النبوة ، يبقى الاثنين حاجة واحدة و لأنه أمر خطير جداً و أمر حساس جداً ، أمر دعوى النبوة أمر حساس جداً ، لما تجد واحد يقولك بأنه صاحب دعوى نبوة و أنه مأمور من الله عز و جل فيجب أن تُرخي سمعك و تفتح بصرك و تركز بعقلك و تحس بقلبك لأنه ممكن يكون فعلاً فعلاً من الله عز و جل و تُجازي على تكذيبك أو توليك و إعراضك ، الإعراض و التولي درجة من درجات التكذيب ، فمن كذب نبياً أو أعرض عنه فهو من المجرمين مساوياً لمن ادعى الكذب وحيماً على الله عز و جل أو لمن ادعى الوحي كذباً على الله عز و جل ، تمام كده؟ ربنا سبحانه و تعالى قال الآية دي لخطورة الأمر ، عشان نفهم و نركز كويس جداً و نلجأ إلى الله عز و جل بالتوبة و الإستخارة و الإستغفار و السؤال عن حال هذا النبي أو صاحب الدعوى ، لأنه لو طلع صادق و إنت كذبتة أو أعرضت عنه أو حاربتة هتكون مجرم زي أي واحد نبي يدعي النبوة كذباً ، فأمر خطير جداً .

و بعد كده ربنا سبحانه و تعالى بيصف حال كفار قريش :

{وَيَعْبُدُونَ مِن دُونِ اللَّهِ مَا لَا يَضُرُّهُمْ وَلَا يَنْفَعُهُمْ وَيَقُولُونَ هَؤُلَاءِ شَفَعَاؤُنَا عِنْدَ اللَّهِ قُلْ أَتَنْبِئُونَ اللَّهَ بِمَا لَا يَعْلَمُ فِي السَّمَاوَاتِ وَلَا فِي الْأَرْضِ سُبْحَانَهُ وَتَعَالَى عَمَّا يُشْرِكُونَ} :

(و يعبدون من دون الله ما لا يضرهم و لا ينفعهم) و اللي هي الأصنام الخشبية أو الحجرية اللي كانت حول الكعبة أو اللي كانت من العجوة أو ما إلى ذلك ، و فعلاً الحجارة دي و الخشب لا تضرهم و لا تنفعهم!!! ، (و يقولون هؤلاء شفعاؤنا عند الله) يعني إحنا بنعبدهم تقرباً من الله عز و جل ، كأنهم وسطاء بيننا و بين الله ، و دي حجة و فلسفة وثنية زي فلسفة الوثنيين الرومان و اليونان عن الآلهة و أبناء الآلهة و اللي استقى منها بولس هذه الفلسفة فلسفة المسيح الدجال ، و الدليل بأن المقصود هنا هي الأحجار فقط و الأصنام التي كانت حول الكعبة بمقصد (من دون الله ما لا يضرهم و لا ينفعهم) بأن هناك أيضاً معبودات من دون الله عز و جل مع الأحجار و الأصنام دي و لكنها تضر و لا تنفع ، لكن هنا ذكر بأن المعبودات دي لا تضر و لا تنفع ، يبقى هي فعلاً الأحجار و الأصنام اللي كانت حول الكعبة ، لكن في معبودات تانية مع الله عز و جل شركاً يُشرك بها المشركون مع الله تضر ، زي إيه؟ عبادة الهوى ، عبادة الدنيا ، عبادة الشيطان ، عبادة النفس و رغباتها ، كل دي شركاء مع الله و تورث الشرك الظاهر أو الخفي و تضر .

(قل أتنبئون الله بما لا يعلم في السماوات و لا في الأرض) يعني إنتو هتفهموا ربنا يعمل إيه و مايعملش إيه؟!!! إنتو جايين تعلموا ربنا و تفهموه يا كفار؟؟!! (سبحانه و تعالى عما يشركون) تنزيه لله عز و جل عن هذا الشرك الظاهر .

{وَمَا كَانَ النَّاسُ إِلَّا أُمَّةً وَاحِدَةً فَاخْتَلَفُوا وَلَوْلَا كَلِمَةٌ سَبَقَتْ مِنْ رَبِّكَ لَقُضِيَ بَيْنَهُمْ فِيمَا فِيهِ يَخْتَلِفُونَ} :

يعني الناس كانوا أمة واحدة وقت البعث و اللي هي كانت أمة آدم -عليه السلام- أول أمة بُعث فيها نبي ، (فاختلفوا) اختلفوا ليه بقي؟؟ و ليه ما ظلوا متجمعين ؟؟؟ لأنهم اختلفوا في أمر الوحي و في أمر الإيمان و في أمر نبوة النبي ، منهم من آمن و منهم من كذب ، كذلك مع كل بعث هناك من سيؤمن و هناك من سينافق و ثم يكفر ، صح كده؟ فيحدث الاختلاف ، و دي سنة إلهية عشان يتم الاختبار في الدنيا و تتم دائرة الاختبار .

(و لولا كلمة سبقت من ربك) يعني لولا أنها سنة إلهية ، سنة الاختلاف في الأرض اللي بيها تكمل دائرة الاختبار في الدنيا (لقضي بينهم فيما فيه يختلفون) يعني ربنا أظهر بقوة سبيل الحق من سبيل الباطل من خلال الآيات الظاهرة التي ليس بينها و بين الناس حجاب ، و ليه آيات الساعة الكبرى بتيجي بغتة؟؟ أو أن الساعة أصلاً بتأتي بغتة؟؟ لأن علامات الساعة الكبرى تبقى مجازية ليس على ظاهرها فبتالي الناس لا يكون عندهم مشاهدة للآيات دي و يقين ، يعني لو آيات الساعة الكبرى على ظاهرها مش مجازية لآمن كل من في الأرض . بس ربنا خباها/أخفاها و ورّاها و جعلها مجازية عشان يختبر الإيمان ، يعمل اختبار تست test لازم ، كل واحد له الاختبار بتاعه و له التست بتاعه ، يا يعدي يا إيه؟ يا يخسر في الدنيا و الآخرة ، كل واحد له اختباره يا يعدي يا يخسر .

(لقضي بينهم فيما فيه يختلفون) قضي بينهم بإظهار الآيات الصريحة ، إخراجها من طور النبوءة أو المجاز إلى طور الصراحة ، زي الشمس اللي بتشرق كده ، حد بيختلف إنه في شمس بتشرق؟؟ محدش بيقولك لا مفيش شمس بتشرق ، كذلك لو كانت آيات الساعة الكبرى زي ما الشمس بتشرق كده على ظاهرها لآمن كل من في الأرض ، بس ده مش مُراد ربنا لأن مُراد ربنا هو الاختبار :

Testing of faith ... testing of believe

إختبار الإيمان ، و هو يأتي مع كل نبي .

{وَيَقُولُونَ لَوْلَا أُنْزِلَ عَلَيْهِ آيَةٌ مِّن رَّبِّهِ فَقُلْ إِنَّمَا الْغَيْبُ لِيَّهِ فَانْتَظِرُوا إِنِّي مَعَكُمْ مِنَ الْمُنْتَظِرِينَ} :

أهو ربنا بيرد عليهم (و يقولون لولا أنزل عليه آية من ربه) بيقتصدوا آية مادية ، آية ظاهرة ، آية مش مجازية ، آية مادية ، أهو آية مادية ، خلي بالك في اللي جاي ده (فقل إنما الغيب لله) ربنا هنا بياكد بأن الآيات هي عبارة عن نبوءات غيبية ، أصل الآيات إيه؟؟ نبوءات تتحقق ، و أعظم الآيات مع كل الأنبياء هي إيه؟؟ النبوءات اللي بيقلها و بتتحقق ، و هنا ربنا سبحانه و تعالى لم يرد عليهم في موضوع طلبهم لآية مادية ، تجاهلهم و تجاهل طلبهم و صرف أنظارهم إلى الآيات الصحيحة التي تكون مع كل الأنبياء و اللي هي مُراد الله عز و جل و اللي هي إيه؟؟ (فقل إنما الغيب لله) اللي هو تنبأ عليهم . قل النبوءات و ربنا يحققها و يبقى ده دليل صدقك ، (فانتظروا إنني معكم من المنتظرين) الوقت كفيّل لإظهار الصادق من الكاذب ، و إظهار المصدق من المكذب ، (فانتظروا إنني معكم من المنتظرين) و دي عقيدة التربص و الإنتظار ما بين فسطاط المؤمنين و فسطاط المنافقين و الكافرين .

○ و قال لنا نبي الله الحبيب يوسف الثاني ﷺ بعد تلاوة أرسال :

طبعاً الوحي الإلهي بالنسبة لأنواعه في الرؤى و المكالمات و المكاشفات و الإلهامات و الإشارات ، إما أن يكون إخبار عن أمر ماضي ، أو إخبار عن نبوءة قادمة ، أو لفت إنتباه لأمر ما بعتاب أو نهى أو غيره . أو إجابة عن استخارة أو سؤال الله ، أو أمر بفعل أمر ما ، إذا الرؤى ممكن تكون إخبار عن أمر ماضي ، أو إخبار عن أمر مستقبل ، أو عتاب و تزكية و تربية بين الله و عبده أو اجابات الاستخارات ، أو أمر بفعل أمر ما .

و أنهى الجلسة بأن طلب قمر الأنبياء يوسف الثاني ﷺ من مروان و رفيدة و أرسال بإستخراج أمثلة على أحكام طلبها منهم من هذا الوجه :

طلب من مروان مثال على مد عوض فقال :
لا يوجد .

و طلب من رفيدة مثال على مد لين ، فقالت :
{الْغَيْبُ} ممكن يكون مد لين و مد طبيعي .



و طلب من أرسلان مثال على مد بدل ، فقال :
لا يوجد .

و طلب من أحمد مثال على مد فرق ، فقال :
لا يوجد .

و اختتم نبي الله الجلسة المباركة بقوله المبارك :

الحمد لله .

هذا و صلّ اللهم و سلم على نبينا محمد و على آله و صحبه و سلم
تسليماً كثيراً ، سبحانهك اللهم و بحمدك ، أشهد أن لا إله إلا أنت ،
أستغفرك و أتوب إليك .

و الحمد لله رب العالمين . و صلّ يا ربي و سلم على أنبياءك الكرام
محمد و أحمد و يوسف بن المسيح صلوات تلو صلوات طيبات
مباركات ، و على أنبياء عهد محمد الآتين في مستقبل قرون السنين
أجمعين . آمين .  

درس القرآن و تفسير الوجه الرابع من سورة يونس.

أسماء إبراهيم :

شرح لنا سيدي و حبيبي يوسف بن المسيح ﷺ أثناء جلسة التلاوة المباركة من أحكام التلاوة ؛ أحكام الوقف و السكت , ثم قام بقراءة الوجه الرابع من أوجه سورة يونس و أجاب على أسئلتنا بهذا الوجه ثم صحح لنا تلاوتنا , و أنهى الجلسة بأن طلب نبي الله الحبيب منا إستخراج الأحكام من الوجه .

بدأ نبي الله الحبيب جلسة التلاوة المباركة بقوله :

الحمد لله ، الحمد لله وحده و الصلاة و السلام على محمد و من اتبعه من أنبياء عهده و بعد ، لدينا اليوم الوجه الرابع من أوجه سورة يونس ، و نبدأ بأحكام التلاوة و أحمد :

الوقف :

ج (وقف جائز) , قلبي (الوقف أفضل لكن الوصل جائز) , صلي (الوصل أفضل لكن الوقف جائز) ,

لا (ممنوع الوقف) , ما (وقف لازم) , وقف التعانق و هو لو وقفت عند العلامة الأولى فلا تقف عند العلامة الثانية و لو وقفت عند الثانية لا تقف عند الأولى) .

و السكت :

هو حرف السين ، و هو وقف لطيف دون أخذ النفس ، مثل : من راق ، بل ران .

و بعد أحمد قال الأحكام مروان ثم رفيده ثم أرسلان .

○ و ثم طلب سيدي يوسف بن المسيح ﷺ من أحمد قراءة سورة العصر ، و صحح له قراءته .

و ثم تابع نبي الله يوسف الثاني ﷺ الجلسة بشرح الوجه لنا فقال :

الوجه الرابع ده وجه عظيم و القرآن كله عظيم ، يتحدث عن صفات نفسية و اجتماعية للمجتمعات و ثم يأتي الله عز و جل في نهاية الوجه ليصف العلاج ، ليصف العلاج و البغية و الهدف من إختبار الدنيا ، في بداية الوجه ربنا سبحانه و تعالى يصف النفس البشرية المتمردة اللي هي تحتاج للتركية و بعث الأنبياء و بعد كده يصف سبحانه و تعالى خط الزمن أو منحى الزمن للأمم و الحضارات اللي وصفه ابن خلدون في مقدمته ، مقدمة ابن خلدون وصف الحضارات و هنقول دلوقتي وصفها ازاي و ربنا هنا وصفها قبل ابن خلدون ، و بعد كده سبحانه و تعالى في نهاية الوجه يبين لنا العلاج و الهدف من التجربة دي إيه .

{وَإِذَا أَذَقْنَا النَّاسَ رَحْمَةً مِّن بَعْدِ ضَرَّاءَ مَسَّتْهُمْ إِذَا لَهُم مَّكْرٌ فِي آيَاتِنَا قُلِ اللَّهُ أَسْرَعُ مَكْرًا إِنَّ رُسُلَنَا يَكْتُبُونَ مَا تَمْكُرُونَ} :

يعني الإنسان المتمرد ما يستكنش و ما يبقاش رحيم و مهذب إلا لازم تيجي مصيبة و بلوى عياداً بالله ! طب ليه؟؟؟ خليك محترم من الأول و على الفطرة طيب ، لازم كده يعني يجيلك بطش أو تيجيلك قوة رادعة قاهرة عشان تبقى مستكين و محترم و تكف أذاك عن من حولك!! هو كده الإنسان المتمرد ، ربنا بيصفه أهو ، (مستهم) يعني إيه؟ أحاطت بهم أي لا مفر منها ، (لهم مكر في آياتنا) أي يتمردون على أنبياء الله و

على الأولياء و الصالحين و المؤمنين و سائر البشر و الضعفاء أجمعين ، (قل الله أسرع مكرأ) يعني ربنا مُحِيطُ بِهِمْ و مش هيقدرُوا يخدعُوا ربنا أبداً ، (إن رسالنا يكتبون ما تمكرون) أي الملائكة المدبرات الكاتبات ، هيكتبوا كل خطوة بتعملوها بعد رفع الضر لأن اللي عملتوه بعد رفع الضر هو عبارة عن كفر النعمة و ليس شكر النعمة ، و لما ربنا يرفع عنهم الضر و يكيّدوا الكيد و يمكروا المكر فإن ربنا سبحانه و تعالى يُضاعف سيئاتهم و ذلك على عكس الذي يتوب من الذنوب فإن الله يُبدل سيئاته حسنات .

{هُوَ الَّذِي يُسَيِّرُكُمْ فِي الْبَرِّ وَالْبَحْرِ حَتَّى إِذَا كُنْتُمْ فِي الْفُلِكِ وَجَرَيْنَ بِهِمْ بِرِيحٍ طَيِّبَةٍ وَفَرِحُوا بِهَا جَاءَتْهَا رِيحٌ عَاصِفٌ وَجَاءَهُمُ الْمَوْجُ مِنْ كُلِّ مَكَانٍ وَظَنُّوا أَنَّهُمْ أُحِيطَ بِهِمْ دَعَوُا اللَّهَ مُخْلِصِينَ لَهُ الدِّينَ لَئِنْ أَنْجَيْتَنَا مِنْ هَذِهِ لَنَكُونَنَّ مِنَ الشَّاكِرِينَ} :

ربنا هنا بيصف العكس بقى ، لما يجيلهم الضرر أو البلاء و الكرب بيقوا إيه ؟ رحيمين و مؤدبين و محترمين و بيلجأوا إلى الله رب العالمين وحده ، موحدين غير مشركين ، أهو ربنا بيصفهم ، و وصف البلاء بإيه بمثال بأنهم في فُلك يعني سفينة في البحر تايهة و هبت عليها رياح و أمطار و عواصف و أمواج عظيمة و شارفوا على الهلاك و خلاص ليس عندهم حيلة يعني تقطعت بهم السبل و لم يعد لهم حيلة و لا فكر و لا مكر ، آه ساعتها بقى يلجأوا إلى الله الواحد الأحد وحده دون سواه ، ربنا هنا بيصف عامة البشر المتمردين .

{فَلَمَّا أَنْجَاهُمْ إِذَا هُمْ يَبْغُونَ فِي الْأَرْضِ بِغَيْرِ الْحَقِّ يَا أَيُّهَا النَّاسُ إِنَّمَا بَغْيُكُمْ عَلَى أَنْفُسِكُمْ مَتَاعَ الْحَيَاةِ الدُّنْيَا ثُمَّ إِلَيْنَا مَرْجِعُكُمْ فَأُنَبِّئُكُمْ بِمَا كُنْتُمْ تَعْمَلُونَ} :

(فلما أنجاهم إذا هم يبغون في الأرض بغير الحق) تاني أهو ، زي (و إذا أذقنا الناس رحمة من بعد ضراء مستهم إذا لهم مكر في آياتنا) ربنا

بيصف الحالة دي مرة ثانية بأسلوب ثاني ، (يبيغون في الأرض) أي يظلمون في الأرض ، يبيغون أي يعتدون ، (في الأرض بغير الحق) أي بالظلم عياداً بالله .

(يا أيها الناس إنما بغيكم على أنفسكم) يعني الظلم و الإعتداء بتاعكم ده هيبقى إعتداء عليكم أصلاً في النهاية ، كأنك بتعتدي على نفسك ، اللي بيعتدي على غيره كأنه بيعتدي على نفسه ، هل الواحد بيحب يعتدي على نفسه؟؟ مباحش ، بس لو فهم كده عمره ما يعتدي على حد ، فربنا هنا بيضرب المثل عشان يعالج النفوس البشرية دي ، يعالجها من الأمراض اللي فيها و التمرد اللي فيها ، (متاع الحياة الدنيا) يعني مرحلة مؤقتة قصيرة ، (ثم إلينا مرجعكم) رجوعكم لينا ، رجوعكم لينا ، كل الخيوط في يد الله سبحانه و تعالى ، كلكم هترجعوله ثاني مفيش مفر ، (ثم إلينا مرجعكم فننبئكم بما كنتم تعملون) من الكتاب ، من الصحف المكتوبة عليكم . متأكد (مقيد) عليكم كل حاجة ، كل خطوة ، صح كده؟ لذلك المراقب النشيط أو الذكي إذا كان يُراقب مجموعة من البشر أو الأقران بأمر من الأمير أو الملك فلا بد له أن يُقيد كل خطأ بتاريخه و ساعته و يومه لكي يعرضه على الملك بعد ذلك خطوة خطوة و رقماً رقماً و نقطة نقطة لكي لا ينسى ، و لذلك هذا من فوائد القلم و الكتابة التي أقسم الله بها (ن و القلم و ما يسطرون) إذا الكتابة و التقييد (التدوين) و الإنباء بعد ذلك من الأمور العظيمة التي كلها عزم ، ذات عزيمة ، ذات عزيمة عظيمة ، و الله سبحانه و تعالى هو صاحب العزائم و صاحب المراحم ، خلاص عرفنا بقى نفسية الإنسان ده المكار المتمرد اللي هو ميجيش إلا لازم يتخبط على دماغه ، لازم كده يعني؟؟ طب متيجي من الأول بالكلمة الطيبة ، لازم ربنا يادبك أو يوقعك في كرب و بلاء عشان ترجعله أو دايماً يحطك تحت الضغط عشان تبقى كده رحيم و مستكين و مؤدب و لطيف مع الناس و مع ربك و مع المؤمنين؟؟ لازم تبقى تحت الضغط على طول؟؟ طب ليه؟؟؟ خليك محترم لوحدهك يعني مش لازم تبقى مضطر بأنك تأخذ الضغط ده على دماغك من الوقت لتاني ، خليك مستقيم .

{إِنَّمَا مَثَلُ الْحَيَاةِ الدُّنْيَا كَمَاءٍ أَنْزَلْنَاهُ مِنَ السَّمَاءِ فَاخْتَلَطَ بِهِ نَبَاتُ الْأَرْضِ مِمَّا يَأْكُلُ النَّاسُ وَالْأَنْعَامُ حَتَّى إِذَا أَخَذَتِ الْأَرْضُ زُخْرُفَهَا وَازَّيَّنَتْ وَظَنَّ

أَهْلُهَا أَنَّهُمْ قَادِرُونَ عَلَيْهَا أَتَاهَا أَمْرُنَا لَيْلًا أَوْ نَهَارًا فَجَعَلْنَاهَا حَصِيدًا كَأَن لَّمْ تَغْن بِالْأَمْسِ كَذَلِكَ نُفَصِّلُ الْآيَاتِ لِقَوْمٍ يَتَفَكَّرُونَ} :

اللي بيعملوا الفكر و التدبر ، ربنا هنا بيصف الأمم و الحضارات ، إيه بقى؟؟ في البداية يبقى عبارة عن منحنى ، بيصعد يصعد يصعد يصعد يصعد حتى القمة و ثم يهوي يهوي يهوي يهوي حتى القاع ، (إنما مثل الحياة الدنيا كماء أنزلناه من السماء فاختلف به نبات الأرض مما يأكل الناس و الأنعام) بعد كده يصعد إلى القمة (حتى إذا أخذت الأرض زخرفها) زخرف هو قمة الحضارة ، قمة متاع الدنيا ، (أتاهَا أَمْرُنَا لَيْلًا أَوْ نَهَارًا فَجَعَلْنَاهَا حَصِيدًا كَأَن لَّمْ تَغْن بِالْأَمْسِ) تنزل تهوي مرة ثانية ، طب إيه سبب الهلاك ده ، هلاك الأمم؟؟ كلمة واحدة : الظلم ، الظلم ، الظلم هو ده سبب تحول الحضارات إلى حصيد ، يعني ربنا شبه الحضارات كأنها نبات كده ينبت جميل أوي أوي و بعد كده بسبب الظلم اتقطع أو اتحصد و بقى على الأرض بعد ما كان زاهي كده و جميل و بيشرح القلب و يُسر النظر ، أصبح حصيد ، مرمي على الأرض ، خلاص ييبس و يجف و تتداعى عليه الطيور و الأنعام ، قربنا هنا بيحذر من الظلم لأن الوصف اللي وصفه في الآيات السابقة كان عبارة عن ظلم الإنسان و مكره ، طبيعته كده ظالم دائماً ، يهوي إلى الأرض دائماً و ينجذب إلى الجذبات الأرضية دائماً ، ظلوم دائماً ، مكار دائماً عياداً بالله ، فالمكر ده و الظلم ده هو سبيل و سبب إيه؟؟ بأن المنحنى ينزل ثاني ، كل الأمم كده زي الإنسان يبقى طفل شاب رجل كهل شيخ و بعد كده يبدأ المنحنى ينزل ثاني و هكذا ، هي الأمم كده زي الإنسان منحنى صاعد قمة و ثم هابط قاع ، صاعد قمة هابط قاع .

{وَاللَّهُ يَدْعُو إِلَى دَارِ السَّلَامِ وَيَهْدِي مَن يَشَاءُ إِلَى صِرَاطٍ مُسْتَقِيمٍ} :

قربنا سبحانه و تعالى يدعونا إلى دار السلام ، الحل بقى ، دار السلام اللي مفيهاش ظلم و المنحنى فيها يبقى مستقيم و مفيهوش إعوجاج ، (و الله يدعو إلى دار السلام) أي السّلم النفسي و السلم المجتمعي ، فيبقى الإنسان عنده سلام داخلي و راضي عنده رضا ، مفيش غل في قلبه ،

لأن ربنا سبحانه و تعالى بيصف أهل الجنة (و نزعنا ما في قلوبهم من غل إخوانا على سرر متقابلين) سرر أي سرور ، متقابلين أي كل واحد يُقابل الثاني بالرضا و النور و السرور و البسمة و البهجة ، ليه؟ لأنه راضي و عنده سلام داخلي ، و دار السلام مفيهوش المنحنيات بقى بتاعت ابن خلدون ، مفيهاش منحنيات بل طريق مستقيم ، (و يهدي من يشاء) أي من البشر ، الذي يشاء من المكلفين (إلى صراط مستقيم) اللي هو إيه؟؟ مفيهوش بقى مكر و مفيهوش إنك تحتاج تاخذ على دماغك عشان تبقى تحت ضغط عشان تبقى محترم و مؤدب ، لا . إنت أصلاً مؤدب بالفطرة و طيب بالفطرة و رحيم بالفطرة و سليم بالفطرة ، فطرتك سليمة و هو ده اللي ندعو الناس إليه . ندعوهم دائماً ليه؟؟ لأنه (و العصر إن الإنسان لفي خسر إلا الذين آمنوا و عملوا الصالحات و تواصلوا بالحق و تواصلوا بالصبر) و هذا هو طريق الإستقامة و طريق الهداية و طريق دار السلام .

○ معنى كلمة مكر و زخرف من أصوات الكلمات :

- مكر : يعني مفاعلة الكر يعني الهجوم ، الهجوم المستمر ، يكر بك يهجم عليك ، مكر : ميم مفاعلة ، كر أي الهجوم ، و الكر هو عكس الفر ، و هي من صفات المنافقين و المجرمين الذين لا يشكرون نعمة ربنا سبحانه و تعالى ، و يمكروا في آيات الله و آيات الأنبياء التي يبعثها الله معهم .

- زخرف : لها أكثر من معنى ، هنقول بالراحة كده :

زخرف : زخ أي كثير و مزدحم و هي دائماً الزينة كده و الحضارة بقت الناس قادرين عليها ، و الدنيا الناس قادرين عليها ، من الزخ اللي هو من الإزدحام ، زخ رف : رف أي رفيف ، عارف لما العلم/الرأية لما يبجي يعمل رفيف كده بيرف ، زخرف يعني رفيف الإزدحام بالنعم و القدرة على الدنيا . قدرة معلومة مرئية ظاهرة .

و حاجة تانية : زخرف : الزاي صوت الذنب ، الخاء إنتشاء و فخر أي يفتخرون بالذنوب ، رف : راء رؤية ، فاء تأفف أي يُرون التأفف يعني ليس عندهم شكر برضو ، يفتخر بالذنوب و عنده نعم كثير و يُري

التأفف و عدم شكر النعمة و هو المكر و هو التمرد و هو عكس السلام الداخلي و هو عكس دار السلام و هو عكس طريق الإستقامة .

كذلك زخرف : زاء صوت الذنب ، الخاء إنتشاء بالذنب و العياذ بالله ، رف أي يجعله علامة و راية له مثل رايات الجاهلية الموجودة في العصر الحديث يفتخرون بالذنوب عياداً بالله و بعصيان الله و بالظلم عياداً بالله و هذا من علامات زواال الأمم .

و تابع قمر الأنبياء يوسف الثاني ﷺ الجلسة إذ طلب من مروان و ربيعة و أرسلان و أحمد بإستخراج أمثلة على أحكام طلبها منهم من هذا الوجه :

طلب من مروان مثال على وقف جائز ، فقال :
{لَهُمْ مَكْرٌ فِي آيَاتِنَا} .



و طلب من ربيعة مثال على وقف و الوصل أفضل ، فقالت :
{فِي الْبَرِّ وَالْبَحْرِ حَتَّىٰ إِذَا كُنْتُمْ} .

و طلب من أرسلان مثال على السكت ، فقال :
لا يوجد سكت ، و قال نبي الله لأرسلان : لا تسكت .

و طلب من أحمد مثال على وقف أفضل و الوصل جائز :
{فَلَمَّا أَنْجَاهُمْ إِذَا هُمْ يَبْغُونَ فِي الْأَرْضِ بِغَيْرِ الْحَقِّ} .

و اختتم نبي الله الحبيب الجلسة المباركة بقوله المبارك :

هذا و صلّ اللهم و سلم على نبينا محمد و على آله و صحبه و سلم
تسليماً كثيراً ، سبحانك اللهم و بحمدك ، أشهد أن لا إله إلا أنت ،
أستغفرك و أتوب إليك .

و الحمد لله رب العالمين . و صلّ يا ربي و سلم على أنبياءك الكرام
محمد و أحمد و يوسف بن المسيح صلوات تلو صلوات طيبات
مباركات ، و على أنبياء عهد محمد الآتين في مستقبل قرون السنين
أجمعين . آمين .  

درس القرآن و تفسير الوجه الخامس من سورة يونس.

أسماء إبراهيم :

شرح لنا سيدي و حبيبي يوسف بن المسيح ﷺ أثناء جلسة التلاوة المباركة من أحكام التلاوة ؛ من أحكام النون الساكنة و التنوين , ثم قام بقراءة الوجه الخامس من أوجه سورة يونس و أجاب على أسئلتنا بهذا الوجه , و أنهى الجلسة بأن طلب نبي الله الحبيب منا إستخراج الأحكام من الوجه .

بدأ نبي الله جلسة التلاوة المباركة بقوله :

الحمد لله ، الحمد لله وحده و الصلاة و السلام على محمد و من اتبعه من أنبياء عهده و بعد ، لدينا اليوم الوجه الخامس من أوجه سورة يونس ، و نبدأ بأحكام التلاوة و أحمد :

الإظهار : أي أنه إذا أتى بعد النون الساكنة أو التنوين الحروف من أوائل الكلمات (إن غاب عني حبيبي همّني خبره) , و حروف الإظهار تجعل النون الساكنة أو التنوين تُظهر كما هي .

الإقلاب : إذا أتى بعد النون الساكنة أو التنوين حرف الباء يُقلب التنوين أو النون ميماً . ثم يكون إخفاء شفويا . مثال : من بعد .

و بعد أحمد قال الأحكام مروان ثم رفيده ثم أرسلان .

○ و ثم طلب سيدي يوسف بن المسيح ﷺ من أحمد قراءة سورة الناس ، و صحح له قراءته .

و ثم تابع نبي الله يوسف الثاني ﷺ الجلسة بشرح الوجه لنا فقال :

الله سبحانه و تعالى يصف حال الجنة و مآل أهل الجنة في بداية هذا الوجه ، يقول الله تعالى :

{الَّذِينَ أَحْسَنُوا الْحُسْنَىٰ وَزِيَادَةٌ وَلَا يَرْهَقُ وُجُوهَهُمْ قَتَرٌ وَلَا ذِلَّةٌ أُولَٰئِكَ أَصْحَابُ الْجَنَّةِ هُمْ فِيهَا خَالِدُونَ} :

(الذين أحسنوا) اللي هم بلغوا أعلى مراتب الدين و هو الإحسان : أن تعبد الله كأنك تراه ، فإن لم تكن تراه فإنه يراك ، و هؤلاء لن يفنووا في الجنة و سيعبروا إلى الكون التالي ، الدليل و القرينة : (الذين أحسنوا الحسنى و زيادة) (و زيادة) هي إيه؟ العبور ، يعني لن يفنوا لأنهم ربنا سبحانه و تعالى لن يشملهم بغيرته فسيعبرون جزاء إحسانهم ، (و لا يرهق وجوههم قتر) يرهق يعني مش هيصيبهم إرهاق المعاصي و الذنوب لأن المعصية و الذنب بتجعل الإنسان يشعر بالإرهاق الروحي كده و نفسه مرهقة و روحه متأذية من نفسه عياداً بالله ، (قتر) و القتر قلناه قبل كده ، قتر : القاف قوة ، تر أي ترة و هي أثر الذنب ، مش إحنا عرفنا الحديث عن النبي ﷺ اللي هو ذكر فيه بما معناه أن أي قوم يجلسوا في مجلس في لغو ، لا يذكرون الله سبحانه و تعالى فيه فإنما يقومون على ترة أو يقومون عن جيفة حمار و العياد بالله ، إذا عرفنا أن الترة هي أثر الذنب و إرهاق الذنب ، كذلك الترة : التاء قطع ، الراء رؤية أي انقطع عن رؤية الحق ، إذا قتر هي قوة الترة التي تتلبث و تتلبس على وجوههم يوم القيامة لأن الأعمال تتمثل ، (و لا يرهق وجوههم قتر و لا ذلة) يبقى المؤمنين لا يجيلهم لا قتر و لا ذل على وجوههم ، (أولئك أصحاب الجنة هم فيها خالدون) أصحاب الجنة لا يفنوا بل يعبروا إلى الجنة التالية لأنهم أصحاب الجنة فكافأهم الله على إحسانهم بالزيادة و هي العبور .

{وَالَّذِينَ كَسَبُوا السَّيِّئَاتِ جَزَاءَ سَيِّئَةٍ بِمِثْلِهَا وَتَرْهَقُهُمْ ذِلَّةٌ مَّا لَهُم مِّنَ اللَّهِ مِنْ عَاصِمٍ كَأَنَّمَا أُغْشِيَتْ وُجُوهُهُمْ قِطْعًا مِّنَ اللَّيْلِ مُظْلِمًا أُولَٰئِكَ أَصْحَابُ النَّارِ هُمْ فِيهَا خَالِدُونَ} :

(و الذين كسبوا السيئات) أي في الدنيا ، (جزاء سيئة بمثلها) أي بعدل الله عز و جل ، (و ترهقهم ذلة) يصبهم إرهاب المعصية و الذل ، (ما لهم من الله من عاصم) محدش هيحوش عنهم العذاب ، (كأنما أغشيت وجوههم قطعاً من الليل مظلماً) من كثر الذل و الإرهاب اللي هم فيه و آثار المعاصي المتمثلة عليهم عذاباً لهم ، كأن الوجوه بتاعتهم عليها قطع من الليل الأسود المظلم ، كأن وجوههم سودة شديدة السواد ، (أولئك هم أصحاب النار هم فيها خالدون) .

{وَيَوْمَ نَحْشُرُهُمْ جَمِيعًا ثُمَّ نَقُولُ لِلَّذِينَ أَشْرَكُوا مَكَانَكُمْ أَنْتُمْ وَشُرَكَائُكُمْ فَزَيَّلْنَا بَيْنَهُمْ وَقَالَ شُرَكَائُهُمْ مَا كُنْتُمْ إِلَّا نَا تَعْبُدُونَ} :

(و يوم نحشرهم جميعاً ثم نقول للذين أشركوا مكانكم أنتم و شركاءكم) أوقف مكانك هنا!! انتبه!!! يوم القيامة ، أتى يوم الحساب!! ، و بعد كده (فزيلنا بينهم) ربنا أزال كل الروابط ما بين المشركين و الذي أشرك به معه سبحانه ، يعني المعبودات من دونه سبحانه و تعالى و المشركين ، ربنا سبحانه و تعالى يزيل ما بينهم العلاقات يعني يزيل العلاقات ما بينهم و يقطع الروابط و يجعلهم ييأسوا من بعضهم البعض ، و بعدين (و قال شركاؤهم ما كنتم إيانا تعبدون) يعني الشركاء اللي مكنوش راضيين عن شرك الشركاء فيهم يقولوا إيه يوم القيامة : (ما كنتم إيانا تعبدون) يعني أنتو في حقيقة الأمر مكنتش تعبدونا فنحن لسنا أهل للعبادة ، يعني بيتبرأوا من المشركين الذين أشركوهم مع الله عز و جل ، زي مين؟؟ حاجات كتير ، زي المناصب الدنيوية ، و الشهوات الدنيوية ، و الشهوات المحرمة ، عيسى ابن مريم و هكذا .

{فَكَفَى بِاللَّهِ شَهِيدًا بَيْنَنَا وَبَيْنَكُمْ إِنْ كُنَّا عَنْ عِبَادَتِكُمْ لَغَافِلِينَ} :

هنا الشركاء اللي يتبرأوا من المشركين ، يوم القيامة يقولوا إيه؟؟ (فكفى بالله شهيداً بيننا و بينكم) ربنا هو المطلع علينا و عليكم و عارف أن إحنا لا نضر و لا ننفع فكيف عبدتمونا من دون الله أو مع الله (إن كنا عن عبادتكم لغافلين) إحنا كنا غافلين عن اللي كنتم بتعملوه ، و دي بقى الغفلة المحموده ، و طبعاً إحنا عرفنا أنه في غفلة مذمومة و اللي هو غفلة عن الطاعات و الغفلة عن طريق الإستقامة ، و في بقى غفلة محموده و اللي هي إيه؟؟ أن المؤمن الصالح يكون غافل عن طريق الشر أو عن سبل الشر عياداً بالله ، المؤمن الصالح يكون غافل عن الأشرار و عن النفوس الشريرة و عن أعمال الشر و الخبائث عياداً بالله تعالى ، كذلك المؤمنات المحصنات الغافلات العفيفات ، فهنا غفلة المؤمنة الصالحة العفيفة معناها إيه؟؟ غفلة محموده لأنها على نياتها طيبة لا تعلم عن الشر و لا عن السوء شيئاً ، إذاً هنا عرفنا أن هناك غفلة محموده ، و هي تبقى غفلة لها فوائد عظيمة جداً ، الإنسان لما يبقى غافل عن سبل الشر و سبل الشيطان تبقى دي في حد ذاتها نعمة عظيمة أنه ميعرفش أصلاً السبل دي و لا يعرف تفاصيلها و بالتالي مش هيشغل دماغه و لا باله و لا نفسه بهذه السبل و هذه التفاصيل الشريرة عياداً بالله ، و لما ربنا سبحانه و تعالى يخلي إنسان غافل عن شر ما و يبقى قافل عنه الباب ده ، بتبقى إيه؟ نعمة عظيمة جداً جداً ، بتبقى غفلة محموده .

{هٰنَالِكَ تَبْلُو كُلُّ نَفْسٍ مَّا أَسْلَفَتْ وَرُدُّوْا إِلَى اللَّهِ مَوْلَاهُمْ الْحَقَّ وَضَلَّ عَنْهُمْ مَّا كَانُوا يَفْتَرُونَ} :

(هنالك) يوم القيامة بقى ، (تبلو كل نفس ما أسلفت) يعني كل نفس خبيثة هتبلو يعني هتصيب الأيام اللي فاتت في الدنيا بالبلاء ، هتصيب أعمال الإنسان بالبلاء اللي هي أسلفت ، (تبلو كل نفس ما أسلفت) أي حاجة أسلفتها أو عملتها في الماضي ، في ماضي الدنيا فإن نفسك الخبيثة عياداً بالله هتبلوك هتصيبك بالبلاء ، كذلك في قراءة أخرى (هنالك تتلو كل نفس ما أسلفت) يعني كل نفس يوم القيامة هتتلو أعمالها في الصحف ، (و ردوا إلى الله مولاهم الحق) كل المكلفين هيردوا إلى

الله يوم القيامة ليقضي بينهم ، (و ضل عنهم ما كانوا يفترون) أي حاجة بفتروها أو يكذبوا بيها أو يكذبوا الأنبياء ، كل الأعمال الفاسقة و المشركة التي فعلوها ستتوه عنهم و لن يعرفوا لها طريقاً و لا سبيلاً ، و ده من الأوصاف الجميلة المجازية العظيمة التي يتميز بيها القرآن الكريم .

{قُلْ مَنْ يَرْزُقُكُمْ مِنَ السَّمَاءِ وَالْأَرْضِ أَمَّنْ يَمْلِكُ السَّمْعَ وَالْأَبْصَارَ وَمَنْ يُخْرِجُ الْحَيَّ مِنَ الْمَيِّتِ وَيُخْرِجُ الْمَيِّتَ مِنَ الْحَيِّ وَمَنْ يُدِيرُ الْأَمْرَ فَسَيَقُولُونَ اللَّهُ فَقُلْ أَفَلَا تَتَّقُونَ} :

(قل من يرزقكم من السماء و الأرض) مين اللي بيرزق؟؟ (أمن يملك السمع و الأبصار) مين اللي يملك أبصاركم؟؟ (و من يخرج الحي من الميت) مين اللي بيخلق من العدم؟؟ (و يخرج الميت من الحي) ، (و من يدبر الأمر) مين اللي بيدبر الأمر؟؟ (فسيقولون الله) يوم القيامة بقى كله هيقول : (فسيقولون الله) ، (فقل أفلا تتقون) أفلم تكونوا تتقون في الدنيا؟؟ و كذلك الخطاب أيضاً للمؤمنين و الكافرين في الدنيا ، يعني الخطاب هنا في القيامة و أيضاً في الدنيا : إذا كنتمو إنتو عارفين أنه اللي بيرزق في السماء و الأرض هو الله ، اللي يملك السمع و البصر هو الله ، و الذي يخرج الحي من الميت و يخرج الميت من الحي هو الله ، و الذي يدبر الأمر هو الله ، إذا كنتم تعلمون ذلك فلماذا لا تتقون؟؟ لماذا لا تجعلون بينكم و بين عذاب الله وقاية و حجاب؟؟؟ .

{فَذَلِكُمْ اللَّهُ رَبُّكُمُ الْحَقُّ فَمَاذَا بَعَدَ الْحَقِّ إِلَّا الضَّلَالُ فَأَنَّى تُصِرُّونَ} :

هنا ربنا وصف نفسه ببعض الصفات ، هو ده الإله الحقيقي اللي معاه الحقيقة المطلقة (فماذا بعد الحق إلا الضلال) إيه خلاف الحق؟؟ هيكون أكيد الضلال ، ضلال : ضاد تشنت فظ أليم ، لال : الال أي آل و كذلك العلة ، إذا علة التشنت الفظ الأليم و هي الضلال و هي ما دون الله عز

و جل ، (فأنى تصرفون) مش هتبعوا بقى عن طريق الشرك و الضلال بقى؟؟؟ (فأنى تصرفون) متى تصرفون عن ذلك؟؟ .

○ و كلمة الحُسنَى ((من الآية الأولى)) فيها صوت جميل جداً ، حُسنَى : الحاء مضمومة أي راحة تضم الإنسان ، سنَى أي ارتفع و ارتقى ، أي الجنة هي راحة تضم الإنسان في إرتقاء مستمر ، لأن السنَى هو الإرتقاء و العلو ، حُسنَى هي وصف للجنة ، و ده من أصوات الكلمات باللغة العربية الإلهامية ، لغة أهل الجنة .

{كَذَلِكَ حَقَّتْ كَلِمَتُ رَبِّكَ عَلَى الَّذِينَ فَسَقُوا أَنَّهُمْ لَا يُؤْمِنُونَ} :

اللي هم مش هينفذوا وصايا الله سبحانه و تعالى و مش هيلتزموا بوصايا الله عز و جل أو الذين يكسروا وصية الله عز و جل مع الأنبياء فهو لاء منافقين ، (كذلك حقت كلمت ربك على الذين فسقوا أنهم لا يؤمنون) ختموا بختم عدم الإيمان و هذا أمر خطير .

و أنهى الجلسة بأن طلب قمر الأنبياء يوسف الثاني ﷺ من مروان و رفيدة و أرسلان بإستخراج أمثلة على أحكام طلبها منهم من هذا الوجه :



طلب من مروان مثال على إظهار حقيقي ، فقال ؛
{مِنْ عَاصِمٍ} .

و طلب من رفيدة مثال على إقلاب ، فقالت :
{شَهِيدًا بَيْنَنَا} ، {سَيِّئَةً بِمِثْلِهَا} .

و طلب من أرسلان مثال على إظهار حقيقي ، فقال :
{عَنْ عِبَادَتِكُمْ} ، {عَنْهُمْ} .

و اختتم نبي الله الجلسة المباركة بقوله المبارك :

هذا و صلّ اللهم و سلم على نبينا محمد و على آله و صحبه و سلم
تسليماً كثيراً ، سبحانك اللهم و بحمدك ، أشهد أن لا إله إلا أنت ،
أستغفرك و أتوب إليك .

و الحمد لله رب العالمين . و صلّ يا ربي و سلم على أنبياءك الكرام
محمد و أحمد و يوسف بن المسيح صلوات تلو صلوات طيبات
مباركات ، و على أنبياء عهد محمد الآتين في مستقبل قرون السنين
أجمعين . آمين .  

درس القرآن و تفسير الوجه السادس من سورة يونس.

أسماء إبراهيم :

شرح لنا سيدي و حبيبي يوسف بن المسيح ﷺ أثناء جلسة التلاوة المباركة من أحكام التلاوة ؛ من أحكام النون الساكنة و التنوين , ثم قام بقراءة الوجه السادس من أوجه سورة يونس و أجاب على أسئلتنا بهذا الوجه ثم صحح لنا تلاوتنا ، و أنهى الجلسة بأن طلب نبي الله الحبيب منا إستخراج الأحكام من الوجه .

بدأ نبي الله جلسة التلاوة المباركة بقوله :

الحمد لله ، الحمد لله وحده ، الحمد لله وحده و الصلاة و السلام على محمد و من تبعه من أنبياء عهده و بعد ، لدينا اليوم الوجه السادس من أوجه سورة يونس ، و نبدأ بأحكام التلاوة و أحمد :

من أحكام النون الساكنة و التنوين :

الإدغام و حروفه مجموعة في كلمة (يرملون) أي أنه إذا أتى بعد النون الساكنة أو التنوين حرف من حروفها , و هو نوعان : إدغام بغنة و حروفه مجموعة في كلمة (ينمو) . و إدغام بغير غنة و حروفه (ل ، ر) .

و الإخفاء الحقيقي حروفه في أوائل الكلمات من الجملة الآتية (صف ذا ثنا كم جاد شخص قد سما دُم طيباً زد في تقي ضع ظالماً) .

و بعد أحمد قال الأحكام مروان ثم رفيذة ثم أرسلان .

○ و ثم طلب سيدي يوسف بن المسيح ﷺ من أحمد قراءة سورة النصر ، و صح له قراءته .

و ثم تابع نبي الله يوسف الثاني ﷺ الجلسة بشرح الوجه لنا فقال :

{قُلْ هَلْ مِنْ شُرَكَائِكُمْ مَنْ يَبْدَأُ الْخَلْقَ ثُمَّ يُعِيدُهُ قُلِ اللَّهُ يَبْدَأُ الْخَلْقَ ثُمَّ يُعِيدُهُ فَأَنْتُمْ تُؤْفَكُونَ} :

رينا سبحانه و تعالى بيدل على ألوهيته و بطلان شركاءه يعني بطلان الذين يعبدون بدون الله عز و جل أو مع الله ، شركاء آخرين ، يدل على أحقيته في الألوهية بأنه يبدأ الخلق و ثم يُعيدُه بإستمرار ، بأنه يبدأ الأكوان و ثم يفنيها و ثم يبدأها مرة أخرى و ثم يفنيها في تعاقب أزلي أبدي مستمر لأنها صفة من صفات الله عز و جل لا تتعطل ، بدء الخلق أي البدء من العدم ، (من يبدأ الخلق ثم يعيده) يبدأه و ثم يفنيه و ثم يبدأه مرة أخرى و ثم يفنيه و هكذا بإستمرار ، أكوان متعاقبة كما ذكرنا في مقالة "اللحظة الكونية الدقيقة" ، (فأنى تؤفكون) و كنا شرحنا كلمة تؤفكون قبل كده ، فأنى تصرفون ، فأنى تؤفكون ، (فأنى تؤفكون) يعني لماذا تجعل الإفك ينهش فيكم أو يقتلكم أو يُخزيكم أو يُميتكم ، كذلك من معاني فأنى تؤفكون : فمتى تصرفون عن هذا الإفك؟ إذاً لها معاني عديدة .

{قُلْ هَلْ مِنْ شُرَكَائِكُمْ مَنْ يَهْدِي إِلَى الْحَقِّ قُلِ اللَّهُ يَهْدِي لِلْحَقِّ أَفَمَنْ يَهْدِي إِلَى الْحَقِّ أَحَقُّ أَنْ يُتَّبَعَ أَمْ لَا يَهْدِي إِلَّا أَنْ يُهْدَى فَمَا لَكُمْ كَيْفَ تَحْكُمُونَ} :

هنا بقى هنفهم كلمة الهدى و الهدى ، أصل الهدى أو الهدى هي التضحية و قربان لله عز و جل أو للإله ، لذلك يُقال عن الأغنام أو الأبقار التي تُقدم في الحج في يوم النحر تُسمى الهدى أي القربان لله عز و جل ، لماذا سُمي القربان هدى ، من الهدى و الهدى أيضاً هو قربان ، أو سبيل التقرب من الله عز و جل ، أهو من أصوات كلمات هدى : هاء تنبيهه ، داا دوي : الشيء اللي يجعل تنبيهه له دوي فتلفت نظر الإله إليك فتتقرب له ، هو ده هدى ، تضحية ، قربان تتقرب بالتضحية للإله ، ربنا سبحانه و تعالى استخدم هذا اللفظ للدلالة على سبيل التقرب منه سبحانه و تعالى سواء أكان بالقربات اللي هي الأضاحي أو بالصدقات أو بالعبادات أو بقتل النفس يعني ذبح نفس الأمارة بالسوء ، ده برضو هدى قربان أذبحها على عتبة الله عز و جل ، أذبح نفسي الأمارة و أذبح شهواتي المحرمة و رغباتي المحرمة ، أذبحها على عتبة الإله فتكون هدى يعني هدية ، من هدية يعني يقدم لربنا هدية و الهدية دي إيه؟؟ قربان ، تضحية لذلك سُمي القربان هدى : هاء تنبيهه ، دا أي دوي أو نوع من أنواع الدوي ، دااا دوي صاعد و هو غير صوت حرف الواو اللي بيعطي دوي دائري منتظم .

(قل هل من شركائكم من يهدي إلى الحق) يعني هل من الآلهة التي تعبدونها من دون الله أو مع الله من يهدي طريق الإستقامة و طريق الحق؟؟ و أصوات كلمة حق : حاء راحة ، قاف قوة أي قوة الراحة لأن الحق هو الحاجة الوحيدة المريحة ، الطريق المستقيم هو الشيء الوحيد المريح ، يُريح النفس و يُريح الغاية و هو العدل ، لأن الحق هو العدل و هو الراحة ، الإنسان إذا عدل و طلب الحق فيكون مرتاح نفسياً و مرتاح على كافة الأصعدة ، (قل الله يهدي للحق) الله هو الذي يهدي إلى الحق و العدل و الصواب و الخير ، (أفمن يهدي إلى الحق) هو ربنا سبحانه و تعالى يهدي إلى الحق ، (أحق أن يتبع أمن لا يهدي إلا أن يهدي) لا يهدي يعني لا يستقيم على طريق الهداية إلا أن يأتيه أحد ليهديه ، يعني هو مش صالح بذاته لأن الله صالح بذاته و الله مهدي بذاته لأنه هدى نفسه ، هو المهدي الأول الله سبحانه و تعالى و بعده هدى الأنبياء ، و الأنبياء هدوا المؤمنين إلى طريق الحق ، و عرفنا كلمة هدى يعني إيه و كلمة هدى و هداية أصلها إيه ، أي القربان ، الهدى هو القربان . طريق الهداية و التقرب من الله عز و جل ، كيف تتقرب له؟؟ تُعطيه تنبيهه و تلفت نظره لك ، كيف تلفت نظره لك؟؟ بالطاعة و ذبح النفس الأمارة بالسوء على عتبته سبحانه ، و كذلك الأضاحي تذبح شاه مثلاً في سبيل الله عز و جل و توزعها على الفقراء

، تتصدق في سبيل الله ، تتفق في سبيل الله ، كل ده بيلفت نظر الإله إليك فتتقرب له ، هدى .. لذلك سُمي القربان هدي و هدى أيضاً ، و اللي عاوز يسير إلى طريق الإستقامة يكون مهدي .

طيب دلوقتي هؤلاء الشركاء الذين يعبدهم المشركون مع الله هم مش مهديين بذاتهم ، العكس لا يَهْدُوا أي لا يُهْدُوا و لا تَتَّهَدْ أنفسهم الأمانة بالسوء إلى طريق الإستقامة و لا تُسَوِّى و لا تُطَوِّع إلى طريق الإستقامة إلا أن يأتي أحد يهديهم لأنهم فاقدون الإرادة ، ضعفاء لازم حد يجي ينور لهم الطريق و ياخذهم من أيديهم إلى الطريق المستقيم و طريق الهداية ، طب ناس زي دي أو معبودات زي دي تنفع تبقى آلهة؟؟؟؟ لا طبعاً ، فهنا ربنا بيضرب المثل عشان يفهمهم إن هؤلاء ليسوا أحق بالعبادة بل هو وحده سبحانه و تعالى أحق بالعبادة ، (أمن يهدي إلى الحق أحق أن يتبع) اللي هو ربنا سبحانه و تعالى ، (أمن لا يهدي إلا أن يهدى) يعني أما هؤلاء الشركاء اللي هم مش مهديين بذاتهم و لا يُهْدُوا إلا أن يأتيتهم من يهديهم ، (أمن لا يهدي) يعني لا يهد نفسه الأمانة فيُهدى إلا أن يُهدى يجيله نبي كده يزكيه بس لازم يكون عنده الإرادة برضو إن هو يتزكى لأن النبي مينفعش يآثر في حد مش عاوز يُهدى و مش عاوز يقدم القربان لله عز و جل ، و القرايين دي كثيرة و أنواعها كثيرة و هي الهدى ، الهدى لذلك سُمي طريق الإستقامة هو طريق الهدى أي طريق القربان و التضحية ، و عرفنا كلمة هدى معناها إيه من خلال أصوات الكلمات ، (فما لكم كيف تحكمون) ربنا هنا بيسأل المشركين إنتو بتحكموا إزاي؟ ميزانكم سقيم؟ ميزانكم غير عادل؟ ميزانكم بعيد عن الحق و الهدى و القربان و لفت إنتباه الله سبحانه و تعالى فأنتم لستم أهل للحكم في هذا الأمر ، الله سبحانه و تعالى هو الحكيم و هو أهل الحكم و صاحب الحكم الرشيد .

{وَمَا يَتَّبِعْ أَكْثَرُهُمْ إِلَّا ظَنًّا إِنَّ الظَّنَّ لَا يُغْنِي مِنَ الْحَقِّ شَيْئًا إِنَّ اللَّهَ عَلِيمٌ بِمَا يَفْعَلُونَ} :

دائماً كده زي ما بنقول على طول المشركين و المنافقين دائماً بيتبعوا الظن يعني ليس عندهم اليقين ، المشكلة العويصة دلوقتي في العالم هي إيه؟؟ إن كل الأحزاب و الجماعات ليس عندهم اليقين و عندهم دائماً

شكوك ، مين اللي يعطي اليقين؟؟؟؟ الأنبياء ، اللي عاوز يقين دلوقتي بوجود الله عز و جل و طريق الهدى يتبع المسيح الموعود و ابنه يوسف بن المسيح فيعلم يقيناً بوجود الله عز و جل و يلمسه مباشرة و يتلمس يده سبحانه و تعالى و يرى يده و يرى قدرته و يرى آياته ، من أراد اليقين فليتبّع النبيين .

(إن الظن لا يغني من الحق شيئاً) مش هيرحك ، اللي هيرحك إيه؟؟ الحق : حاء راحة ، قاف قوة ، إذا قوة الراحة تكون في إيه؟؟ في الحق ، و الحق من أسماء الله عز و جل ، و دائماً كده طريق النفاق إيه؟؟ عَوَج (يبغونها عوجاً) ، طريق المنافقين أعوج ، شكوك ظنون ، لكن طريق المؤمنين إيه؟؟ مستقيم حق هدى هداية هدى ، شفت بقى الفرق ما بين الطريقين؟؟؟.

{وَمَا كَانَ هَذَا الْقُرْآنُ أَنْ يُفْتَرَى مِنْ دُونِ اللَّهِ وَلَكِنْ تَصْدِيقَ الَّذِي بَيْنَ يَدَيْهِ وَتَفْصِيلَ الْكِتَابِ لَا رَيْبَ فِيهِ مِنْ رَبِّ الْعَالَمِينَ} :

ربنا يقول لهم : محدش يقدر أن يؤلف و لا يفترى القرآن ده و لا يجيب زيّه ، ربنا بس اللي يجيب القرآن ده و الآيات دي و الكلمات المرصصة بعناية و بنظام ، كتالوج الحياة ، اللي من خلال الكلمات دي ربنا يخلق الكشوف و الرؤى ، خلي بالك ، بعيدها تاني : كلمات القرآن تنزل على الكشوف و كذلك الكشوف تنزل على كلمات القرآن ، و من خلالها بنفهم مراد الله عز و جل في الوحي ، (تصديق الذي بين يديه و تفصيل الكتاب لا ريب فيه من رب العالمين) القرآن ده تصديق للذي بين يدي محمد ﷺ من وحي الأمم السابقة لأننا عارفين بأن سيدنا محمد ﷺ هو من الموحدين ، من أهل الكتاب الموحدين ، من الطائفة الإبيونية ، (تصديق الذي بين يديه) بين يدي محمد ﷺ ، (و تفصيل الكتاب) تفصيل يعني شرح ، الكتاب يعني الرسالة الإلهية اللي هي تأتي مع كل الأنبياء ، الكتاب مقصود إيه؟ الرسالة الإلهية ، اللي هي ثابتة تأتي مع كل الأنبياء و هي تعريف الخلق على الخالق ، نعرفهم على الله عز و جل و بصفاته سبحانه و تعالى لكي يتقربوا إليه و يتمسكوا بطريق الإستقامة و الحق و الهدى ، هي دي وظيفة الأنبياء ، (لا ريب فيه) يعني مليء باليقين لأن هي دي وظيفة الأنبياء زي ما

قلت ، إيه؟؟ نزع الريب و وضع اليقين ، نزع الريب و وضع اليقين بس ، دائماً كده يقولك إيه المفكرين و أصحاب الجماعات المعاصرة أو كده يعني : الروايات التاريخية أو الحقيقة محجوبة أو مشوشة و مش شايفينها خلف حُجب التاريخ ، التاريخ عامل حُجب حول الحقيقة اللي كانت زمان فإحنا مش عارفينها ، مش عارفين الروايات دي صحيحة و لا خاطئة لأن فيها حُجب كثيرة جداً ! فعندهم شكوك ، مين اللي يُبدد الشكوك دي؟؟؟؟ النبي .

{أَمْ يَقُولُونَ افْتَرَاهُ قُلْ فَأْتُوا بِسُورَةٍ مِّثْلِهِ وَادْعُوا مَنِ اسْتِطَعْتُمْ مِّنْ دُونِ اللَّهِ إِنْ كُنْتُمْ صَادِقِينَ} :

يعني بيقولوا ده سيدنا محمد إفتري القرآن يعني قام بتأليفه ، (قل فأتوا بسورة مثله) يعني خلاص قوموا بتأليف سورة زيها ، (و ادعوا من استطعتم من دون الله) ده هنا تحدي من الله عز و جل لبيان أن القرآن هو وحي الله الخالص .

{بَلْ كَذَّبُوا بِمَا لَمْ يُحِيطُوا بِعِلْمِهِ وَلَمَّا يَأْتِهِمْ تَأْوِيلُهُ كَذَّبَ الَّذِينَ مِن قَبْلِهِمْ فَانظُرْ كَيْفَ كَانَ عَاقِبَةُ الظَّالِمِينَ} :

كذبوا بالقرآن قبل أن يفهموه و قبل أن يعرفوا تفاصيله و بواطنه و كنوزه ، لكن لم يعرفوا كنوز القرآن و بواطنه و لا آياته ، (و لما يأتهم تأويله) ده دليل بأن القرآن مليء بالتأويلات و مليء بالبواطن و مليء بالأسرار التي تنكشف دهرأ تلو دهر ، و زمنا تلو زمن ، صح كده؟؟ (و لما يأتهم تأويله) يعني ربنا لم يرزقهم تأويله لأن التأويل ده وحي و رزق ، (كذلك كذب الذين من قبلهم) سنة التكذيب مع كل نبي ، (فانظر كيف كانت عاقبة الظالمين) كل ظالم يُكذب نبي ، ربنا هيورينا فيه آية ، و دي سنة إلهية مستمرة لا تتعطل .

{وَمِنْهُمْ مَّنْ يُؤْمِنُ بِهِ وَمِنْهُمْ مَّنْ لَا يُؤْمِنُ بِهِ وَرَبُّكَ أَعْلَمُ بِالْمُفْسِدِينَ} :

في ناس سيُعرض عليهم القرآن و سيشعروا بالإيمان لأن نفوسهم طيبة ، و في ناس لا ، لن تؤمن ، و ربنا أعلم بالمفسدين اللي هم عاوزين يفسدوا دعوة الله عز و جل و دعوة الأنبياء لأن دعوة الأنبياء هي اللي ترد الناس إلى الفطرة الصحيحة ، الفطرة السليمة ، كل ما الناس تضل ربنا يبعث نبي و يرجعهم تاني إلى طريق الإستقامة و هكذا .

{وَإِنْ كَذَّبُوكَ فَقُلْ لِي عَمَلِي وَلَكُمْ عَمَلُكُمْ أَنْتُمْ بَرِيءُونَ مِمَّا أَعْمَلُ وَأَنَا بَرِيءٌ مِّمَّا تَعْمَلُونَ} :

(و إن كذبوك) يا محمد (فقل لي عملي و لكم عملكم أنتم بريئون مما أعمل و أنا بريء مما تعملون) هنا الولاء و البراء ، و ده مع كل نبي ، (فقل لي عملي و لكم عملكم) يعني أنا بعمل الله عز و جل و إنتو اعملوا ، فإن أردتم أن تعملوا فاعملوا ، (أنتم بريئون مما أعمل) لو فاكرين إنني كذاب يعني ، (و أنا بريء مما تعملون) يعني ربنا اللي يفصل ما بيننا بقى ، الإله الحق هو اللي هيفصل ما بيننا و ده تحدي مُبطن و تهديد أيضاً مُبطن .

{وَمِنْهُمْ مَّنْ يَسْتَمِعُونَ إِلَيْكَ أَفَأَنْتَ تُسْمِعُ الصُّمَّ وَلَوْ كَانُوا لَا يَعْقِلُونَ} :

في ناس بتسمعك و في ناس لا ، كأنها لم تسمعك ، كأنها صم ، كأنهم لا يسمعون ، ليه؟؟؟ لأن في آذانهم وقر ، في آذانهم وقر ، إذاً هنا ربنا قال بأن الأصل بأنهم لا يسمعون كأنهم صم و لكن منهم من يستمعون إليك ، بعضهم يعني ، و بعد كده ربنا بي فهمنا و يقول إيه (أفأنت تسمع الصم و لو كانوا لا يعقلون) يعني إنت بتسمع ناس طرش أو لا يسمعون أصلاً ، ناس لا تسمع ، إنت تتكلم لكن هم لا يسمعون كأنهم لا يسمعون يعني ، و بشوفوا آياتك كأنهم عُمي برضو ، في ناس عُمي ، الآية دي في الوجه اللي بعديه إن شاء الله ، (و لو كانوا لا يعقلون) ربنا

دائماً هنا يؤكد على التدبر و التفكير و إستخدام العقل لكشف آيات الله سبحانه و تعالى ، بالإضافة إلى التوجه إلى الله عز و جل بالدعاء و الإخلاص لكي يهدينا إلى الطريق المستقيم و يُرينا نوره سبحانه و تعالى .

و أنهى الجلسة بأن طلب قمر الأنبياء يوسف الثاني عليه السلام من مروان و ربيعة و أرسلان بإستخراج أمثلة على أحكام طلبها منهم من هذا الوجه :



طلب من مروان مثال على إخفاء حقيقي ، فقال :
{مِنْ شُرَكَائِكُمْ} .

و طلب من ربيعة مثال على إدغام بغنة ، فقالت :
{بِسُورَةِ مِثْلِهِ} .

و طلب من أرسلان مثال على إدغام بغير غنة ، فقال :
{مِنْ رَبِّ} .

و اختتم نبي الله الجلسة المباركة بقوله المبارك :

هذا و صلّ اللهم و سلم على نبينا محمد و على آله و صحبه و سلم تسليماً كثيراً ، سبحانهك اللهم و بحمدك ، أشهد أن لا إله إلا أنت ، أستغفرك و أتوب إليك .

و الحمد لله رب العالمين . و صلّ يا ربي و سلم على أنبياءك الكرام
محمد و أحمد و يوسف بن المسيح صلوات تلو صلوات طيبات
مباركات ، و على أنبياء عهد محمد الآتين في مستقبل قرون السنين
أجمعين . آمين .  

درس القرآن و تفسير الوجه السابع من سورة يونس.

أسماء إبراهيم :

شرح لنا سيدي و حبيبي يوسف بن المسيح ﷺ أثناء جلسة التلاوة المباركة من أحكام التلاوة ؛ أحكام الميم الساكنة ، ثم قام بقراءة الوجه السابع من أوجه سورة يونس و أجاب على أسئلتنا بهذا الوجه ثم صحح لنا تلاوتنا ، و أنهى الجلسة بأن طلب نبي الله الحبيب منا إستخراج الأحكام من الوجه .

بدأ نبي الله جلسة التلاوة المباركة بقوله :

الحمد لله ، الحمد لله وحده و الصلاة و السلام على محمد و من اتبعه من أنبياء عهده و بعد ، لدينا اليوم الوجه السابع من أوجه سورة يونس ، و نبدأ بأحكام التلاوة و أحمد :

أحكام الميم الساكنة :

إدغام متمثلين صغير و هو إذا أتى بعد الميم الساكنة ميم أخرى فتدغم الميم الأولى في الثانية و تنطق ميماً واحدة .

و الإخفاء الشفوي و هو إذا أتى بعد الميم الساكنة حرف الباء و الحُكم يقع على الميم أي الاخفاء يكون على الميم .

و الإظهار الشفوي و هو إذا أتى بعد الميم الساكنة جميع الحروف إلا الميم و الباء ، و الإظهار طبعاً سكون على الميم نفسها يعني الحُكم يقع على الميم .

و بعد أحمد قال الأحكام مروان ثم رفيده ثم أرسلان .

○ و ثم طلب سيدي يوسف بن المسيح ﷺ من أحمد قراءة سورة النصر ، و صح له قراءته .

و ثم تابع نبي الله يوسف الثاني ﷺ الجلسة بشرح الوجه لنا فقال :

الله سبحانه و تعالى في بداية هذا الوجه يُكمل ما انتهاه في الوجه السابق :

{وَمِنْهُمْ مَّن يَنْتَظِرُ إِلَيْكَ أَفَأَنْتَ تَهْدِي الْعُمْيَ وَلَوْ كَانُوا لَا يُبْصِرُونَ} :

بعض الناس ينتظر إلى النبي و لكن أكثر الناس عُمي حتى و لو كانوا مبصرين أي عُمي البصيرة .

{إِنَّ اللَّهَ لَا يَظْلِمُ النَّاسَ شَيْئًا وَلَكِنَّ النَّاسَ أَنْفُسَهُمْ يَظْلِمُونَ} :

لأن الله سبحانه و تعالى حرم الظلم على نفسه ، و الناس هم أصل الظلم ، و هذا دليل مبطن و قرينة عظيمة على أن الإنسان مُخير و بإختياره يكون فيما يليه مُسير ، أي إنه كامل الإرادة و الإختيار لأن الله قال (إن الله لا يظلم الناس شيئاً و لكن الناس أنفسهم يظلمون) .

{وَيَوْمَ يَحْشُرُهُمْ كَأَن لَّمْ يَلْبَثُوا إِلَّا سَاعَةً مِّنَ النَّهَارِ يَتَعَارَفُونَ بَيْنَهُمْ قَدْ خَسِرَ الَّذِينَ كَذَّبُوا بِلِقَاءِ اللَّهِ وَمَا كَانُوا مُهْتَدِينَ} :

يعني يوم القيامة لما يُبعثوا ، القيامة الكبرى ، يُبعثوا على نفس واحدة كأنها نفس واحدة قامت من الموت ، (كأن لم يلبثوا إلا ساعة من النهار) كأن الدنيا دي كانت عبارة عن ساعة من النهار ، كانت قصيرة جداً و ده زمن نسبي في الزمن الكلي الذي سيقضوه يوم القيامة و ما يليه بقى من نار أو جنة ، و ده يُعتبر زمن نسبي في الكون أو في تقدير و مقادير الله عز و جل ، كأن الدنيا دي كلها ساعة في الزمن اللي هيبقى كده ، اللي بعد كده بعد البعث و الجزاء سواء جنة أو نار ، طب ده مش دليل على تعاقب الأكوان؟؟ و أن الأكوان تفتى و أن النار و الجنة يفنيان؟؟؟ و أن هناك عبور تالي إلى كون آخر لخُص من المؤمنين المحسنين؟؟؟ أهو ربنا بيقول (و يوم نحشرهم كأن لم يلبثوا إلا ساعة من النهار) بيقى أكيد البعث ده و النشور ده و النار دي و الجنة دي هي نهار و أن الدنيا من بعث آدم -عليه السلام- إلى قيام الساعة الكبرى هي ساعة بس ، و دي قرينة أخرى على الكلام اللي بنقولاه ، صح؟؟ على مقالة اللحظة الكونية الدقيقة ((في المدونة)) و هي من دقائق و بواطن القرآن قد تحدث عنها المسيح الموعود ﷺ في كتاب من الرحمن .

(قد خسر الذين كذبوا بقاء الله و ما كانوا مهتدين) اللي هو مكش عنده يقين بالبعث و النشور و عمل في الدنيا لآخرته فقد خسر ، الخسران المبين ، و الذي يُكذب بقاء الله هو الذي كذب بالأنبياء و كذب المرسلين و تكبر عليهم و اتصف بصفات المنافقين و العياذ بالله ، و هؤلاء المكذبين مش مهتدين يعني مش مقربين أنفسهم لله ، و إحنا قلنا بأن المهتدي هو من الهدي و الهدى ، و الهدي و الهدى هو صوت قربان في عالم الروح ، و صوت قربان في عالم الروح هو إيه؟؟ هُدى أو هَدي ، و بالتالي لما ربنا بيقول عنهم (و ما كانوا مهتدين) أي ما كانوا مقربين أنفسهم إلى الله على عتبة الله عز و جل بذبح أنفسهم الأمارة بالسوء ، يعني ما كانوا مقدمين أنفسهم قرباناً لله على الصراط المستقيم ، فما كانوا مهتدين .

{وَأَمَّا نُرِيَّكَ بَعْضَ الَّذِي نَعِدُهُمْ أَوْ نَتَوَقَّيَّكَ فَإِلَيْنَا مَرْجِعُهُمْ ثُمَّ اللَّهُ شَهِيدٌ عَلَىٰ مَا يَفْعَلُونَ} :

يعني يا محمد و يا كل نبي نحن نعد بإهلاك الكافرين و المجرمين في الدنيا قبل الآخرة ، فإن لم ترى كل هلاكهم و توفاك الله قبل إتمام وعده عليهم فسوف تراه في يوم القيامة ، يوم القيامة الكبرى ، (ثم الله شهيد على ما يفعلون) ربنا مأيّد (مدون) كل حاجة من خلال الملائكة ، مأيّد بالصحف ، كاتب بالصحف أعمال ، مأيّد بالقلم ، و كل حاجة هتشهد عليهم بقى الكتب دي و جوارحهم هتشهد عليهم و الملائكة و من فوق ذلك كله الله سبحانه و تعالى يشهد عليهم .

{وَلِكُلِّ أُمَّةٍ رَسُولٌ فَإِذَا جَاءَ رَسُولُهُمْ قُضِيَ بَيْنَهُمْ بِالْقِسْطِ وَهُمْ لَا يُظْلَمُونَ} :

كلام واضح ، كل أمة لازم يبقى ليها رسول ، و دي سُنّة جارية ، (و لكل أمة رسول) من الرسالة ، (فإذا جاء رسولهم قضى بينهم بالقسط و هم لا يُظلمون) إذا جاء رسولهم في الدنيا و الآخرة ، المناط هنا أو المعنى هنا يحتمل المعنيين ، فإذا جاء رسولهم في الدنيا : خلاص (و ما كنا معذبين حتى نبعث رسولا) ربنا لما يبعث النبي خلاص فلا يبقى للناس على الله حُجة بعد الرسل ، (قضى بينهم بالقسط) يعني خلاص هيكون هناك عذاب للكافرين و نعيم للمؤمنين في الدنيا قبل الآخرة ، و عرفنا معنى كلمة قسط و هو ميزان العدل و شرحنا الكلمة دي في أوجه سابقة ، (و هم لا يُظلمون) سواء أكان جزاءهم في الدنيا قبل الآخرة أو بحسابهم و جزاءهم في يوم القيامة ، إذاً (فإذا جاء رسولهم) أي في الدنيا أو إذا جاء في الآخرة وقت الحساب ، لأن كل أمة تُحاسب ، أمة تلو أمة .

{وَيَقُولُونَ مَتَى هَذَا الْوَعْدُ إِن كُنْتُمْ صَادِقِينَ} :

يعني الكفار دائماً بيتسألوا و يقولوا إمتى البعث ده؟؟ و إمتى يوم الدينونة يوم العدل و يوم إقامة القضاء بين الخلائق؟؟ ، بيكلموا المرسلين و المؤمنين . مستهزئين متحدّين الرسل و المؤمنين .

و ربنا بقى بيرد عن المؤمنين و عن المرسلين و يقول :

{قُلْ لَا أَمْلِكُ لِنَفْسِي ضَرًّا وَلَا نَفْعًا إِلَّا مَا شَاءَ اللَّهُ لِكُلِّ أُمَّةٍ أَجَلٌ إِذَا جَاءَ أَجْلُهُمْ فَلَا يَسْتَأْخِرُونَ سَاعَةً وَلَا يَسْتَقْدِمُونَ} :

(قل لا أملك لنفسي ضرراً و لا نفعاً إلا ما شاء الله) يعني ده في عالم الغيب و بأمر الله عز و جل ، يعني أنا مستسلم لله عز و جل تمام الإستسلام ، أنا بين يدي الله عز و جل و مُقدم نفسي لله عز و جل في تمام الإستسلام لله عز و جل (أهدى نفسه و قرب نفسه لله فهو مهدي لله و مهدي منه) ، (لكل أمة أجل) كل أمة وقت عذابها في الدنيا محدد و كيفية عذابها في الدنيا محدد نتيجة تكذيب النبيين ، كذلك (لكل أمة أجل) يعني لكل أمة رسول ، و زمن الرسالة دي لها أجل محدد حتى ينتهي هذا الزمن و ثم يخلفه زمن نبي آخر و رسول آخر ، يبقى دي من معاني (لكل أمة أجل) ، (إذا جاء أجلهم) سواء بالعذاب بعد بعث النبي أو بالبعث ، (فلا يستأخرون ساعة و لا يستقدمون) يبقى دي من الشمعات المحددة في ساحة القضاء المكتوبة في القدر ، من الشمعات الفيصلية المعنونة في ساحة القضاء و المرسومة في ساحة القضاء و التي كانت مكتوبة في كتاب القدر ، هي دي آجال الأمم ، لأن إحنا عارفين بأن القدر بيتغير بالدعاء ، صح كده؟؟ و بالإلهام ، بإلهام المؤمنين لله عز و جل فممكن أن نُغير الأقدار و لكن هناك شمعات فيصلة معنونة في ساحة القضاء لا تتغير أبداً زي البعث و نهايات الأمم و هكذا .

{قُلْ أَرَأَيْتُمْ إِنْ أَتَاكُمْ عَذَابُهُ بَيَاتًا أَوْ نَهَارًا مَّاذَا يَسْتَعْجِلُ مِنْهُ الْمُجْرِمُونَ} :

يعني ربنا بيهددهم هنا و بيقولهم : لو أتاكم العذاب بالليل أو بالنهار ماذا يستعجل منه المجرمون؟ يعني نفسكو في إيه تستعجلوا بيه العذاب ، محتاجين إيه أو نفسكو في إيه تستعجلوا بيه العذاب؟ عاوزين عذاب

نوعه إيه أو كيفيته إيه تستعجلوا بيه؟؟ ، ده تهديد من الله عز و جل ، لأنهم بيستعجلوا أهو (و يقولون متى هذا الوعد إن كنتم صادقين) ده إستعجال أهو و إستهزاء منهم ، قربنا بيستهزأ بيهم و بيرد عليهم : (قل رأيتم إن أتاكم عذابه بيأتاً أو نهاراً ماذا يستعجل منه المجرمون) نفسك بإيه يا مجرم إنت و هو ، عذاب إيه نُعجله لك طالما أنت إستعجلته؟؟ قربنا هنا من باب المقابلة ، بيرد عليهم و بيستهزأ بيهم و بيهددهم .

{أَنْتُمْ إِذَا مَا وَقَعَ آمَنْتُمْ بِهِ الْآنَ وَقَدْ كُنْتُمْ بِهِ تَسْتَعْجِلُونَ} :

يعني لما أنا أوقع العذاب عليكم بقى هتؤمنوا ؟؟؟؟ (الآن و قد كنتم به تستعجلون) أهو كنتم مستعجلين العذاب و بتقولوا للنبي بأن أنزل العذاب من عند ربك لو كنت صادق أو لو كان إلهك صادق . دلوقت بس هتؤمنوا ؟؟؟!!!

{ثُمَّ قِيلَ لِلَّذِينَ ظَلَمُوا ذُوقُوا عَذَابَ الْخُلْدِ هَلْ تُجْزَوْنَ إِلَّا بِمَا كُنْتُمْ تَكْسِبُونَ} :

الكلام ده للأمة دي المكذبة يوم القيامة ، (الذين ظلموا) أي ظلموا الأنبياء و كذبوهم و كفروا بهم ، (ذوقوا عذاب الخلد) أي في جهنم ، (هل تجزون إلا بما كنتم تكسبون) أي إلا جزاء أعمالكم لأن الجزاء من جنس العمل ، و نعرف أن الأمم غالباً بتقع في العذاب و العذاب بيحل عليها إلا أمة يونس ، لما بدأت بدايات العذاب تحل عليهم آمنوا قربنا رفع العذاب عنهم ، و هنعرف ده إن شاء الله في الأوجه القادمة .

{وَيَسْتَنْبِئُونَكَ أَحَقُّ هُوَ قُلْ إِي وَرَبِّي إِنَّهُ لَحَقٌّ وَمَا أَنْتُمْ بِمُعْجِزِينَ} :

(و يستنبئونك أحق هو) يعني يستعلموك و يسألوك دائماً هل البعث اللي بتتكلّم عنه ده سيحدث ؟ و كل نبي يأتي بيتكلّم عنه ، هل هو حق فعلاً؟؟؟ (قل إي و ربي إنه لحق) ربنا هنا بيقول للنبي بأن يقول إي و ربي إنه لحق ، تحليل (إي) من أصوات الكلمات : الهمزة أعماق ، الياء تموج أي تموج قادم من الأعماق ، (إي) تأكيد يعني ، (قل أي و ربي) قسم ، (إنه لحق و ما أنتم بمعجزين) إنتو مش هتعجزوا ربنا يعني مش هتقدروا على ربنا أو مش هتعجزوا ربنا ، ربنا مش هيعجز أمامكم .

● و شرح لنا نبي الله الحبيب كلمة رسول و نبي من أصوات الكلمات :

- رسول : راء أي رأى أو أرى الإتنين ، سول لها معنيان : أرى الأسئلة أو رأى الأسئلة فأجاب عليها و لا يأتي نبي إلا ليُسأل فيُجيب ، و هو ده منهج النبوة و منهج آل البيت و هو ده المنهج الصحيح ، يُسأل و يُجيب لأنه معلم ، النبي و الرسول معلم و قبل ذلك فهو طبيب روحاني ، و المعنى الثاني : رسول : راء أي رأى و أرى سول و اللي هو ميكانيكية الوحي اللي بيقى لطيف و خفي ، إزاي؟؟ رسول : الراء رؤية ، السين تسرب خفي ، اللام علة ، الواو دوي دائري منتظم ، كده كأنك في بوتقة و دائرة و علة تسرب الخفي اللي هو الوحي و هو ده الرسول . هكذا لان الوحي لطيف .

و كذلك رسول : رأى الأسئلة و أرى الأسئلة و جاوب عليها ، كذلك أرسل أو إرسال ، أرسل : الهمزة أعماق ، سين تسرب خفي ، لام علة أي أعماق علة التسرب الخفي و هو الإرسال اللي هو البعث ، لذلك الروح بنقول عليها دقائق ، دقيقة ، نتحدث دائماً و نقول دقائق الروح ، و لا يعرفها و لا يستنبطها و لا يتنبه لها إلا العارفون و العالمون ، العارف و العالم بالله عز و جل هو الذي يستقبل الوحي الخفي ده بدرجاته المختلفة : إشارة ، كلمة ، كشف منامي أو مقامي ، رؤى و هكذا .

- كلمة نبي و أنبأ :

نبي : نون نعمة ، بي أي بيّ به ، أي نعمة بذلك الشخص أو بذلك الرجل ، كذلك نبي : نون نعمة ، الباء طلب و إحتياج ، الياء تموج ،

كذلك أنبأ : الهمزة أعماق ، النون نعمة ، الباء إحتياج ، أنبأ من الإنباء أي أخبر .

و أنهى الجلسة بأن طلب قمر الأنبياء يوسف الثاني عليه السلام من مروان و أرسلان و رفيدة بإستخراج أمثلة على أحكام طلبها منهم من هذا الوجه :

طلب من مروان مثال على إظهار شفوي ، فقال :
{يَحْشُرُهُمْ كَأَن} .



و طلب من أرسلان مثال على إخفاء شفوي ، فقال :
{آمَنْتُمْ بِهِ} ، {كُنْتُمْ بِهِ} .

و طلب من رفيدة مثال على إدغام متماثلين صغير ، فقالت :
{وَمِنْهُمْ مَّن} .

و اختتم نبي الله الجلسة المباركة بقوله المبارك :

هذا و صلّ اللهم و سلم على نبينا محمد و على آله و صحبه و سلم تسليماً كثيراً ، سبحانك اللهم و بحمدك ، أشهد أن لا إله إلا أنت ، أستغفرك و أتوب إليك .

و الحمد لله رب العالمين . و صلّ يا ربي و سلم على أنبياءك الكرام محمد و أحمد و يوسف بن المسيح صلوات تلو صلوات طيبات

مباركات ، و على أنبياء عهد محمد الآتين في مستقبل قرون السنين
أجمعين . آمين .  

درس القرآن و تفسير الوجه الثامن من سورة يونس.

أسماء إبراهيم :

شرح لنا سيدي و حبيبي يوسف بن المسيح ﷺ أثناء جلسة التلاوة المباركة من أحكام التلاوة ؛ صفات الحروف , ثم قام بقراءة الوجه الثامن من أوجه سورة يونس و أجاب على أسئلتنا بهذا الوجه ثم صحح لنا تلاوتنا ، و أنهى الجلسة بأن طلب نبي الله الحبيب منا إستخراج الأحكام من الوجه .

بدأ نبي الله جلسة التلاوة المباركة بقوله :

الحمد لله ، الحمد لله وحده ، الحمد لله وحده و الصلاة و السلام على محمد و من تبعه من أنبياء عهده و بعد ، لدينا اليوم الوجه الثامن من أوجه سورة يونس ، و نبدأ بأحكام التلاوة و أحمد :

- صفات الحروف :

القلقلة : حروفها مجموعة في (قطب جد) .

الهمس : حروفه مجموعة في (حثة شخص فسكت) .

التفخيم : حروفه مجموعة في (خص ضغط قظ) .

اللام : تفخم و ترقق : إذا كان ما قبلها مفتوح و مضموم تفخم , و إذا كان ما قبلها مكسور ترقق , و كذلك الراء تفخم و ترقق و ممنوع التكرار .

التفشي : حرفه الشين .

الصفير : حروفه (الصاد , الزين , السين) .

النون و الميم المشدتين تمد بمقدار حركتين .

أنواع الهمزة : همزة وصل , همزة قطع , همزة المد .
الغنة : صوت يخرج من الأنف .

و بعد أحمد قال الأحكام مروان ثم رفيده ثم أرسلان .

○ و ثم طلب سيدي يوسف بن المسيح ﷺ من أحمد قراءة سورة التين ،
و صحح له قراءته .

و ثم تابع نبي الله يوسف الثاني ﷺ الجلسة بشرح الوجه لنا فقال :

الله سبحانه و تعالى في هذا الوجه يقول :

{وَلَوْ أَنَّ لِكُلِّ نَفْسٍ ظَلَمَتْ مَا فِي الْأَرْضِ لَافْتَدَتْ بِهِ وَأَسَرُّوا النَّدَامَةَ لَمَّا
رَأَوْا الْعَذَابَ وَقُضِيَ بَيْنَهُم بِالْقِسْطِ وَهُمْ لَا يُظْلَمُونَ} :

الله سبحانه و تعالى يُحذر من الظلم و من جريمة الظلم ، و نعلم أن
الظلم ظلمات في الدنيا و الآخرة ، و الله حرم الظلم على نفسه و جعله
بيننا محرماً ، الله سبحانه و تعالى يقبل دعوة المظلوم و ليس بينها و
بين الله حجاب و من ذلك ما حدث معي أنا شخصياً سنة ٢٠١١ يوم ٤
يناير ، يوم الثلاثاء ، في الضحى صليت ركعتين و بكيث في السجود
بكاءً عظيماً و انهمرت دموعي و دعوت على فرعون أن يَقْصِمَهُ اللهُ و
أن يهلكه و أن ينزع ملكه و أن يُذل جنوده ، فأراني الله في الكشف بعد
ركعتين ما حدث في ثورة الخامس و العشرين من يناير ، و كل ذلك
مُفيد و هي آية عظمى من الله سبحانه و تعالى على صدق المسيح
الموعود ﷺ لأنني لما أن كنتُ في ذلك اليوم كنتُ من أتباع المسيح
الموعود غلام أحمد ﷺ ، و هناك آيات كثيرة أخرى مبسوطة في
المدونة و منها ما هو غير مبسوط في المدونة ، إذاً هذه تجربة عملية
على إستجابة دعوة المظلوم و أنه ليس بينها و بين الله حجاب ، فاتقوا

دعوة المظلوم ، تتقي دعوة المظلوم إزاي؟؟ إن أنت متظلمش ، لأن كل اللي بيظلم خلاص هو كده استغنى عن حقه في عدم وقوع اللعنة عليه ، ظلم يبقى كده دعوة المظلوم تبقى لعنة عليه حتى يعفو الذي ظلم ، حتى يعفو المظلوم لذلك من ظلم شخصاً يجب أن يذهب و يستسمحه و يطلب منه العفو ، إذا المظلوم لم يعفو فستزال لعنة تطارد الظالم إلى قيام الساعة .

(و لو أن لكل نفس ظلمت ما في الأرض لاقتدت به) الله سبحانه و تعالى يُبين هنا عظم ذنب الظلم ، يقول إيه؟؟ يوم القيامة كل نفس هتجد أن ذنب الظلم أعظم ذنب عندها ، و لو قدرت يوم القيامة يكون عندها ملك الأرض كله و تُعطيه فداء و إن ربنا يغفر الذنب ده مش هيحصل ، مش هيحصل ، و إحنا عارفين أن أعظم الظلم إيه؟ الشرك بالله ، و درجات الظلم بعد كده إيه؟ هي ظلم العباد لبعضهم البعض ، صح كده؟ ، (و لو أن لكل نفس ظلمت ما في الأرض لاقتدت به) و مش هيقبل منها برضو ، الشرط إيه؟ العفو .

(و أسروا الندامة لما رأوا العذاب) آآآه أول ما يشوفوا العذاب كده في الدنيا قبل الآخرة ، اللي ظالم هيبقى عارف إن اللي أصابه ده من العذاب لعنة بسبب المظلوم ، لعنة أصابته بسبب المظلوم ، فيبقى جواه كده حسرة و ندامة خفية باطنة بينه و بين نفسه لأنه لم يذهب و يستسمح المظلوم ، صح كده؟ ، (أسروا الندامة لما رأوا العذاب) في الدنيا و الآخرة برضو ، هيكونوا إيه؟ مُسرّين للندامة في أنفسهم ، بينهم و بين أنفسهم لأنه خزي عياداً بالله .

(و قضي بينهم بالقسط) بميزان العدل ، القسط هو ميزان العدل ، و فصلنا كلمة قسط قبل كده ، (و قضي بينهم بالقسط) يعني يوم القيامة و كذلك بأخذ الله عز و جل جزاء المظلوم من الظالم في الدنيا و أيضاً من إيه؟ من القضاء بالقسط في الدنيا أيضاً قبل الآخرة ، (و هم لا يُظلمون) ربنا سبحانه و تعالى هيعدل ما بينهم و يقضي ما بينهم و لن يكون هناك مظلوم (و هم لا يُظلمون) هياخذ الحق من الظالم و يُعطيه للمظلوم ، فكه مش هيبقى حد مظلوم ، تمام كده؟ ، (و هم لا يُظلمون) أي لا يدخلون في عرصات و كهوف الظلمة ، (لا يُظلمون) لا تتتابههم ظلمة و لا يغشاهم ظلمة بل يغشاهم النور ، نور العدل ، نور الحق ، إذاً من أصوات كلمة أو من معاني كلمة ظلمة أو ظلم : الظلام ، و كذلك الظلمة و الظلم إيه؟ أي أن النعيم أَلَمَّ به لَمَّة أو لَمَّت به جائحة ، الظلم هو جائحة و ظلام أَلَمَّت بالنعمة .

{أَلَا إِنَّ لِلَّهِ مَا فِي السَّمَاوَاتِ وَالْأَرْضِ إِلَّا إِنَّ وَعْدَ اللَّهِ حَقٌّ وَلَكِنَّ أَكْثَرَهُمْ لَا يَعْلَمُونَ} :

(ألا إن لله ما في السماوات و الأرض) كل شيء لله ، و حرف (ما) هنا يدخل فيه العاقل و غير العاقل ، ليه؟؟ لأن العاقل هو عبارة عن مجموعة غير عواقل متصلة ، إذاً (ما) هي أشمل من (من) ، يعني (ألا إن لله من في السماوات و الأرض) هي مخصصة للعاقل ، لكن لما ربنا يقول (ألا إن لله ما في السماوات و الأرض) مخصصة للعاقل ((و هو عبارة عن مجموعة غير عواقل)) و كذلك غير العواقل كلها ، (ألا إن وعد الله حق) اللي هو العدل و القضاء بالعدل ، (و لكن أكثرهم لا يعلمون) أي لا يتصلون بمعرفة الوحي أو لا يتصلون بوصال العرفان الإلهي ، ليه؟؟ (و لن تجد أكثر الناس و لو حرصت بمؤمنين) و أكثر الناس فاسقين و كافرين ، و الكثرة مذمومة في القرآن .

{هُوَ يُحْيِي وَيُمِيتُ وَإِلَيْهِ تُرْجَعُونَ} :

الله سبحانه و تعالى يُحيي و يُميت ، إحياء مادي و إحياء روحاني ، و كذلك يُميت إماتة مادية و إماتة روحانية بما كسبت أيدي الناس ، إذاً الحياة الروحية تكون جزاء مكسب خير للإنسان و كذلك الموت الروحي يكون جزاء ذنب عياداً بالله ، (و إليه ترجعون) المرجع إلى الله عز و جل ، كل الخيوط في يد ربنا ترجع إليه مرة ثانية ، فخلي بالك .

{يَا أَيُّهَا النَّاسُ قَدْ جَاءَكُمْ مَوْعِظَةٌ مِّن رَّبِّكُمْ وَشِفَاء لِّمَا فِي الصُّدُورِ وَهُدًى وَرَحْمَةٌ لِّلْمُؤْمِنِينَ} :

(يا أيها الناس قد جاءكم موعظة من ربنا هو الواعظ الأول و هو الناصح الأول و هو المهدي الأول و هو الهادي الأول ، (و شفاء لما في الصدور) لأن الذنوب و الظلم يغشى القلب ظلمة عياداً بالله و الألم و الحسرة و الندامة ، فمن يشفي أو إيه هو الشفاء؟؟ موعظة الله عز و جل ، و إيه هي موعظة ربنا؟؟ القرآن و غيره من درجات الوحي و هتكلّم عن ده في آخر الوجه ، (و هدى و رحمة للمؤمنين) هدى أي طريق الإستقامة و كذلك طريق القربان و أسلوب القربان الذي يُتَقَرَّب به إلى الله هو الهدى و هو الهادي و هو المهدي ، إذاً هو شفاء لما في الصدور أي درجات الوحي ، و هدى و رحمة للمؤمنين لأن الوحي رحمة من الله عز و جل .

{قُلْ بِفَضْلِ اللَّهِ وَبِرَحْمَتِهِ فَبِذَلِكَ فَلْيَفْرَحُوا هُوَ خَيْرٌ مِّمَّا يَجْمَعُونَ} :

هو ده فضل ربنا و رحمته أي الإتصال بيه و الإستماع إلى موعظة الإله و الإنتصاح بها و الإعطاء بكلماتها (فبذلك فليفرحوا) هو ده الفرح الحقيقي و هي دي السعادة الحقيقية (هو خير مما يجمعون) هو خير من كل ما هو موجود على الأرض .

{قُلْ أَرَأَيْتُمْ مَا أَنْزَلَ اللَّهُ لَكُمْ مِنْ رِزْقٍ فَجَعَلْتُمْ مِنْهُ حَرَامًا وَحَلَالًا قُلْ اللَّهُ أَدْنَىٰ لَكُمْ أَمْ عَلَى اللَّهِ تَفْتَرُونَ} :

ربنا هنا ببيّغت المشايخ و الأبحار و الرهبان المجرمين و المشايخ المجرمين اللي بيحلوا الحرام و بيحرموا الحلال فيوقعوا الأمم في النكسات الروحية و الأزمات النفسية و الآلام الجسدية و النفسية ، ليه؟؟ لأن طريق ربنا سبحانه و تعالى مستقيم و شريعته ثابتة ، فنتيجة أهواء المشايخ المجرمين ، نتيجة أهواءهم المريضة بيحرموا ما أحل الله فيضيّقوا واسعاً و يُجبروا واسعاً ، و نتيجة أهواءهم المريضة أيضاً بيحلوا ما حرم الله عز و جل فيبيغونها عوجاً ، و سبب ده : الهوى و تسرب الفقه اليهودي و الفقه البدوي و الأعرابي إلى كتيير من

الروايات المكذوبة عن النبي ﷺ ، هو ده سبب إيه؟ سبب آلام الأمة الإسلامية بأنهم نهجوا نهج اليهود و النصارى عياداً بالله ، كما حذر منه النبي ﷺ ، و قد حذر النبي ﷺ من سلوك مسالك النصارى و اليهود .

(قل أريتكم ما أنزل الله لكم من رزق فجعلتم منه حراماً و حلالاً) الرزق ده هو إيه؟ شريعة الله عز و جل و رسالة الله عز و جل ، (فجعلتم منه حراماً و حلالاً) يعني حللتم على مزاجكم و حرمتهم على مزاجكم ، ربنا هنا ببيكتهم و بيشخط فيهم و بيزعقلهم و يؤدبهم ، (قل الله أذن لكم) لذلك ربنا حط هنا مد لازم كلمي مثقل ، ربنا أذنلك؟؟؟ لما يجي ولد و أبوه يقوله متعملش كذا و هو رايح يعمل ، أو ياخذ حاجة من غير إذن أبوه ، و بعد كده أبوه يقوله : هو أنا أذنلك؟؟!! هنا كأن ربنا سبحانه و تعالى بيقولهم كده : هو أنا أذنلكم تحرموا ما أحللت أو تحلوا ما حرمت؟؟!!!! (أم على الله تفترون) تكذبوا على ربنا كذب عظيم!! يا مجرمين!! ، و أصل الفساد في الدنيا كلها الكذب على الله عز و جل و تغيير شريعة الله عز و جل .

{وَمَا ظَنُّ الَّذِينَ يُفْتَرُونَ عَلَى اللَّهِ الْكَذِبَ يَوْمَ الْقِيَامَةِ إِنَّ اللَّهَ لَذُو فَضْلٍ عَلَى النَّاسِ وَلَكِنَّ أَكْثَرَهُمْ لَا يَشْكُرُونَ} :

(و ما ظن الذين يفترون على الله الكذب يوم القيامة) يعني تفتكروا هيكون عذابهم شكله إيه؟؟ تهديد من الله عز و جل للكاذبين و المفتريين على الله و الذين يحرمون ما أحل الله و يحلون ما حرم الله ، فربنا هنا بيهددهم و بيقولهم (و ما ظن الذين يفترون على الله الكذب يوم القيامة) يعني تفتكروا هيكون عذابهم شكله عامل إيه؟؟ أكيد عذاب عظيم لا يوصف ، ما لا عين رأت و لا أذن سمعت و لا خطر على قلب بشر من العذاب الذي سيحيك و سيحيق بالمفتريين ، (إن الله لذو فضل على الناس و لكن أكثرهم لا يشكرون) الفضل العظيم إيه؟؟ هو البعث ، هو الرسالة ، (و لكن أكثرهم لا يشكرون) أي لا يشكرون نعمة البعث فيكذبون الأنبياء و يكفرون بهم على الدوام و هي سنة جارية فيهم .

{وَمَا تَكُونُ فِي شَأْنٍ وَمَا تَتْلُو مِنْهُ مِنْ قُرْآنٍ وَلَا تَعْمَلُونَ مِنْ عَمَلٍ إِلَّا كُنَّا عَلَيْكُمْ شُهُودًا إِذْ تُفِيضُونَ فِيهِ وَمَا يَعْزُبُ عَنْ رَبِّكَ مِنْ مِثْقَالِ ذَرَّةٍ فِي الْأَرْضِ وَلَا فِي السَّمَاءِ وَلَا أَصْغَرَ مِنْ ذَلِكَ وَلَا أَكْبَرَ إِلَّا فِي كِتَابٍ مُبِينٍ}

:

خلي بالك بقى ربنا بيفصل النعمة و الفضل دلوقتي ، خلي بالك في اللي جاي ؛ (و ما تكون في شأن) شأن يعني حال جذب إلى الله عز و جل ، بيكلم ربنا هنا النبي و كل نبي ، و الولي و كل ولي ، و العارف و كل عارف ، و المحدث و كل محدث ، (و ما تكون في شأن) أي في حال جذب إلى الله عز و جل و إتصال ، (و ما تتلو منه من قرآن) لأن القرآن هو أعظم درجات الوحي ، تنزل عليك كلمات الوحي ، (و لا تعملون من عمل) يُخاطب عموم المؤمنين و الأولياء ، عمل صالح يورث الفيض الإلهي ، (إلا كنا عليكم شهوداً) يعني إلا كنت أنا و ملائكتي ، ربنا بيقول كده (إلا كنا) أي الله و الملائكة ، (شهوداً) يعني موجودين شاهدين على التمثلات اللي هتحصل في الجذب و الكشف ده ، (إلا كنا عليكم شهوداً إذ تفيضون فيه) أرواحكم هتفيض و تتمثل في تلك الكشوف و تلك الأمثال الروحية ، ليه؟؟ لأن مين خالق الأكوان دي؟؟ الله ، و مين المدبرات اللي بيقيموا الأساسات للأمثال دي و للكشوف دي؟؟ الملائكة ، إذاً الله و الملائكة شهود على العوالم دي اللي هي تُخلق في عالم الغيب و في ساحة السماء ، (تفيضون فيه) يعني أرواحكم تفيض و تتمثل في تلك العوالم ، تُفيضون فيه و تفيضون فيه و تستفيضون فيه ، (و ما يعزب عن ربك من مثقال ذرة في الأرض و لا في السماء) و ما يعزب يعني ما يبعدش لأن العازب هو اللي يبقى ساكن لوحده أو ليس له زوج فيُسمى عازب يعني مفرد و حيد ، (و ما يعزب عن ربك) يعني مينفردش عن ربك و ميبعدش عن ربك أي شيء حتى لو كان مثقال ذرة ، و الذرة هنا من باب المجاز بس و لو كانت أقل من ذرة كمان ، ده بس من باب ضرب الأمثال ، (و ما يعزب عن ربك من مثقال ذرة في الأرض و لا في السماء و لا أصغر من ذلك) أهو قال و لا أصغر من ذلك ، (و لا أكبر إلا في كتاب مبين) كتاب مبين أي متأكد مقيد مدون بأيدي الملائكة و بأمر الله عز و جل .

ربنا بيشرح الحالة دي و بيقول إيه :

{أَلَا إِنَّ أَوْلِيَاءَ اللَّهِ لَا خَوْفٌ عَلَيْهِمْ وَلَا هُمْ يَحْزَنُونَ} :

(أولياء الله) و اللي هم أصحاب الكشوف و أصحاب الشأن ، الشأن أي الحال ، بيقولك ده عنده حال مع الله ، له حال مع الله ، له شأن مع الله ، (كل يوم هو في شأن) ، الولي له حال و شأن مع الله ، من ضمن هؤلاء الأولياء مين؟ الخضر -عليه السلام- ، (و لا هم يحزنون) ميحزنش أبداً ، ليه؟ لأن الحزن ده طريق إبليس و بُغية إبليس ، هو عاوزك تبقى حزين على طول ، و اللي دايماً يُكثر من الحزن كده . لا ، يرجع و يراجع نفسه تاني و يحاول يدمر الحزن ده و يفرح بالله عز و جل و بوصول الله عز و جل و بعود الله عز و جل و بنعمة الله و بكتابه .

{الَّذِينَ آمَنُوا وَكَانُوا يَتَّقُونَ} :

هؤلاء هم الأولياء الذين لهم حال شأن و تلاوة قرآن و عمل صالح يُفيض عليهم من فيوض الله .

{لَهُمُ الْبُشْرَى فِي الْحَيَاةِ الدُّنْيَا وَفِي الْآخِرَةِ لَا تَبْدِيلَ لِكَلِمَاتِ اللَّهِ ذَلِكَ هُوَ الْفَوْزُ الْعَظِيمُ} :

(البشرى) هي الحالات دي بقى : الرؤيا الصالحة ، الكشوف ، المكالمات ، الإشارات ، و تنزل الوصال من الله عز و جل عليهم ، (لهم البشرى في الحياة الدنيا و في الآخرة) ربنا هنا بيوضح : (في الحياة الدنيا) اللي هي الكشوف و الرؤى و الفيوض الإلهية و العرفان الإلهي و العلم ، (و في الآخرة) خلي بالك ، طب الآخرة إيه هي البشرى؟؟ الخلود الأبدي ، العبووور إلى الأكوان التالية ، إلى الجنان المتعاقبة ، هو ده البشرى ، و أن يُحدثهم الله و ليس بينهم و بينه حجاب ، يتجلى لهم الله سبحانه و تعالى هي دي البشرى ، فيأخذهم الله لأنهم

خُلص ، لأنهم مُحسنون أي الذين لامسوا أعلى درجات الدين أن تعبد الله كأنك تراه فإن لم تكن تراه فإنه يراك ، اللي هي المراقبة ، المراقب لله عز و جل و يعلم بأن الله عز و جل يُراقبه و يعمل على ذلك و يصل إلى أعلى مراتب الدين و يكون من الخُلص و اللي ربنا اصطفاهم فهو لاء الذين لن يفنووا في الجنة و سيعبرون إلى الجنان التالية و هي دي البشرى بتاعت الآخرة و هي دي الحُسنى و هي دي الزيادة ، (لا تبديل لكلمات الله) وعد مش هيتبدل ، وعد مش هيتبدل ، (ذلك هو الفوز العظيم) اللي هو العبور إلى الجنان التالية ، هو ده الفوز العظيم .

● و أثناء تصحيح نبي الله الحبيب لنا تلاوتنا ، قال لنا :

تعرفوا في الحج كان في طواف اسمه طواف الإفاضة ، صح كده؟ الإفاضة يعني الحُجاج أفاضوا إلى الكعبة ، يعني دخلوا إلى حرم الكعبة ، تمام كده؟ هنا ربنا بيقول (إذ تفيضون فيه) يعني دخلتوا في حرم السماء أو في حرم الغيب أي في الحرم السامي أي في ملكوت الله أي دخلتم عالم الكشف ، تُفيضون تفيضون تستفيضون .

و أنهى الجلسة بأن طلب قمر الأنبياء يوسف الثاني ﷺ من مروان و رفيدة و أرسلان و أحمد بإستخراج أمثلة على أحكام طلبها منهم من هذا الوجه :

طلب من مروان مثال على قلقلة ، فقال :
{يَجْمَعُونَ} .



و طلب من رفيدة مثال على همس ، فقالت :
{بِالْقِسْطِ} ، السين هنا ممكن نعتبرها همس و أيضاً صفير .

و طلب من أرسلان مثال على إستعلاء ، فقال :
{تُفِيضُونَ} .

و طلب من أحمد مثال على التفشي ، فقال :
{وَشَفَاء} .

و اختتم نبي الله الجلسة المباركة بقوله المبارك :

هذا و صلّ اللهم و سلم على نبينا محمد و على آله و صحبه و سلم
تسليماً كثيراً ، سبحانهك اللهم و بحمدك ، أشهد أن لا إله إلا أنت ،
أستغفرك و أتوب إليك .
و يكون شفاءً بأمر الله عز و جل .

و الحمد لله رب العالمين . و صلّ يا ربي و سلم على أنبياءك الكرام
محمد و أحمد و يوسف بن المسيح صلوات تلو صلوات طيبات
مباركات ، و على أنبياء عهد محمد الآتين في مستقبل قرون السنين
أجمعين . آمين .  

درس القرآن و تفسير الوجه التاسع من سورة يونس.

أسماء إبراهيم :

شرح لنا سيدي و حبيبي يوسف بن المسيح ﷺ أثناء جلسة التلاوة المباركة من أحكام التلاوة ؛ من أحكام المد , ثم قام بقراءة الوجه التاسع من أوجه سورة يونس و أجاب على أسئلتنا بهذا الوجه ثم صحح لنا تلاوتنا ، و أنهى الجلسة بأن طلب نبي الله الحبيب منا إستخراج الأحكام من الوجه .

بدأ نبي الله جلسة التلاوة المباركة بقوله :

الحمد لله ، الحمد لله وحده و الصلاة و السلام على محمد و من اتبعه من أنبياء عهده و بعد ، لدينا اليوم الوجه التاسع من أوجه سورة يونس ، و نبدأ بأحكام التلاوة و أحمد :

أحكام المد و نوعيه :

مد أصلي طبيعي و مد فرعي , المد الأصلي يُمد بمقدار حركتين و حروفه (الألف , الواو , الياء) , و المد الفرعي يكون بسبب الهمزة أو السكون .

أما الذي بسبب الهمزة فهو مد متصل واجب و مقداره ٤ إلى ٥ حركات , و مد منفصل جائز مقداره ٤ إلى ٥ حركات , و مد صلة كبرى مقداره ٤ إلى ٥ حركات جوازاً , و مد صلة صغرى مقداره حركتان وجوباً .

و بعد أحمد قال الأحكام مروان ثم رفيده ثم أرسلان .

○ و ثم طلب سيدي يوسف بن المسيح ﷺ من أحمد قراءة سورة قريش ، و صحح له قراءته .

و ثم تابع نبي الله يوسف الثاني ﷺ الجلسة بشرح الوجه لنا فقال :

{وَلَا يَحْزُنْكَ قَوْلُهُمْ إِنَّ الْعِزَّةَ لِلَّهِ جَمِيعًا هُوَ السَّمِيعُ الْعَلِيمُ} :

ربنا سبحانه و تعالى بيعزي النبي و كل نبي و المؤمنين جميعاً بقوله العام الشافي (و لا يحزنك قولهم) لأن دائماً الكفار و المنافقين بتلاقهم بيلأحوا بالكلام كده على المؤمنين و الأنبياء و بيحاولوا بقدر الإمكان يحزنوهم و يدخلوا الألم إلى قلوبهم و يتريقوا عليهم و يستهزؤا بيهم ، سمة كل المنافقين و سمة كل الكافرين بيحاولوا يُحزنوا المؤمنين و يلاحوا عليهم بالكلام و يتريقوا عليهم و يستهزؤا بيهم ، (و لا يحزنك قولهم) كلام قاطع من الله ، يعني لا تحزن من أقوالهم ، (إن العزة لله جميعاً) يعني إنت عزيز مهما قالوا و مهما إستهزؤا بيك و مهما لأحوا عليك بالكلام و مهما سخرؤا منك ، إنت عزيز تستمد عزتك من إسم الله العزيز ، (إن العزة لله جميعاً) كل العزة لله و للأنبياء و للمؤمنين ، و كل الذلة لإبليس و الشياطين و الكافرين و المنافقين ، (هو السميع العليم) و دي تعزية للنبي و للمؤمنين ، ربنا سامع كل حاجة و هو عليم و يوصلكم لمعارفه و عرفانه و علمه و وحيه .

{أَلَا إِنَّ لِلَّهِ مَنْ فِي السَّمَاوَاتِ وَمَنْ فِي الْأَرْضِ وَمَا يَتَّبِعُ الَّذِينَ يَدْعُونَ مِنْ دُونِ اللَّهِ شُرَكَاءَ إِنْ يَتَّبِعُونَ إِلَّا الظَّنَّ وَإِنْ هُمْ إِلَّا يَخْرُصُونَ} :

(ألا إن لله من في السماوات و من في الأرض) كل المكلفين هم لله و هم تحت سيطرة الله عز و جل بإرادتهم أو بغير إرادتهم ، (من) للعاقل

أي للمكافين ، (و ما يتبع الذين يدعون من دون الله شركاء) أي واحد
 مشرك يظن في أحد غير الله أو مع الله شيء ، ربنا بيقوله : متقلش هو
 مش هينفعك و لا هيضرك لأنه هو أصلاً مش شريكي ، مفيش شركاء
 ليا أصلاً ، و ربنا بيستهزأ بيهم و يقولهم (و ما يتبع الذين يدعون من
 دون الله شركاء) يظنونهم شركاء و آلهة مع الله أو من دون الله ، ربنا
 بيقولهم لا هم مش شركائي ، يعني نقبكم طلع على شونة زي ما بنقول
 في اللهجة المصرية يعني تعبكم على الفاضي ، يعني ربحوا أنفسكم
 مفيش شركاء ليا أي مفيش شركاء لله عز و جل ، (إن يتبعون إلا الظن
 و إن هم إلا يخرصون) دائماً كده المنافقين و الكافرين معندهم يقين
 ، معندهم يقين النبيين و المؤمنين فتلاقيهم دائماً في شكوك و ظنون
 مرتعشين مذبذبين مهتززين ، (يخرصون) أي يرحمون بالغيب يعني
 بيقولوا كلام معندهم عليه دليل و لا يقين ، خبط عشواء كده زي
 البهيمة اللي بتدور ، زي البهيمة اللي بتدور ؛ المنافق أو الكافر
 معندهم طريق مستقيم ، مش عارف طريقه فين ، و الخرص هو
 الرجم بالغيب يعني بتقول حاجة و إنت مش عارفها مش متأكد منها ،
 بتكذب يعني و بتفتري .

{هُوَ الَّذِي جَعَلَ لَكُمُ اللَّيْلَ لِتَسْكُنُوا فِيهِ وَالنَّهَارَ مُبْصِرًا إِنَّ فِي ذَلِكَ لَآيَاتٍ
 لِّقَوْمٍ يَسْمَعُونَ} :

(هو الذي جعل لكم الليل لتسكنوا فيه و النهار مبصراً) دائماً ربنا كده
 زبط الساعة البيولوجية بتاعت البشر بحيث أنهم يناموا بالليل أفضل من
 أنهم يناموا بالنهار ، نوم الليل أفيد فربنا هو اللي بيقول لأنه ربنا خلق
 البشر كده ، الساعة البيولوجية بتاعتهم تستريح بالليل ، (لتسكنوا فيه)
 لتناموا فيه و هرمونات النوم السيروتونين بتفرز بالليل أفضل و أكثر ،
 و الكورتيزون اللي هو هرمون النشاط يفرز بعد الفجر فالأفضل
 محدش ينام بعد الفجر ، الأفضل النوم يبقى بالليل ، تمام كده هو ربنا
 اللي قال ، (و النهار مبصراً) يعني للعمل و السعي على الأرزاق و
 هكذا ، إذاً هنا ربنا قارن ما بين الليل و النهار بايه؟؟ بالسكن و
 الإبصار ، السكن يعني الهدوء الراحة النوم ، الإبصار اللي هو سمة
 النهار لأن الشمس تخرج في النهار ، و نحن لا نرى إلا بالنور ، و
 النور بينعكس على الشبكية و بالتالي بنفهم الحاجة اللي أمانا دي و

بنفهم شكلها و بنعرف بتتصرف إزاي من خلال صفة أو حاسة الإبصار ، و حاسة الإبصار تحتاج إلى النور و الضوء ، و الضوء لا يكون إلا في النهار بشكل طبيعي يعني ، ربنا بيتكلم بشكل طبيعي ، (إن في ذلك لآيات لقوم يسمعون) الآيات اللي أنا قلتها ليكم : هرمون السيروتونين بيفرز بالليل و يساعد على النوم ، و الكورتيزون بعد الفجر ، هو كده ربنا زبط الساعة البيولوجية بتاعت البشر ، خلي بالك ، من ضمن هذه الآيات اللي قلتها دي ، و اللي هي الصحابة مكنوش يعرفوها بس إحنا دلوقتي عرفناها وفقاً لنعم الله التي أعطاها لنا ، نعمة العلوم المادية .

{قَالُوا اتَّخَذَ اللَّهُ وَلَدًا سُبْحَانَهُ هُوَ الْغَنِيُّ لَهُ مَا فِي السَّمَاوَاتِ وَمَا فِي الْأَرْضِ إِنَّ عِنْدَكُمْ مِّنْ سُلْطَانٍ بِهَذَا أَتَقُولُونَ عَلَى اللَّهِ مَا لَا تَعْلَمُونَ} :

من ضمن إفتراء الكافرين و النصارى الكافرين المشركين إيه؟ (قالوا اتخذ الله ولداً) اللي هو عيسى بن مريم يعني ، (سبحانه) ربنا ينزله نفسه هنا ، و يدعونا بأن ننزله عن هذا الأمر ، (سبحانه هو الغني) ربنا غني عن الولد و عن الصحابة و عن الشريك ، (له ما في السماوات و ما في الأرض) ربنا مسيطر على كل حاجة ، و عرفنا بأن لفظ (ما) هو أشمل من لفظ (من) ، (إن عندكم من سلطان بهذا) إنتو عندكو سلطان و دليل على الإفتراء الذي قمتم بإفتراءه؟؟ مفيش دليل ، (سلطان) هنا يعني دليل ، دليل على كلامكم و إفتراءكم ، (أتقولون على الله ما لا تعلمون) يعني تقولون أشياء و تكذبون بأشياء و تفترون بأشياء و أنتم لم يكن عندكم دليل؟؟ و الدليل هنا العلم يعني الوحي ، هل ربنا أوحى بكده؟؟ هل ربنا أوحى لعيسى بكده؟؟ هل عيسى أصلاً قال الكلام ده؟؟ لا لم يقل .

{قُلْ إِنَّ الَّذِينَ يَفْتَرُونَ عَلَى اللَّهِ الْكَذِبَ لَا يُفْلِحُونَ} :

الكذابين و المفتريين لا يفلحون لا في الدنيا و لا في الآخرة ، طب واحد يسألني و يقولي : طب ما الأمم الكافرة متقدمة و عندها أسلحة و صواريخ و حاملات طائرات و احتلوا البلاد الإسلامية ، ما كده أفلحوا يا شيخ؟؟؟ أقول له مش هو ده الفلاح اللي ربنا يقصده هنا في الآية ، الفلاح هنا هو التوحيد و الفوز ، الفوز بوصول الله و برضا الله عز و جل و أن يحجز لنفسه مكان في الجنة و أن يعبر للجنان التالية و المتعاقبة ، (لا يفلحون) أي لا يصلون إلى طريق الله عز و جل و لا يصلون إلى العلم الحقيقي و هو الوصول بالله عز و جل ، إذاً الفلاح الحقيقي إيه؟؟؟ العرفان الإلهي و معرفة نبي الزمان ، هو ده العرفان الحقيقي ، و هو ده الفوز الحقيقي ، و هو ده الفلاح الحقيقي .

{مَتَاعٌ فِي الدُّنْيَا ثُمَّ إِلَيْنَا مَرْجِعُهُمْ ثُمَّ نُذِيقُهُمُ الْعَذَابَ الشَّدِيدَ بِمَا كَانُوا يَكْفُرُونَ} :

طبعاً ربنا هنا بيهدد الكفار (متاع في الدنيا) و اللي هي إيه؟؟؟ الأسلحة و الصواريخ و حاملات الطائرات و إحتلال البلاد و أخذ الثروات ، و هي دي سمة الدجال ، (ثم إلينا مرجعهم ثم نذيقهم العذاب الشديد بما كانوا يكفرون) تهديد من الله عز و جل واضح و صريح لكل كافر و مشرك و كل منافق و كل من ابتعد عن النبيين و سيرة النبيين .

● و أثناء تصحيح نبي الله الحبيب تلاوتنا ، قال لنا :

{وَلَا يَحْزَنُكَ قَوْلُهُمْ إِنَّ الْعِزَّةَ لِلَّهِ جَمِيعًا} هنا وقف لازم ميم صغيرة بين (قولهم) و (إن) ، لأنك لو تكلمت و قلت (و لا يحزنك قولهم إن العزة لله جميعاً) يعني إذا لم تقف الوقف اللازم ، ممكن واحد مش مسلم يفهم فهم خاطئ و يقولك إيه؟ يعني هم لما يقولوا (إن العزة لله جميعاً) ده أمر يحزننا؟؟؟ أو يحزن النبي؟؟؟ لا . غلط ، فالوقف اللازم عشان المعنى يستقيم ، يكون المعنى المراد .

و أنهى الجلسة بأن طلب قمر الأنبياء يوسف الثاني عليه السلام من مروان و ربيعة و أرسلان و أحمد بإستخراج أمثلة على أحكام طلبها منهم من هذا الوجه :

طلب من مروان مثال على مد متصل واجب ، فقال :
{أُولِيَاءَ} .

و طلب من ربيعة مثال على مد منفصل جائز ، فقالت :
{أَلَا إِنَّ} .



و طلب من أرسلان مثال على مد صلة كبرى ، فقال :
لم أجد .

و طلب من أحمد مثال على مد صلة صغرى ، فقال :
{سُبْحَانَهُ هُوَ الْغَنِيُّ} ، {لَهُ مَا فِي السَّمَاوَاتِ} .

و اختتم نبي الله الجلسة المباركة بقوله المبارك :

هذا و صلّ اللهم و سلم على نبينا محمد و على آله و صحبه و سلم
تسليماً كثيراً ، سبحانهك اللهم و بحمدك ، أشهد أن لا إله إلا أنت ،
أستغفرك و أتوب إليك .

و الحمد لله رب العالمين . و صلّ يا ربي و سلم على أنبياءك الكرام
محمد و أحمد و يوسف بن المسيح صلوات تلو صلوات طيبات

مباركات ، و على أنبياء عهد محمد الآتين في مستقبل قرون السنين
أجمعين . آمين .  

درس القرآن و تفسير الوجه العاشر من سورة يونس.

أسماء إبراهيم :

شرح لنا سيدي و حبيبي يوسف بن المسيح ﷺ أثناء جلسة التلاوة المباركة من أحكام التلاوة ؛ من أحكام المد ، ثم قام بقراءة الوجه العاشر من أوجه سورة يونس و أجاب على أسئلتنا بهذا الوجه ثم صحح لنا تلاوتنا ، و أنهى الجلسة بأن طلب نبي الله الحبيب منا إستخراج الأحكام من الوجه .

بدأ نبي الله جلسة التلاوة المباركة بقوله :

الحمد لله ، الحمد لله وحده ، الحمد لله وحده و الصلاة و السلام على محمد و من تبعه من أنبياء عهده و بعد ، لدينا اليوم الوجه العاشر من أوجه سورة يونس ، و نبدأ بأحكام التلاوة و أحمد :

مد فرعي بسبب السكون :

مد عارض للسكون و يكون غالباً في نهايات الآيات و يمد بمقدار ٤ إلى ٥ حركات .

و مد لازم حرفي أو كلمي : الحرفي هو في أوائل السور ، و الكلمي مثقل و يُمد بمقدار ٧ حركات مثل (و لا الضالين) .

و المد الحرفي له ثلاثة أنواع : حرف واحد يمد حركة واحدة و هو الألف في حروف المقطعات في بداية السور ، مجموعة من الحروف تمتد بمقدار حركتين و هي مجموعة في جملة (حي طهر) ، و حرف تمتد بمقدار ٦ حركات و هي مجموعة في جملة (نقص عسلكم) .

و بعد أحمد قال الأحكام مروان ثم رفيده ثم أرسلان .

○ و ثم طلب سيدي يوسف بن المسيح ﷺ من أحمد قراءة سورة آية الكرسي ، و صحح له قراءته .

و ثم تابع نبي الله يوسف الثاني ﷺ الجلسة بشرح الوجه لنا فقال :

الوجه ده بيبن جانب من جوانب نفسيات المكذبين للرسول ، علة عظيمة جداً بتسبب تكذيب الأقسام التي يأتيها النذير ، إيه هي العلة دي؟؟ أن هذه الأمم و هذه الشعوب ببيقوا بخلاء أوي و مش عاوزين النبي يبقى في المقام اللي ربنا اختاره فيه ، يعني بالعامية كده هو أحسن مِنَّا في إيه؟؟ هو أحسن منا في إيه عشان هو يكون له الكبرياء في الأرض أو هو يبقى له المقام ده مقام النبوة؟! ، يبقى إيه الحسد و البخل و الأنانية و الكبر كل دي من صفات الكفار المكذبين و بتبقى علة عظيمة بتسبب ليهم الكفر بدعوة النبي ، تمام كده؟ طيب ، في علة تانية و اللي هي إيه (وَجَدْنَا عَلَيْهِ آبَاءَنَا) هذا ما وجدنا عليه آبائنا و اللي هي إيه؟ التراث و اللي هو إحنا نشأنا على كده و اتولدنا كده فدي علة تانية بس العلة الأكبر اللي هي أنهم مستكثرين على النبي المقام ده .

{وَاتْلُ عَلَيْهِمْ نَبَأَ نُوحٍ إِذْ قَالَ لِقَوْمِهِ يَا قَوْمِ إِن كَانَ كُبُرَ عَلَيْكُمْ مَقَامِي وَتَذِكْرِي بآيَاتِ اللَّهِ فَعَلَى اللَّهِ تَوَكَّلْتُ فَأَجْمِعُوا أَمْرَكُمْ وَشُرَكَاءَكُمْ ثُمَّ لَا يَكُنْ أَمْرَكُمْ عَلَيْكُمْ غُمَّةً ثُمَّ اقْضُوا إِلَيَّ وَلَا تُنْظِرُونِ} :

(و اتل عليهم نبأ نوح) اتل يا محمد و يا كل نبي على قومك الذين أتيتهم لتنذرهم نبأ نوح أي قصة نوح ، خذوا العظة منها (إذ قال لقومه يا قوم إن كان كبر عليكم مقامي و تذكيري بآيات الله فعلى الله توكلت) هنا صيغة من صيغ المبالغة ، يعني هنا ربنا بيبين نفسية النبي بإنه يبقى واثق جداً من الدعوة بتاعته و واثق جداً من وحي ربنا له و واثق جداً من التجربة بتاعته اللي عاوز يوصلها للناس ، أهو شوف كده نفسية نوح بيتكلم إزاي ، فيقول لهم نوح : إذا كنتو إنتو مستكثرين عليّ

المقام اللي ربنا اختارني فيه و مش عاوزين تخضعولي و تسمعوا كلامي ، كبيرة عليكم يعني ، (فعلى الله توكلت) وكيلى ربنا ، (فاجمعوا أمركم و شركاءكم ثم لا يكن أمركم عليكم غمة) يعني كل الأدلة بتاعتكم و كل الكلام بتاعكم و كل القصص بتاعتكم و كل الترهات بتاعتكم اللي بتصدوا بيها الناس عن الإيمان بيا إجمعوها و هاتوا كمان الآلهة بتاعتكم ، (ثم لا يكن أمركم عليكم غمة) يعني ما تتضطربوش إنكم تقابلوني و تتحدوني لأن الأمر عندي مفهوش غمة ، خليك صرحاء مع أنفسكم كده و ادخلوا معاي في تحدي مباهلة ، راس براس ، (ثم اقضوا إلي و لا تنظرون) يعني سلطوا آلهة بتاعتكم عليّ و ادعوهم كده يهلكوني ، و متخلونيش أسنتى و متدونيش فرصة ، شايف نفسية النبي قوي واثق ، واثق من دعوته ، واثق من الإله اللي بعثه ، و دائماً كده النبي بيحب تبقى كل حاجة واضحة مبينة ظاهرة ، النبي دائماً و المؤمنين بحبوا الفيصلة ؛ أهو (ثم لا يكن أمركم عليكم غمة) يعني ما تتضطربوش لتصلوا إلى بر اليقين إذا استطعتوا يعني ، هو طبعاً هنا بيدعوهم من باب التحدي لأنه كده كده الكفار معندهم يقين و لا حاجة ، هم يضحكوا على أنفسهم ، بيدسوا على أنفسهم ، يخبطوا خبط عشواء ، يخرصون و هي دي صفات الكفار و المنافقين ، الخرص ، خبط عشواء ، الشك ، عدم اليقين ، لكن النبي واثق ، و واثق من الله ، (ثم اقضوا إلي) سلطوا كل القوى بتاعتكم عليّ و ادعوا عليّ و متخلونيش أسنتى (و لا تنظرون) شفتوا إلى درجة إيه عنده يقين النبي؟؟؟

{فَإِنْ تَوَلَّيْتُمْ فَمَا سَأَلْتُكُمْ مِنْ أَجْرٍ إِنْ أَجْرِيَ إِلَّا عَلَى اللَّهِ وَ أُمِرْتُ أَنْ أَكُونَ مِنَ الْمُسْلِمِينَ} :

(فإن توليتم) إذا خفتم بقى من المباهلة ، خفتم يعني من النزال و المباهلة (فما سألتكم من أجر) يعني أنا بقول دعوتي دي لله شأن أوصل لكم رسالة ربنا و التجربة اللي أنا مريت بيها شأن توقنوا بوجود الإله و تكونوا متزكين بفعل الوحي ده ، (إن أجري إلا على الله) ربنا هو الذي سيُعطيني أجري و ثوابي ، (و أمرت أن أكون من المسلمين) ربنا دائماً بيأمرني و بيأمر كل نبي بأن يكون هو مستسلم لله عز و جل ، يعني مستسلم لقضاء الله عز و جل و قدره ، يعني مش

فارق معه الدنيا ، أهم حاجة يوصل و يبلغ الكلمة و ربنا هو الكفيل ينصره ، ينصر كلمته ، شفتوا نفسية النبي بيتكلم إزاي؟؟ دي نصيحة لمحمد ﷺ و لكل الأنبياء .

{فَكَذَّبُوهُ فَتَجَينَاهُ وَمَنْ مَعَهُ فِي الْفُلْكِ وَجَعَلْنَاهُمْ خَلَائِفَ وَأَغْرَقْنَا الَّذِينَ كَذَّبُوا بِآيَاتِنَا فَانْظُرْ كَيْفَ كَانَ عَاقِبَةُ الْمُنْذَرِينَ} :

(فكذبوه) كذبوه يعني لم يؤمنوا ، فضمنياً كده هم يُعتبروا قَبِلُوا المباهلة بس بشكل غير مباشر ، ليه؟؟ لأنهم معتدين ، اعتدوا عليه بالكلام و الإيذاء و التحريش حرشوا عليه الناس و أصبحوا معتدين ، فأصبح حكم المباهلة كده كده واقع عليهم بشكل غير مباشر ، (فكذبوه) إيه اللي حصل؟؟؟ (فتجيناه و من معه في الفلك و جعلناهم خلائف) المؤمنين ربنا نجاهم في الفلك اللي بناه نوح -عليه السلام- قبل أن يأتي الطوفان ، لأنها كانت نبوءة ، كان طوفان عظيم جداً هيحصل في العراق و هيغرق المنطقة كلها اللي بُعث فيها نوح ، ربنا أراه كده في الرؤيا و حذرهم لكنهم لم يسمعوا الكلام ، فركب في الفلك مع المؤمنين القلة اللي معاه و بعد كده ربنا نجاهم و بعد ما نجاهم جعلهم خلائف أي أمم كثيرة (و جعلناهم خلائف) ، (و أغرقنا الذين كذبوا بآياتنا) اللي هم كذبوا نوح -عليه السلام- ربنا أغرقهم ، و بعد كده ربنا بيأمرنا أن إحنا نأخذ العبرة (فانظر كيف كان عاقبة المنذرين) اللي إحنا أنذرناهم و مسمعوش الكلام ، عاقبتهم و آخرتهم كانت إيه؟ الهلاك في الدنيا قبل الآخرة .

{ثُمَّ بَعَثْنَا مِنْ بَعْدِهِ رَسُولًا إِلَى قَوْمِهِمْ فَجَاؤُوهُمْ بِالْبَيِّنَاتِ فَمَا كَانُوا لِيُؤْمِنُوا بِمَا كَذَّبُوا بِهِ مِنْ قَبْلُ كَذَلِكَ نَطْبَعُ عَلَى قُلُوبِ الْمُعْتَدِينَ} :

(ثم بعثنا من بعده رسلاً) بعد نوح -عليه السلام- من القلائل دي ربنا بعث رسل بإستمرار ، (فجاءوهم بالبينات) زي نوح برضو جاءوهم بالبينات ، كل نبي بيعمل كده بيأتي بالصدق و اليقين ، (فما كانوا

ليؤمنوا بما كذبوا به من قبل) دائماً كده سُنّة رجعت تاني ، بخل الناس و الأنانية رجعت تاني صدت الناس عن الإيمان و الخضوع للنبي و الإعراف بمقامه النبوي ، (فما كانوا ليؤمنوا بما كذبوا به من قبل) اللي عملوه أسلافهم عملوه هم تاني ، (كذلك نطبع على قلوب المعتدين) أي واحد يعتدي على النبي و يحسده و يغار منه و يكذبه و يستكثر عليه المقام اللي ربنا إداهوله نتيجة صفاء قلبه ، أي واحد يعتدي على النبي خلاص ربنا يبطع على قلبه و يهلكه في الدنيا قبل الآخرة .

ربنا بعد كده بيدخلنا في قصة تانية :

{ثُمَّ بَعَثْنَا مِنْ بَعْدِهِمْ مُوسَى وَهَارُونَ إِلَى فِرْعَوْنَ وَمَلَأْنَاهُ بِآيَاتِنَا فَاسْتَكْبَرُوا وَكَانُوا قَوْمًا مُّجْرِمِينَ} :

(بآياتنا) آيات كثيرة و اللي هي إيه؟؟ التسع آيات .

{فَلَمَّا جَاءَهُمُ الْحَقُّ مِنْ عِنْدِنَا قَالُوا إِنَّ هَذَا لَسِحْرٌ مُّبِينٌ} :

لما شافوا الآيات اللي ربنا بعثها مع موسى قالوا (إن هذا لسحر مبين) سحر عظيم يعني ، كذب عظيم يعني .

{قَالَ مُوسَى أَتَقُولُونَ لِلْحَقِّ لَمَّا جَاءَكُمْ أَسِحْرٌ هَذَا وَلَا يُفْلِحُ السَّاحِرُونَ} :

الساحر لا يُفلح مع آيات الله عز و جل ، و النبي أتى بالحق و لم يأتي بالسحر ، ربنا قال لموسى بأن يسألهم سؤال استنكاري (قال موسى أتقولون للحق لما جاءكم أسحر هذا و لا يفلح الساحرون)!!!

و ردوا على موسى و قالوا له إيه بقى؟؟ ملاً فرعون و اللي هم البرتية
اللي حول فرعون ، الحاشية الفاسدة :

{قَالُوا أَجِئْتَنَا لِنَلْفِتَنَّا عَمَّا وَجَدْنَا عَلَيْهِ آبَاءَنَا وَتَكُونَ لَكُمَا الْكِبْرِيَاءُ فِي
الْأَرْضِ وَمَا نَحْنُ لَكُمَا بِمُؤْمِنِينَ} :

يعني إنت عاوز تصدنا عن ما وجدنا عليه آبائنا و توارثناه كابر عن
كابر؟؟؟؟ و إيه تاني (و تكون لكما الكبرياء في الأرض) لو إحنا سمعنا
كلامكم الشعب كله هيسمع كلامكم و لن يبقى لنا سلطان ، إنتو عاوزين
تورثونا بالحيا و لا إيه؟؟؟؟ شاييف تفكير الكفار دائماً في الدنيا و متاع
الدنيا ، (و ما نحن لكما بمؤمنين) مش هنؤمن لكم عشان لا يكون لكم
كبرياء في الأرض و سلطان علينا و كمان إحنا مش عاوزين نتزحزح
عن آثار آبائنا و تاريخنا ، فالحاجتين دول بيصدو دائماً الأقوام عن
الرضوخ و الإذعان لنبي الزمان ، اللي هو إيه؟؟ إستكثر عليك المقام ،
حسد ، اللي هو الذنب الأول هو ذنب إبليس الأول ، الكبر ، بأنه
إستكثر على آدم بأن ربنا اصطفاه ، متكبر فهو ده الكبر ، لذلك الواحد
دايماً يكسر نفسه ، دايماً يزكي نفسه ، عمر بن الخطاب -رضي الله
عنه- لما أصبح خليفة ، حس كده بأن المنصب بدأ يدخل في قلبه شيء
من العجب أو كذا ، كان يروح بيعمل إيه؟؟ كان كل يوم يروح البيت
عنده و يقوم جايب خيشة و يمسح الأرض ، يمسح الأرض ، عشان
يكسر نفسه ، يكسر نفسه ، يخلي نفسه تتواضع ، فلما هو يكسر نفسه
كده بعمل مادي هينطبع بصورة روحية في نفسه ، لأن إحنا عارفين
بأن التمثلات المادية تقابلها تمثلات روحية تدل عليها ، دايماً كده ،
ليه؟ لأنهم أصحاب النبي ، أصحابه الخُص ، و مش كله طبعاً أصحاب
النبي كانوا مخلصين ، في كثير منهم كانوا منافقين و في منهم من كان
مخلص و بعد كده نافق و العياذ بالله ، و لكن في أصحاب كده لا غبار
عليه زي عمر و أبو بكر و علي و عثمان ، صح كده؟؟ ، فهو لاء
خلاص فاهمين ، عارف لو الدنيا دخلت قلبك ، لو العجب دخل قلبك
عياذاً بالله هيضيعك هيكسرك ، صح؟ فهو بيكسر نفسه بقى بالعمل و
التواضع و خدمة الناس .

و أنهى الجلسة بأن طلب قمر الأنبياء يوسف الثاني عليه السلام من مروان و ربيعة و أرسلان و أحمد بإستخراج أمثلة على أحكام طلبها منهم من هذا الوجه :

طلب من مروان مثال على مد عارض للسكون ، فقال :
{وَلَا تَنْظِرُونَ} ، {الْمُسْلِمِينَ} ، {بِمُؤْمِنِينَ} .



و طلب من ربيعة مثال على مد متصل واجب ، فقالت :
{فَجَاؤُوهُمْ} .

و طلب من أرسلان مثال على مد طبيعي ، فقال :
{الَّذِينَ} ، {كَذَّبُوا} .

و طلب من أحمد مثال على مد صلة صغرى ، فقال :
{وَمَلَأَهُ بِآيَاتِنَا} اللي هي واو صغيرة أو ياء صغيرة بين كلمتين تمد بمقدار حركتين .

و اختتم نبي الله الجلسة المباركة بقوله المبارك :

هذا و صلّ اللهم و سلم على نبينا محمد و على آله و صحبه و سلم تسليماً كثيراً ، سبحانك اللهم و بحمدك ، أشهد أن لا إله إلا أنت ، أستغفرك و أتوب إليك .

و الحمد لله رب العالمين . و صلّ يا ربي و سلم على أنبياءك الكرام
محمد و أحمد و يوسف بن المسيح صلوات تلو صلوات طيبات
مباركات ، و على أنبياء عهد محمد الآتين في مستقبل قرون السنين
أجمعين . آمين .  

درس القرآن و تفسير الوجه الحادي عشر من سورة يونس.

أسماء إبراهيم :

شرح لنا سيدي و حبيبي يوسف بن المسيح ﷺ أثناء جلسة التلاوة المباركة من أحكام التلاوة ؛ من أحكام المد ، ثم قام بقراءة الوجه الحادي عشر من أوجه سورة يونس و أجاب على أسئلتنا بهذا الوجه ثم صحح لنا تلاوتنا ، و أنهى الجلسة بأن طلب نبي الله الحبيب منا إستخراج الأحكام من الوجه .

بدأ نبي الله جلسة التلاوة المباركة بقوله :

الحمد لله ، الحمد لله وحده ، الحمد لله وحده و الصلاة و السلام على محمد و من تبعه من أنبياء عهده و بعد ، لدينا اليوم الوجه الحادي عشر من أوجه سورة يونس ، و نبدأ بأحكام التلاوة و أحمد :

المدود الخاصة و تمد بمقدار حركتين ، و هي :

- مد لين مثل بيت ، خوف .
- مد عوض مثل أبدا ، أحدا
- مد بدل مثل آدم ، آزر .
- مد الفرق مثل الله ، الذكرين .

و بعد أحمد قال الأحكام مروان ثم رفيدة ثم أرسلان .

○ و ثم طلب سيدي يوسف بن المسيح ﷺ من أحمد قراءة سورة الزلزلة ، و صحح له قراءته .

و ثم تابع نبي الله يوسف الثاني ﷺ الجلسة بشرح الوجه لنا فقال :

هنا سبحانه و تعالى في هذا الوجه يُكمل قصة موسى و فرعون :

{وَقَالَ فِرْعَوْنُ ائْتُونِي بِكُلِّ سَاحِرٍ عَلِيمٍ} :

لما فرعون اللي هو ملك مصر وقتها ، هذا المجرم رأى ثبات موسى و قوة بينات موسى و وثوق موسى من ربه و وحي الله له ، أحب يعمل نمرة على موسى ، يعني إيه؟؟ يكتف موسى ، بإيه؟؟ بالسحرة اللي كانوا منتشرين في مصر وقتها ، (و قال فرعون ائتوني بكل ساحر عليم) قال للملأ ، للهاشية ، للبرتيتة بتاعته ، الهاشية الفاسدة (ائتوني بكل ساحر عليم) و جمع السحرة من محافظات مصر كلها و من أقاليم مصر كلها و اللي هم بعد كده آمنوا .

{فَلَمَّا جَاءَ السَّحَرَةُ قَالَ لَهُم مُّوسَى أَلْقُوا مَا أَنْتُمْ مُّلقُونَ} :

هنا كده دائماً النبي بيحب خصمه يبين الحجج بتاعته الأول ، ليه؟؟ لأن النبي بينزل بعد كده بالأدلة الدامغة التي تدمغ الباطل و تجعل الباطل يزهدق ، يبقى النبي دائماً بيحب يخلي الكرت بتاعه مستخبي لغاية ما الكافر يطلع الكرت بتاعه و الحجج بتاعته و الترهات بتاعته و بعد كده النبي يقوم نازل بالدليل و البينات فيقع الحق على الباطل فيدمغه فإذا هو زاهق .

{فَلَمَّا أَلْقَوْا قَالَ مُوسَى مَا جِئْتُمْ بِهِ السِّحْرُ إِنَّ اللَّهَ سَائِطِلُهُ إِنَّ اللَّهَ لَا يُصْلِحُ عَمَلَ الْمُفْسِدِينَ} :

(إن الله سيبيطله) وثوق من الله عز و جل ، و السحر في اللغة هو الكذب الشديد و التخيل على الناس و خداع الناس خداعاً شديداً و ده من معاني السحر طبعاً ، (إن الله لا يصلح عمل المفسدين) أي واحد يريد أن يفسد في الأرض ، ربنا سبحانه و تعالى لا يصلح عمله و لا يبارك في عمله ، لا يصلح عمله و لا يبارك فيه ، ليه؟ لأنه يطمس على هذا العمل ، رينا قال أهو {رَبَّنَا اطْمِسْ عَلَيَّ أَمْوَالِهِمْ} يعني ينزع البركة من أموالهم فتلاقيهم إيه الأموال دي بتتصرف في ترهات زي موكب الموميوات و كلام فاضي ، بيشدوا الناس للوثنية و لبعد عن الله عز و جل و عن عقيدة الولاء و البراء ، صح كده؟ فتلاقيها ترهات و الناس المخفات اللي هم تم استخفافهم و الإستخفاف بيهم ، كان دايم كده في السعدية و أنا صغير ، يقولك إيه الواحد يشتم الثاني يقوله : إنت مخفة ، إنت يا المخفة ، المخفة يعني تم الإستخفاف بيه ، فمين كان مخفات؟؟ الشعب المصري زمان أيام فرعون موسى و بصراحة ما زالوا مخفات حتى الآن ، أي فرعون يأتي بيستخفهم ، يسلب أموالهم ، يسلب كرامتهم ، يظلمهم كأنهم مجموعة من القطيع يفعل فيهم ما يشاء ، بحجج واهية و ميين بيساعده في الحجج دي؟؟ السحرة ، السحرة زمان اللي هم معروفين اللي موسى انتصر عليهم ، ميين السحرة دلوقتي؟؟ الإعلام المنافق ، المنافقين و إنتو عارفين ميين هم ، المهم فيعمل موكب لميين؟ للأنجاس هؤلاء ، الكفرة هؤلاء و الناس تنبسط و تقولك إيه : إحنا فراعنة و إحنا مصر القديمة و إحنا معارفش إيه و بتتجان ، واخد بالك إزاي ، و في نفس الوقت كان ممكن الأموال دي تصرف لمصلحة الشعب ، الأموال دي كانت ممكن تطعم الشعب كله ضد كورونا ، ليه تصرف الأموال في ترهات ما انزل الله بها من سلطان؟؟!!! و العجيب في ناس أغبية بيصدقوا الكلام ده ، بعد ما شافوا العرض بقى بتاع موكب الموميوات الباذنجاني ده بتلاقي الأغبية كل واحد حاطط على البروفایل بتاعه في الفيسبوك صورته و حواليه برواز كده كاتب إيه Proud to be pharoah (براود تو بي فرعون) ، طيب ماشي ربنا يحشرك مع فرعون بتاعك ده و مع الوثنيين هؤلاء ، يا شوية أغبية مخفات ، إستخف قومه فأطاعوه ، يعني إيه Proud to be pharoah (براود تو بي فرعون) إنت فخور في إنك فرعون يعني؟؟؟ إنك تبع الفراعنة يعني؟؟ خلاص ربنا يحشرك معاهم ، فربنا ساعتها هيوردك أشد العذاب (أوردوا آل فرعون أشد العذاب) ، إنت عاوز تبقى مع أشد العذاب يا مجرم؟؟؟ خليك كده عندك

وعى ، يبقى عندك وعى صحيح ، إزاي؟؟ إنك تقرأ القرآن ، بسيط خالص ، يا شيخ أقرأ القرآن بس كده يبقى عندي وعى؟؟؟!! آه إقرأ القرآن و تدبره ، إقرأ القرآن و تدبره ، و إسأل الله الواحد فيصح وعيك ، يصح وعيك و يستقيم وعيك و يبقى عندك فهم صحيح ، فهم فطري ، الفهم الذي أراده الله للبشر ، تمام كده . ما هو العذاب اللي نازل على العالم ده بإيه؟؟ من أفعال الناس و من صفات الناس ، الناس منافقة و فيها ذنوب ، يتعدوا عن التوحيد و منتظرين إيه؟؟ منتظرين بأن ربنا يصلح أعمالهم؟؟!! أو لا يطمس على أموالهم؟؟!! لا ، ربنا لن يبارك أعمالهم و سيطمس على أموالهم طول ما هم بعباد عن الله عز و جل و عن التوحيد و عن رسول الله ﷺ ، صح كده؟؟ لأننا خدامين عنده ، المسيح الموعود غلام أحمد ﷺ و يوسف بن المسيح خدامين عند سيدنا محمد ﷺ بنبيين دعوته للناس و بنخلي الناس ترجع تاني يثقوا بالإسلام و يثقوا في الرسول و يعتزوا بدين الله و الرسول ، بنرجلهم اليقين تاني بدل ما يروحوا يمشوا ورا موكب الموميوات ، و كل واحد يقولك Proud to be pharoah (براود تو بي فرعون) الله يحرقكم!! مجرمين!!! إيه القرف ده؟؟!! الفلوس دي كانت تطعم الشعب كله ضد كورونا!!!! شفتم بقى إنه شعب مخفات؟؟؟ إستخف قومه فأطاعوه .

{وَيُحِقُّ اللَّهُ الْحَقَّ بِكَلِمَاتِهِ وَلَوْ كَرِهَ الْمُجْرِمُونَ} :

ربنا سبحانه و تعالى يحق الحق بكلماته من خلال بعث الأنبياء ، بتلاقي النبي بيتكلم بكل قوة و بكل تبين و بكل ثقة لأنه عنده يقين ، إيه؟؟؟ لأنه خاض التجربة ، خاض التجربة ، تجربة الوحي ، خُصَّ فَخْلُص ، هو نفسه خُصَّ النبي و خاض التجربة و فهمها و اختبر الوحي و اختبر وصال الله عز و جل و عرفه و درسه كويس فيدرسه للناس و يفهمه للناس ، فمابيتكلمش إلا بالحق ، (و يحق الله الحق بكلماته) اللي بيعتها مع الأنبياء ، (و لو كره المجرمين) كلامي طبعاً مش هيعجب المجرمين فهيكروا كلامي .

{فَمَا آمَنَ لِمُوسَى إِلَّا ذُرِّيَّةٌ مِّن قَوْمِهِ عَلَى خَوْفٍ مِّن فِرْعَوْنَ وَمَلَئِهِمْ أَن يَفْتِنَهُمْ وَإِنَّ فِرْعَوْنَ لَعَالٍ فِي الْأَرْضِ وَإِنَّهُ لَمِنَ الْمُسْرِفِينَ} :

الكلام ده مابيتكلمش عن بني إسرائيل ، بيتكلم عن مصريين كانوا في مصر القديمة سمعوا عن دعوة موسى و آمنوا بيه لكنهم كانوا شباب قليل ، زي مين؟؟ امرأة فرعون آسيا -عليها السلام- ، ماشطة بنت فرعون ، مؤمن آل فرعون ، و خازن دار فرعون ، و أمثلة أخرى لكنهم كانوا قلائل آمنوا لموسى و لكن على خوف ، خايفين بأن يفتك فرعون بيهم ، إيه القرينة اللي خلتنا نقول كده؟؟؟؟ في قرينة هنا ، بص ، خلي بالك : (فما آمن لموسى إلا ذرية من قومه) من قوم فرعون يعني ، (على خوف من فرعون و ملئهم) ملئهم هم ملأ فرعون ، و المصريين ينسبوا لمين؟؟ ساعتها لفرعون و الملأ ده ، يبقى ملأ المصريين هؤلاء اللي هم الحاشية ، ملأ مين؟ الذرية ، (ملئهم) الضمير (هم) عائد على الذرية اللي هم شوية مصريين شباب صغنين زي أهل الكهف كده آمنوا بموسى و لكن على خوف ، كان ساعتها الإيمان بموسى -عليه السلام- في مصر كان شبه إيمان أهل الكهف ، (و إن فرعون لعال في الأرض) مجرم معتدي ، (و إنه لمن المسرفين) بيسرف ، و بيسرف الأموال في الكلام الفاضي مش مصلحة الشعب .

{وَقَالَ مُوسَى يَا قَوْمِ إِنْ كُنْتُمْ آمَنْتُمْ بِاللَّهِ فَعَلَيْهِ تَوَكَّلُوا إِنْ كُنْتُمْ مُسْلِمِينَ} :

قال موسى للقوم بقى كلهم اللي مؤمنين بيه (إن كنتم آمنتم بالله فعليه توكلوا إن كنتم مسلمين) اللي هم بني إسرائيل و المؤمنين المصريين ، يعني لو كنتم اختبرتم حقيقة الإيمان فعلاً و حسيتم بلذة الإيمان فعلاً (فعليه توكلوا) توكلوا على الله ، حسبي الله و نعم الوكيل (إن كنتم مسلمين) يعني إن كنتم مستسلمين لله عز و جل بالطاعة و خالصين مبتعدين متبرئين من الشرك ، هو ده الإسلام .

{فَقَالُوا عَلَى اللَّهِ تَوَكَّلْنَا رَبَّنَا لَا تَجْعَلْنَا فِتْنَةً لِّلْقَوْمِ الظَّالِمِينَ} :

سمعوا كلام النبي لأنهم كانوا في وقت إضطرار و خوف ، دائماً كده وقت الإضطرار و الخوف تلاقي الناس بتسمع النبي ، الأتباع يعني تلاقيهم في إنقياد تام ، (ربنا لا تجعلنا فتنة للقوم الظالمين) يعني ربي ماتمكنش الفراعنة أو المجرمين هؤلاء ، ماتمكنهمش مّا فيهمزونا و نبقى إحنا فتنة ليهم و لغيرنا ، فيقولوا : أهو انتصروا على بني إسرائيل ، أهو انتصروا على أتباع موسى فخلاص يبقى أكيد فرعون و ملئه هم الصّح ، و دي هتبقى فتنة عظيمة ، صح كده؟؟ فتنة عظيمة ، و إنتصار الظالمين في العصر الحديث على أصحاب الدين أو الذين يريدون الله عز و جل ما هو إلا بذنوب هؤلاء ، بذنوب الذين يريدون دين الله أو الجماعات الإسلامية دي ، عندهم ذنب عظيم جداً مخلي الظلمة يتسلطوا عليهم ، إيه هو الذنب ده؟؟ الكفر بالمسيح الموعود ﷺ ، كفروا بالمسيح الموعود ﷺ و اعتدوا عليه و آذوه و آذوا أتباعه و شتموهم و كفروهم ، هذا ذنب عظيم لا يغفره الله عز و جل ، فبشؤم هذا الذنب و بنحس هذا الذنب سَاطَ الله الظالمين عليهم ، نحن لا نحب الظالمين و لا نؤيدهم و لكن نشرح المسألة و نقول لهم : عودوا إلى الله عز و جل أيتها الجماعات الإسلامية ، عودوا إلى الله و آمنوا بسلام أحمد ﷺ المسيح الموعود ، ليه؟؟؟؟ لأن الراجل ده لو ما آمنتوش بيه هتفضلوا في العبودية دي ، في إستعباد ، هتفضلوا في الحلقة المفرغة دي ، ليه؟؟؟؟ لأن ربنا مسلط الظالمين عليكم بذنوبكم العظيم ، إنتو معرفتوش بأن السلطنة العثمانية إتهدت هد عظيم سنة ١٩٠٨؟؟؟! مع بداية خلافة المسيح الموعود ﷺ؟؟؟ فما رضي الله أن تبقى خلافتان ، فالخلافة الروحية خلافة المسيح الموعود ﷺ هي كانت سبب إنهداد خلافة المسلمين السلطنة العثمانية ، آآه هو ده التشخيص الصحيح للمرض عشان نعرف نعالج ، نعرف نرجع تاني لربنا ، مين بيقول بقى الكتالوج ده؟؟؟؟ أنا ، يوسف بن المسيح ، لأنني ابن المسيح الموعود ﷺ و وظيفتي و خدمتي للناس إنني أنا أقول لهم الكلام ده حتى و لو معجبهمش ، أديني بلغت ، يلا براحتكم شوفوا هتعملوا إيه ، و أقسم بالله أن عيسى بن مريم الذي أخبر عنه الرسول ﷺ هو غلام أحمد القادياني ﷺ هو الراجل ده اللي جاي يصلح ما فسد في دين المسلمين ، ما أفسده المشايخ في دين الإسلام ، و لو ماسمعتوش كلامه هتفضلوا تحت سلطة الظالمين ، براحتكم براحتكم ، و الظالمين دول مين؟؟؟ دول عبيد عند الدجال ، يعني يا ريتهم الدجال نفسه ، لا ، دول شوية عملاء للدجال ، للمسيح الدجال ، فشفتوا إنتو أد إيه كرامتكم إتبعترت

نتيجة كفركم بالمسيح الموعود ﷺ!!!!!! و مين اللي خلاكم تكفروا بيه و تبعدوا عنه؟؟؟ المشايخ الأنجاس ، عشان كده لازم تعرفوا بأن المشايخ المجرمين اللي بياكلوا بدين ربنا و بيتاجروا بدين ربنا هم أخطر الأعداء على الإسلام لذلك أنا بكرهم كره عظيم لأنهم أبعدوا الأمة عن مسيحها و عن خلاصها و أبعدوهم عن روح الله .

{وَنَجِّنَا بِرَحْمَتِكَ مِنَ الْقَوْمِ الْكَافِرِينَ} :

دعاء من المستضعفين ، و لكن إيه ، مستضعفين مؤمنين يستحقوا الرحمة و يستحقوا النصر ، مش مستضعفين منافقين ، مش مستضعفين معتدين ، مش مستضعفين كافرين بالمسيح الموعود ﷺ ، إعرفوا شروط النصر و حققوها ، ربنا هينصركم لأنه هو الوحيد اللي بينصر ، مين اللي بينصر؟؟؟ الله ، مفيش غيره ، مفيش غيره ، حد كان يتوقع هلاك حسني مبارك و جماعته و أمن الدولة ساعتها في ٢٠١١؟؟؟؟ محدش كان يتوقع ذلك ، مين اللي نصر؟؟؟ ربنا ، بسبب إيه؟؟؟ دعوة مظلوم ، بس خلاص ، هي كده ، عاوزين تنتصروا و تعودوا لعزة الإسلام أصلحوا ما بينكم و بين الله ، إزاي تصلحوا ما بينكم و بين الله؟؟؟؟ تبايعوا الإمام المهدي ميرزا غلام أحمد القادياني ﷺ بكل صراحة و ابعدوا عن أي كذب و أي تدليس من المشايخ المجرمين .

{وَأَوْحَيْنَا إِلَىٰ مُوسَىٰ وَأَخِيهِ أَنْ تَبَوَّءَا لِقَوْمِكُمَا بِمِصْرَ بُيُوتًا وَاجْعَلُوا بُيُوتَكُمْ قِبْلَةً وَأَقِيمُوا الصَّلَاةَ وَبَشِّرِ الْمُؤْمِنِينَ} :

يعني بعثنا وحي في الرؤيا و المكالمة لموسى و هارون ، انشروا دعوة التوحيد ما بين المصريين ، اجمعوا عدد من المصريين حوالكم و انشروا دعوة التوحيد ما بينهم ، و فعلاً بس كانوا قلائل ، و بعدين (و اجعلوا بيوتكم) اللي هي بيوت بني إسرائيل (قِبْلَةً) يعني خليهم ييجوا يسمعوا عندكم الكلام و خلي بيوت بني إسرائيل في تجمع مع بعض يعني تجمعوا مع بعض في مكان ، ماتتفرقوش ، (قِبْلَةً) يعني يُقابل

بعضها بعضاً ، فالبيوت هتبقى مقابلة لبعضها البعض ، و كذلك (قبلة) يعني المصريين ييجوا يتعلموا من الموحدين بني إسرائيل وقتها يعني ، و كذلك (قبلة) صلوا في بيوتكم و ماتصلوش في جماعات كبيرة ، مساجد كبيرة ، ليه؟؟؟ لأنكم وقتها أهل الكهف ، حافظوا على إيمانكم لأن المجرم فرعون و ملئه و السحرة لكم بالمرصاد ، (و اجعلوا بيوتكم قبلة) يعني صلوا في بيوتكم ، (قبلة) يعني بيوتكم تبقى مقابلة بعضها لبعض يعني متجمعين في منطقة واحدة يعني عشان تساعدوا بعض ، (قبلة) يعني المصريين الموحدين ييجوا يتعلموا منكم في بيوتكم ، لأن ربنا أوحى لموسى و هارون (أن تبوءا لقومكما بمصر بيوتاً) يعني حاولوا تنشروا دعوة التوحيد في البيوت المصرية ، (و أقيموا الصلاة) أقيموا الصلاة بينكم و بين الله عز و جل ، (و بشر المؤمنين) بشر المؤمنين بأنه فيه نصر جاي ، فيه نصر سيأتي و قد أتى ، و فعلاً حصل ، حصلهم النصر لأنهم كانوا في قمة الإستضعاف و في قمة الإستسلام لله و محققين شرط النصر اللي هو إيه؟؟ الخلوص لله بالطاعة ، الإستسلام لله و الخلوص من الشرك .

{وَقَالَ مُوسَى رَبَّنَا إِنَّكَ آتَيْتَ فِرْعَوْنَ وَمَلَأَهُ زِينَةً وَأَمْوَالاً فِي الْحَيَاةِ الدُّنْيَا رَبَّنَا لِيُضِلُّوْا عَنْ سَبِيلِكَ رَبَّنَا اطْمِسْ عَلَى أَمْوَالِهِمْ وَاشْدُدْ عَلَى قُلُوبِهِمْ فَلَا يُؤْمِنُوا حَتَّى يَرَوْا الْعَذَابَ الْأَلِيمَ} :

يعني عندهم قوة و أموال و جيش و دولة ، مخيفين بقى هاه؟؟ (ربنا ليضلوا عن سبيلك) كل ده بيستخدموه ليضلوا الناس و يرهبوا الناس و بيستخفوا الناس بيجعلوهم مخفات ، يعملوا الموكب بتاع الموميوات و بيقولك يا سلام Proud to be pharoah (براود تو بي فرعون) ربنا يحشرك معاه!!!

(ربنا اطمس على أموالهم) يعني ربنا انزع البركة من أموالهم و اجعلهم يصرفوها في لا فائدة كما يفعلون دائماً ، (و اشدد على قلوبهم فلا يؤمنوا) شوف الدعوة دي ، خطيرة جداً ، يعني ماتجعلهمش يؤمنوا ، خلاص وصل لمرحلة بعد ما دعاهم و شاف الغلظة فيهم و الإستكبار ، قام بالدعوة عليهم بأن لا يؤمنوا لأنه هو عارف قيمة الإيمان ، النبي عارف قيمة الإيمان ، (حتى يروا العذاب الأليم) يااااه للدرجادي!!!!

النبي الصافي اللي بيحب الناس يخشوا الجنة ، يخشوا (يدخلوا) جنة ربنا و يشعروا بالوصال معاه ، وصل لدرجة ((في الآخر بقى طبعاً يعني)) إنه بيقول يا رب خلاص يا رب ما يؤمنوا عشان ما يشوفوش اللذة اللي إحنا فيها و لا يتتعموا في الجنة ، لا في الدنيا و لا الآخرة ، دعوة عظيمة جداً و خطيرة جداً ، نفس دعوة نوح -عليه السلام- لما دعى على قومه بعد أن لم يستجيبوا له حقبة من الزمن ، دعى عليهم بالهلاك التام . (رب لا تذر على الأرض من الكافرين ديارا)

○ و في نهاية الشرح سأل أحمد عن معنى الزينة ، فقال نبي الله الحبيب ﷺ :

زينة يعني أموال و دنيا و مصانع ، يعني قوة عظيمة ، و لكن زينة ، هم يستخدموا هذه الأموال في غضب الله عز و جل ، في معصية الله عز و جل .

و أنهى الجلسة بأن طلب قمر الأنبياء يوسف الثاني ﷺ من مروان و رفيدة و أرسلان بإستخراج أمثلة على أحكام طلبها منهم من هذا الوجه :



طلب من مروان مثال على مد لين ، فقال :
{خَوْفٍ} لو وقفت على خوف .

و طلب من رفيدة مثال على مد عوض ، فقالت :
{بُيُوتًا} .

و طلب من أرسلان مثال على مد بدل ، فقال :
لم يجد ، لكن بعد الجلسة قالت رفيدة يوجد مثال و هو {آمَنَ} .

و اختتم نبي الله الجلسة المباركة بقوله المبارك :

هذا و صلّ اللهم و سلم على نبينا محمد و على آله و صحبه و سلم
تسليماً كثيراً ، سبحانك اللهم و بحمدك ، أشهد أن لا إله إلا أنت ،
أستغفرك و أتوب إليك .

و الحمد لله رب العالمين . و صلّ يا ربي و سلم على أنبياءك الكرام
محمد و أحمد و يوسف بن المسيح صلوات تلو صلوات طيبات
مباركات ، و على أنبياء عهد محمد الآتين في مستقبل قرون السنين
أجمعين . آمين .  

درس القرآن وتفسير الوجه الأخير من سورة يونس.

أسماء إبراهيم :

شرح لنا سيدي و حبيبي يوسف بن المسيح ﷺ أثناء جلسة التلاوة المباركة من أحكام التلاوة ؛ من أحكام النون الساكنة و التنوين , ثم قام بقراءة الوجه الأخير من سورة يونس و هو الوجه الثالث عشر ، و أجاب على أسئلتنا بهذا الوجه ثم صحح لنا تلاوتنا ، و أنهى الجلسة بأن طلب نبي الله الحبيب منا إستخراج الأحكام من الوجه .

بدأ نبي الله جلسة التلاوة المباركة بقوله :

الحمد لله ، الحمد لله وحده ، الحمد لله وحده و الصلاة و السلام على محمد و من تبعه من أنبياء عهده و بعد ، لدينا اليوم الوجه الأخير من أوجه سورة يونس و هو الوجه الثالث عشر ، و نبدأ بأحكام التلاوة و أحمد :

الإظهار : أي أنه إذا أتى بعد النون الساكنة أو التنوين الحروف من أوائل الكلمات (إن غاب عني حبيبي همّني خبره) , و حروف الإظهار تجعل النون الساكنة أو التنوين تُظهر كما هي .

الإقلاب : إذا أتى بعد النون الساكنة أو التنوين حرف الباء يُقلب التنوين أو النون ميماً . ثم يكون إخفاء شفويا . مثال : من بعد .

و بعد أحمد قال الأحكام مروان ثم رفيده ثم أرسلان .

○ و ثم طلب سيدي يوسف بن المسيح ﷺ من أحمد قراءة سورة الضحى ، و صحح له قراءته .

و ثم تابع نبي الله يوسف الثاني ﷺ الجلسة بشرح الوجه لنا فقال :

ربنا سبحانه و تعالى في بداية هذا الوجه يقول :

{وَلَوْ شَاءَ رَبُّكَ لَأَمَنَّ مِنَ فِي الْأَرْضِ كُلَّهُمْ جَمِيعًا أَفَأَنْتَ تُكْرَهُ النَّاسَ حَتَّى يَكُونُوا مُؤْمِنِينَ} :

(و لو شاء ربك لأمن من في الأرض كلهم جميعاً) البداية دي جملة عزاء للأنبياء و تسلية و تصبير لهم لكي لا يجزعوا ، و لكي يزيد صبرهم على أقوامهم ، (أفأنت تكره الناس حتى يكونوا مؤمنين) يبقى الآية دي بتفهمنا إن مفيش إكراه في الدين ، كل واحد مُخَيَّر إختيار تام ، كل إنسان و مكلف مُخير إختيار تام ، لأن الإنسان مُخَيَّر و بإختياره يكون فيما يليه مُسَيَّر ، (و لو شاء ربك لأمن من في الأرض كلهم جميعاً) يعني ليسيرهم إلى الخير و الهداية كالملائكة ، (أفأنت تكره الناس حتى يكونوا مؤمنين) لا إنت يا دوبك بتبلغ و تُنذر بس ، تأتي بالبشرى و الإنذار ، و الناس دي تختار براحتهم ، عاوزين يتبعوك ماشي ، مش عاوزين يتبعوك خلاص .

{وَمَا كَانَ لِنَفْسٍ أَنْ تُؤْمِنَ إِلَّا بِإِذْنِ اللَّهِ وَيَجْعَلُ الرَّجْسَ عَلَى الَّذِينَ لَا يَعْقِلُونَ} :

(و ما كان لنفس أن تؤمن إلا بإذن الله) لما ربنا يرى فيها خير و تزكية هيسرلها الهداية ، لأنها ساعتها هتكون اختارت الخير ، فربنا هيسرها و يسيرها في الهداية و الخير ، يبقى ربنا بيقول (و ما كان لنفس أن

تؤمن إلا بإذن الله) يعني لما تحقق شروط التسيير في الخير ، إيه هي الشروط؟ إن الإنسان يختار من الأول الهداية و الخير ، فإذا الإنسان إختار قربنا يأذن في تسييره في طريق الهداية ، خلي بالك ، عشان تبقى فاهم كويس ، ميحصلش لبس في المسألة ، طول ما هو ربنا بقى اللي بيهدي ، أنا مش هعمل حاجة ، لا غلط ، لازم تفهم الآيات مُجملة ، لأن القرآن يفسر بعضه بعضاً ، (و ما كان لنفس أن تؤمن إلا بإذن الله) يعني لما تتحقق فيك شروط الهداية و إنت تختار طريق الهداية ، و ربنا يرى فيك خيراً ، و تُري الله من نفسك خيراً ، ساعتها ربنا يأذن ليك بالتسيير ، يُسيرك في طريق الهداية ، لأن إنت إيه؟ إبتديت بالتخير ، إبتديت بإنك اخترت الطريق ، (و يجعل الرجس على الذين لا يعقلون) الذي لا يعقل كالبهيمة أو أقل من البهيمة ، و الذي لا يريد أن يتدبر في آيات الله و الأنبياء ، و لا يريد أن يستخير الله الواحد في الأنبياء فهو قد فقد العقل ، قربنا سبحانه و تعالى يجعل عليه الرجس و عذاب كالوقر في الأذن كده .

{قُلْ انظُرُوا مَاذَا فِي السَّمَاوَاتِ وَالْأَرْضِ وَمَا تُغْنِي الْآيَاتُ وَالنُّذُرُ عَنْ قَوْمٍ لَا يُؤْمِنُونَ} :

يعني تدبروا في ملكوت السماء و الأرض ، تدبروا في آيات الله في السماوات و الأرض ، أعملوا عقلكم يعني ، و بعد كده ربنا بيقول إيه (و ما تغني الآيات و النذر) كل الآيات و النذر اللي بتيجي مع الأنبياء ، هتُغني إيه و هتُغنيهم إيه و هتُفيدهم بإيه عن قوم لا يؤمنون ، هم مش عاوزين الإيمان أصلاً ، لم يختاروا طريق الإيمان ، (و ما تغني الآيات و النذر عن قوم لا يؤمنون) يعني واحد بيدرس طالب فاشل و بليد ، مهما درسه و مهما جابله كتب خارجية ، و هو الطالب مش عاوز يذاكر و مش عاوز يستفيد و مش عاوز يفهم ، هتُغني عنه الأموال دي و الدروس دي و المدرس الفهيم ده؟؟ مش هتُغني عنه و لا هينفعه ، مين اللي هينفعه؟؟ هو نفسه الإنسان ، يبدأ يختار الهداية ، يختار الإيمان ، يختار التزكية ، يختار الطيبة ، يختار الخير ، يختار الرضا ، فإن إختار ذلك ، نفعه المدرس و نفعته الآيات و نفعته النذر فيزيده إيماناً و يزيده خشوعاً .

{فَهَلْ يَنْتَظِرُونَ إِلَّا مِثْلَ أَيَّامِ الَّذِينَ خَلَوْا مِنْ قَبْلِهِمْ قُلْ فَاَنْتَظِرُوا إِنِّي مَعَكُمْ مِنَ الْمُنْتَظِرِينَ} :

هنا تهديد من الله عز و جل ، لو مهتدوتوش و متخذتوش الطريق المستقيم سبيلاً لكم (قل فانتظروا اني معكم من المنتظرين) ، يعني هم مخدوش العبرة من الأمم السابقة المكذبة للأنبياء و شافوا العذاب اللي نزل عليهم نتيجة كفرهم بالنبين و المبعوثين ، ربنا بيقول للنبي هددهم (قل فانتظروا اني معكم من المنتظرين) يعني تربصوا ، عقيدة التربص ، كل واحد يتربص بالتاني ، الزمن كفيـل ، ربنا كفيـل إنه هو يوري نهاية الظالمين هتبقى إزاي ، و ختام المحسنين هيبقى إزاي .

{ثُمَّ نُنَجِّي رُسُلَنَا وَالَّذِينَ آمَنُوا كَذَلِكَ حَقًّا عَلَيْنَا نُنَجِّ الْمُؤْمِنِينَ} :

هنا ربنا سبحانه و تعالى كفيـل و يتكفل بحفظ دعوة الأنبياء و دعوة المؤمنين بها ، ننجي دعوتهم و ننجي إيمانهم .

{قُلْ يَا أَيُّهَا النَّاسُ إِن كُنْتُمْ فِي شَكٍّ مِنْ دِينِي فَلَا أَعْبُدُ الَّذِينَ تَعْبُدُونَ مِنْ دُونِ اللَّهِ وَلَكِنْ أَعْبُدُ اللَّهَ الَّذِي يَتَوَفَّاكُمْ وَأُمِرْتُ أَنْ أَكُونَ مِنَ الْمُسْلِمِينَ} :

(قل يا أيها الناس إن كنتم في شك من ديني) لو إنتو عندكو شك في الدين اللي بيكلمكم عنه ، دين التوحيد ، (فلا أعبد الذين تعبدون من دون الله) دي زي تفصيل سورة الكافرون (قل يا أيها الكافرون لا أعبد ما تعبدون و لا أنتم عابدون ما أعبد) ، (فلا أعبد الذين تعبدون من دون الله) يعني أنا مش مشرك و لكن أعبد الله الذي يتوفاكم ، هنا فكرهم و وعظهم بأكبر واعظ ، اللي هو إيه؟؟ الموت ، الموت أكبر واعظ ، عيش يا إنسان مهما عشت ، إعمل مهما عملت ، أحسنت أم ظلمت ،

نهايتك إليه؟؟ الموت ، حد يعرف يفسر كلمة موت من أصوات الكلمات؟؟ يديني فلسفة للتفسير ده ، سهلة خالص؟ موت : ميم مفاعلة أو لذة و ألم ، الاتنين صح ، واو دوي دائري منتظم ، التاء قطع خفيف ،ليه؟ لأن بعد الموت هيكون في إليه؟ رجعة ، بعث ، هيكون قطع خفيف مش قطع غليظ ، يعني هو مش موت بدون رجعة ، لا ، موت بعديه رجعة ، لذلك كان القطع في الكلمة قطع خفيف ، موت ، موات ، والدوي الدائري المنتظم هو للذة و للألم و للمفاعلة التي سوف تقطع ، الحياة ما هي إلا لذة و ألم و مفاعلة بدوي دائري منتظم ، فيأتيها حدث الموت اللي هو قطع خفيف لأنه يكون بعده بعث و رجعة ، فلذلك سمي الموت موتاً في اللغة العربية ، ليبين هذا الأمر و يُعبر عن هذا الحدث ، كذلك الموت ده هو أكبر واعظ ، مش إحنا قلنا ، و يهمس بالوعظ في قلوب و أذان الخاشعين و المؤمنين ، كذلك لما إنت تسكت على حرف التاء تهمسها لأنها من حروف الهمس (حثة شخص فسكت) موت ، فلما تهمس بكلمة موت في أذن الخاشعين يخشعوا و يتعظ ، لأنه كفى بالموت واعظاً ، (فلا أعبد الذين تعبدون من دون الله و لكن أعبد الله الذي يتوافكم) هنا تبرأ من المشركين و ذكرهم بالموت و أن الله هو الذي يملك الموت و الحياة ، (و أمرت أن أكون من المؤمنين) أول واحد أمر بالإيمان مين؟ النبي ، و أول واحد آمن في القوم مين؟ النبي ، و أول واحد خاض تجربة الإيمان مين؟ النبي ، و أول واحد خلص مين؟ النبي ، فلذلك عندما يخوض تلك التجارب ليخلص لكي يُخلص ، عندما يتكلم ، يتكلم عن تجربة و بإحساس و بفهم و بخشوع و بيقين ، و لن يحدث ذلك للنبي إلا بعدما أن يمر بالتجربة و الإختبار ، صح كده؟ لأن النبي أول المؤمنين في قومه ، و أول المبطلين بالإيمان ، أول واحد يببتل في طريق الإيمان ، هل سيسلكه أم لا ، فإن سلكه و أتم ما أراد الله عز و جل ، تمم الله بعثه و هدى سلوكه و هدى دعوته .

دي نصائح بقى للنبي و كل نبي :

{وَأَنْ أَقِمَّ وَجْهَكَ لِلدِّينِ حَنِيفًا وَلَا تَكُونَنَّ مِنَ الْمُشْرِكِينَ} :

(للدين) الدين إيه؟ دينك دينك ، لحمك دمك ، أهم حاجة في حياة الإنسان إيه؟ الدين ، و هي العلاقة بين الإنسان و ربه ، هذه ما نسميه الدين ، و هي من الدين ، لأن هناك دين عليك الله عز و جل يجب أن تسدده ، (و أن أقم وجهك) يعني دائماً كده ركز و خلي عينيك متسلطة على طريق الدين و على الطريق المستقيم ، (حنيفاً) يعني مبتعداً و مائلاً عن طريق الشرك ، الحنف أو الحنيفة هي الميل عن طريق الشرك و الضلال ، (و لا تكونن من المشركين) ، هي حنيفاً يعني (و لا تكونن من المشركين) أي لا تشرك بالله عز و جل ، و هي الوصية الدائمة الأبدية من الله للأنبياء و من بعدهم للمؤمنين .

○ حنيفاً ، أصوات كلمات حنيف من خلال المعنى اللي قلته لكم عن كلمة حنيف ، أصوات الكلمة دي هي معبرة عن المعنى اللي قلته ، هو البعد و الإنحناء و الميل عن طريق الشرك ، إزاي بقى؟ حد يقدر يقول؟ حنيف : الفاء تَأْفُف اللي هو طريق الشرك و الذنب ، لأن المعصية و الذنب و الشرك كله تَأْفُف و ضيق ، الياء تموج ، النون نعمة ، الحاء راحة ، إذاً طريق التوحيد هو النعمة و الراحة ، بروحله يعني بتموجله بعيد عن التَأْفُف ، بعيد عن تَأْفُف المعصية و أوف المعصية و ضيق المعصية ، عرفتموا يعني إيه كلمة حنيف ، هو المعنى ، أهو خلي بالك .

{وَلَا تَدْعُ مِنْ دُونِ اللَّهِ مَا لَا يَنْفَعُكَ وَلَا يَضُرُّكَ فَإِنْ فَعَلْتَ فَإِنَّكَ إِذَا مِّنَ الظَّالِمِينَ} :

صيغة تانية للنهي عن الشرك ، صيغة تانية للنهي عن الشرك ، (و لا تدع من دون الله ما لا ينفعك و لا يضررك) لأن الدعاء هو مخ العبادة ، فلا تصرف دعاءك إلا لله ، فذلك المشركين من المتصوفة اللي هم بيدعو الأموات ، لا ، ننصحهم و نقول لهم إتقوا الله عز و جل ، فلا يجوز أن تدعو ميتاً ، لا يجوز أن تقول مثلاً مدد يا كذا أو أغثني يا كذا و هو ميت ، و لو كان حياً أيضاً ، فلا تتوجه بالدعاء إلا لله عز و جل ، من ممكن أن تقول : اللهم بحق فلان أغثني ، اللهم ببركة فلان أغثني ، حتى و لو كان ميتاً ، هذا جائز و هو ما تُسمى الوسيلة ، (ابتغوا إلى

ربكم الوسيلة) جائزة ، و لكن الإستغاثة المباشرة و الدعاء المباشر للميت أو للحي فهي لا تجوز ، و هي شرك لله عز و جل ، (فإن فعلت فإنك إذاً من الظالمين) لأن الشرك أعظم الظلم ، خلي بالكم ، هنا ربنا بينصح مين؟ بينصح النبي المقدس ، بينصح النبي اللي ربنا قدسه و طهره و طهر كلماته ، و وضع فمه على فمه ، و أصبح ما يخرج من فم النبي هو الذي يخرج من فم الله عز و جل ، في تمام العصمة و الكمال ، و مع ذلك ينصح الله عز و جل نصيحة تامة مستمرة ، (و لا تدع من دون الله ما لا ينفعك و لا يضرك فإن فعلت فإنك إذاً من الظالمين) و أخذنا في الوجه اللي فات إن هو إزاي كان ربنا سبحانه و تعالى بينصح موسى و هارون .

{وَإِنْ يَمْسَسْكَ اللَّهُ بِضُرٍّ فَلَا كَاشِفَ لَهُ إِلَّا هُوَ وَإِنْ يُرِدْكَ بِخَيْرٍ فَلَا رَادَّ لِفَضْلِهِ يُصِيبُ بِهِ مَنْ يَشَاءُ مِنْ عِبَادِهِ وَهُوَ الْغَفُورُ الرَّحِيمُ} :

(و إن يمسسك الله بضر فلا كاشف له إلا هو) يعني بيعزي النبي برضو و كل نبي ، يعني لو أصابك ضرر أو أذى أو بلاء ، فاعلم أن في باطنه الخير و الرحمة لدعوتك و للمؤمنين ، (و إن يردك بخير فلا راد لفضله) لو ربنا كاتبلك الخير ، و حاطلك الخير في أمر ما ، هيجيلك هيجيلك ، محدش هيقدر يرده عنك ، صح كده؟ ، (و إن يمسسك الله بضر فلا كاشف له إلا هو) النبي ﷺ أؤذي من كفار قريش و أؤذي في الطائف و أؤذي في شعب أبي طالب و أؤذي في غزوات الكفار ضده ، و صبر حتى تمت دعوته -عليه الصلاة و السلام- ، حتى تمت دعوته -عليه الصلاة و السلام- ، (و إن يردك بخير فلا راد لفضله) حط مد لازم كلمي مثقل هنا على كلمة (راد) ليه؟ عشان يلفت إنتباهنا ، إنه محدش يقدر في الكون ده كله يرد فضل ربنا على النبي أو المؤمنين ، (يصيب به من يشاء من عباده) ربنا بيعطي الفضل ده من يشاء من عباده ، (و هو الغفور الرحيم) .

(و إن يمسسك الله بضر فلا كاشف له إلا هو و إن يردك بخير فلا راد لفضله) و الضر و الفضل ده الإثنين ربنا يُصيب بيهم من يشاء ، لحكمة ما ، إحنا أهم حاجة عندنا إن إحنا نُسلم لله عز و جل ، نتوجه إليه بالدعاء ، و لا يرد القدر إلا الدعاء .

{قُلْ يَا أَيُّهَا النَّاسُ قَدْ جَاءَكُمْ الْحَقُّ مِنْ رَبِّكُمْ فَمَنِ اهْتَدَى فَإِنَّمَا يَهْتَدِي لِنَفْسِهِ وَمَنْ ضَلَّ فَإِنَّمَا يَضِلُّ عَلَيْهَا وَمَا أَنَا عَلَيْكُمْ بِوَكِيلٍ} :

(قل يا أيها الناس قد جاءكم الحق من ربكم) التوحيد هو الحق من ربكم ، الذي بعث على السنة الأنبياء ، (فمن اهتدى فإنما يهتدي لنفسه) أهو هنا ربنا بياكد تاني إن الإنسان مُخير و باختياره يكون فيما يليه مُسير ، (فمن اهتدى فإنما يهتدي لنفسه) بيزكي نفسه ، (و من ضل فإنما يضل عليها) يعني يضل نفسه ، يُدسي على نفسه ، يضحك على نفسه ، بيخدع نفسه ، من ضل هو بيخدع نفسه ، يضل نفسه و يُدسي على نفسه ، (و ما أنا عليكم بوكيل) النبي مش وكيل عليهم و مش مسيطر عليهم ، لا ، هو فقط بشير و نذير ، يبيلغ ، مُبلغ ، مرسال من الله عز و جل ، من عالم السامي إلى العالم الداني .

{وَاتَّبِعْ مَا يُوحَىٰ إِلَيْكَ وَاصْبِرْ حَتَّىٰ يَحْكُمَ اللَّهُ وَهُوَ خَيْرُ الْحَاكِمِينَ} :

نصيحة أخيرة في السورة دي للنبي و كل نبي ، (اتبع ما يوحى إليك و اصبر) الصبر ، دايماً الصبر ده لزيم/ يُلازم و رديف الأنبياء ، (حتى يحكم الله) ربنا هيحكم ، (و هو خير الحاكمين) الله سبحانه و تعالى خير الحاكمين ، و كفى به حاكماً و قاضياً في الدنيا و الآخرة .

و أنهى الجلسة بأن طلب قمر الأنبياء يوسف الثاني عليه السلام من مروان و رفيدة و أرسلان بإستخراج أمثلة على أحكام طلبها منهم من هذا الوجه :



طلب من مروان مثال على إظهار حقيقي ، فقال :
{جَمِيعًا أَفَأَنْتَ} .

و طلب من رفيدة مثال على إظهار حقيقي ، فقالت :
{لِنَفْسٍ أَنْ} .

و طلب من أرسلان مثال على إقلاب ، فقال :
لم أجد .

و اختتم نبي الله الجلسة المباركة بقوله المبارك :

هذا و صلّ اللهم و سلم على نبينا محمد و على آله و صحبه و سلم
تسليماً كثيراً ، سبحانك اللهم و بحمدك ، أشهد أن لا إله إلا أنت ،
أستغفرك و أتوب إليك .

و الحمد لله رب العالمين . و صلّ يا ربي و سلم على أنبياءك الكرام
محمد و أحمد و يوسف بن المسيح صلوات تلو صلوات طيبات
مباركات ، و على أنبياء عهد محمد الآتين في مستقبل قرون السنين
أجمعين . آمين .  

تم بحمد الله تعالى .